

ՂՈՒԿԱՍ ՍԵՐԱՍՏԱՅԻ



ԴԱԻԻԹ ԲԷԿ
ԿԱՄ
ՊԱՏՄՈՒԹԻՒՆ
ՂԱՓԱՆՅԻՈՅ

Թարգմանիչ՝ Հ. ՍԱՄՈՒԷԼ ԱՐԱՄԵԱՆԻ

ՀՈՒԿԱՍ ՍԵՔԱՍՏԱՅԻ



ԴԱՎԻԹ ԲԵԿ
ԿԱՍ
ՊԱՏՄՈՒԹՅՈՒՆ
ՂԱՓԱՆՅՈՅ

Թարգմանությունը և առաջաբանը
ԱՐՇԱԿ ՄԱԴՈՅԱՆԻ

Հրատարակության է պատրաստել Ա. Գ. Մաղաթյանը
Խմբագիր՝ Ռ. Ս. Ղազարյան

Ղուկաս Սեբաստացի. Դավիթ-Բեկ կամ Պատմություն
Դ242դ թյուն ղափանցոց.— Եր.: Երևանի համալս. հրատ.
1992.—112 էջ:

Վենետիկի Մխիթարյան միաբանության անդամ Ղուկաս Սե-
բաստացու պատմությունը նվիրված է 18-րդ դարի առաջին երես-
նամյակի ազատագրական շարժումներին:

0503020913

Ս 704 (02) — 92

ԴՄԴ 63.3(2Հ)46

ISBN 5—8084—0186—0

ГУКАС СЕБАСТАЦИ
ДАВИД-БЕК ИЛИ ИСТОРИЯ КАФАНЦЕВ
Издательство Ереванского университета
(На армянском языке)
Ереван — 1992

ԱՌԱՋԱԲԱՆ

Ղուկաս Ստեփանոսյան Սեբաստացին (1709—1752) մեկն էր Վենետիկի Մխիթարյաններից, որոնց կյանքն անցնում էր ամենօրյա գիտական պարապմունքներով: Նրա երկերից մասնավոր հետաքրքրություն պիտի ունենա «Համառոտ պատմութիւն թագաւորացն Հայոց և Աշխարհագրութիւն Հայաստանի և Աշխարհագրական բառարան» սովոր աշխատությունը, որ դեռևս անտիպ է և, դատելով եղած տեղեկություններից, հանրագիտական բնույթի է: Այստեղ, իմիջիպէս, Ղուկաս Սեբաստացին մեկ անգամ ևս համառոտակի անդրադառնում է Կապանի կամ Սյունիքի ապրտամբությանը, նկատելով. «Այս ամէն տեսցես ի համառոտ պատմութեան, զոր գրեցաք», — ակնարկելով մեզ զբաղեցնող Պատմությունը: Պակաս կարևոր չէ, որ նա 1737 թ., հավանաբար Պատմության շարադրանքը պատրաստելուց հետո, կազմել է նաև Դավիթ Բեկի մարտերի քարտեզը¹:

Ղուկաս Սեբաստացու աշխատությունը ԺԸ դարի հայագագրական շարժումների ամենանշանակալի երևույթներից մեկին է նվիրված և վերաբերում է այդ հարյուրամյակի 20-ական թվականներին, երբ Հայաստանը հեծում էր օտար զավթիչների լծի տակ, նրա արևելյան հատվածը Պարսկաստանի տիրապետության ներքո էր, արևմտյանը՝ թուրքական բռնատիրության:

1720 թ. աֆղանների ապստամբությունը ցնցեց ամբողջ Իրանը, վերջ տալով Սեֆյան հարստությանը: Օգտվելով պատեն իրավիճակից, Սյունիքի տանուտերերն ու իշխան-

¹ Ղուկաս Սեբաստացու կյանքն ու գործունեությունը բավական հանգամանորեն ներկայացված են «Բազմավէպ» հայագիտական մատենաշարի ԺԲ գրքում. «Դավիթ Բեկ կամ Պատմութիւն Ղափանցւոց», Հառաչարան, Բնագիր, խմբագիր օրինակ և ծանօթագրութիւններ. Աշխատասիրեց Հ. Սամուէլ Արամեան, Վենետիկ—Ս. Ղազար, 1978, էջ 183—194: Քարտեզը՝ 48—60 էջերի միջև, ներդիր:

Աերը որոշեցին գործնական քայլերի դիմել իրենց վաղեմի ազատագրական ձգտումներն իրականացնելու ուղղությամբ: Սակայն նրանց դեմ մեկից ավելի թշնամիներ կային: Տեղացիներին մեծամեծ վնասներ էին պատճառում Սյունիք թափանցող թրքախոս քոչվոր ցեղերը, պարսկական կողոպտիչ խաներն ու բեկերը, ռազմակալական նկրտումներով ժամանակ առ ժամանակ երկիրն սապատակող թուրք փաշաները: Սրանք երբեմն աջակցություն էին ստանում մահմեդականությունն ընդունած տեղացի որոշ մեծահարուստներից:

1722 թ. ամռանը ռուսական զորքերը Աստրախանից շարժվեցին դեպի հարավ և առանց մարտերի գրավեցին Կասպից ծովի արևելյան ափերը՝ մինչև Գիլան: Դա նոր հույսեր արթնացրեց Կովկասի քրիստոնյաների, հատկապես արցախցիների շրջանում, նորովի գոտեպնդելով ու ոգևորելով՝ ելնելու օտար զավթիչների դեմ: Հետագայում Իվան Կարապետը՝ «բարոն գրաֆ Գավրէլ Իվանիչ Գոլովինին» հղած նամակում հիացմունքով գրում էր՝ նկատի ունենալով Արցախի հայությանը. «Էսպես կոուարար խաղղ որ էս տեղ կայ, ոչ ինչ տեղ կայ»²: Բայց հայությանն այս հարցում հիասթափություն էր սպասում:

Հաջորդ տարին արդեն նշանավորվեց Սյունիքում հայկական անկախ իշխանության հաստատումով: Հետագա պայքարը նորանոր հաջողություններ բերեց Դավիթ-Բեկին և իր զինակիցներին:

1725 թ. գարնանը օսմանյան բանակի զորամասերը մոտեցան Սիսիանի ու Կասպանի բարձունքներին և պարտություն կրեցին: Նրանք մեծ ուժերով պաշարեցին Դավթի ամրոցը՝ Հալիձորը: Այստեղ, ինչպես հայտնի է ուրիշ աղբյուրների վկայությունից, վերստին փայլել է զորավարի տաղանդը. նա դիմել է մարտավարական հնարամտության. «Ուներ Դաւիթ յամրոցի անդ իւրում մատակ ձիւ իբր վաթսուն փոքր ինչ անելի կամ պակաս: Չսոսա անեալ Դաւթի և արանց նորա՝ արձակեցին զանխուլ ի գիշերի ի բանակ ալազգեացն. եւ քանզի բազումք լերիվարաց անտի ալազգեաց մատա-

² Г. А. Эзов, Сношения Петра Великого с армянским народом СПб, 1898, с. 426.

կախանձք էին, ի դիմել մատակաց ի բանակ անդր, անհնարին խխնջիւնք և կատաղութիւնք նոցին լցին շփոթութեամբ զխորանս նոցա, և բազումք յերիվարաց անտի խզեալ զդանդանաւանդս և զերասանակս իրեանց, և սաստկութեամբ յարձակեալ՝ կործանեցին զքանի մի վրասն, և կիցս արձակելով սպանին զոմանս. և յաղաղակել պահապանաց և համայն զօրացն՝ անկաւ աղմուկ ի բանակի անդ»³: Նույն տեղեկութիւնը ավելի ամփոփ հաղորդում է Մ. Մաղաք-Թեոփիլ-յանը: Տեսնենք նաև նրա պատմածը, թեև չի բացատրում, որ նա օգտւած լինի Մ. Չամչյանից. «Եւ յայնժամ Դաւիթ ձեռն էաթկ ի նոր հնարս ազատելոյ ի նոցանէ: Ունէր առ իւր զվարթում մատակ երիվարս. և զի գիտէր թէ այլազգեացն էին առհասարակ որձք մատակախաղք, արձակեաց զճատակս իւր ի բանակ սոցա. և ի խառնիլ ձիոցն, անկաւ շփոթութիւն մեծ յայլազգիս. և յայնմ պահու յարձակեալ ի վերայ նոցա Դաւթի, ցիրնցան արար զնոսա, և բազում աւարաւ եմուտ յամբոցն»⁴:

Հալիճորում յոթ օր դիմադրելուց հետո, գիշերով Դավիթը դուրս է գալիս բերդից: Հայ քաջազունները հալածում ու դուրս են շարտում թշնամու գերազանց ուժերը: Պակաս տպավորիչ չէր և Մեղրիի ճակատամարտի վախճանը:

Կապանի մարտիկների համար մեծ աջակցություն էին, անշուշտ, Արցախի մելիքների ազատագրական կոիվները, որոնք ի վերջո հաջողությամբ պսակվեցին: Արցախի ազատամարտիկները ուշի-ուշով հետևում էին Կապանի կոիվներին, ուրախանում այդ հաջողություններով և օգնության ձեռք մեկնում հարկ եղած ժամանակ:

Անցկում, անընկճելի էին Արցախի և Կապանի հայրենասերները: Հայ ազատագրական մտքի խոշորագույն դեմքե-

³ Մ. Չամչեանց. *Պատմութիւն Հայոց*, հ. Գ, Վենետիկ, 1784, էջ 796—797: Հմմտ. նաև՝ «Համառօտութիւն պատմութեան Հայոց սկսեալ ի նախնոյն Հայկայ մինչև ցաւորս Ղուկասու սրբազան կաթողիկոսին, ցամ Տեառն 1784 և Հայոց ՌՄԼԳ, բովանդակեալ ի վեց գիրս, Աշխատասիրեալ Զմիռնացի Յովհաննու Մելիք-Սելիմեանց, յաւորս Յովհաննէս սրբազան կաթողիկոսի ամենայն Հայոց յամի Տեառն 1829, ի սուրբ էջմիածին. Մաշտոցի անվան մատենադարան, ձեռ. 2888, Թղ. 337ա:

⁴ Մ. Մաղաք-Թեոփիլեան, *Կենսագրութիւն երևելի արանց*, հ. Ա, Վենետիկ, 1839, էջ 185:

րից մեկը՝ Հովսեփի Էմինը, ԺԸ դարի վերջերին խոսելով դարասկզբի անցուդարձերի մասին, իր ժամանակակիցներին ոգևորելու համար հիշեցնում էր սյունեցիների օրինակը՝ «Հովսեփի Էմին. Իր կյանքն ու արկածները» գրքում նա նշում էր, թե լեռնաքնակ հայերը «ազատ էին և իրենց մանկությունեն իսկ զենք կը գործածեին»⁵:

Արցախի և Կապանի իշխանները մախորդ դարի սկզբներին արդեն կարողանում էին պաշտպանել իրենց իրավունքները: Եվ հաջորդ դարի երրորդ տասնամյակի նրանց մաքառման արդյունքը եղավ այն, որ 1736 թ. Նադիր շահը հայ մելիքներին, Վրաստանի թագավորի մման, ճանաչեց կալիներ (կուսակալ, ճահանգապետ): Մելիքը (իշխան, տեր, թագավոր) հարկատու էր անմիջորեն շահին և ինքն էր երկրամասի ժողովրդի տերն ու առաջնորդը, ինքն էր իրագործում երկրի վարչական, իրավաբարական, ինչ-որ չափով՝ նաև օրենսդրական կառավարումը: Մելիքի իշխանությունը ժառանգական էր. հոր մահից հետո մելիք էր դառնում ավագ որդին, իսկ նրա մյուս եղբայրները կոչվում էին բեկ: (Այս հարցերի մասին հանգամանորեն խոսում է Րաֆֆին «Խամսայի մելիքությունները» մեծարժեք ուսումնասիրության մեջ):

Դավիթ-Բեկի Պատմության հեղինակը միշտ չէ, որ ցանկալի խորությամբ ու մանրամասներով է ավանդում ԺԸ դարի բախտորոշ եղելությունները: Իր երկի հենց սկզբում, օրինակ, խոսելով Արցախի ապստամբների մասին, նա գրում է. «Եւ թէ ո՞րպէս հարին վանեցին թէ զԼազկին, թէ զՊարսիկն եւ թէ զՕսմանցին՝ ոչ ունիմք գրել. այլ միայն զխմբելոյն Հայոց յեթնաբերդեան գաւառին Ղափանու եղելոցն ձեռն արկանեմք պատմել»: Ըստ երևույթին նա այդ հարցերի լուսաբանումից հրաժարվում է այն պատճառով, որ տրվյալ անցուդարձերի մասին ևս իրեն պատմել են Ստեփանոս Ծահուրյանը, տեր-Ավետիսը և մյուսները, չլինելով անմիջական մասնակից կամ ականատես: Այսինքն՝ Սեբաստացին ի տարբերություն Կապանի մարտերի, մյուս կոիվների վերաբերյալ տեղեկություններն ստացած լինելով «երկրորդ

⁵ «Հովսեփի Էմին. Իր կեանքն ու արկածները»՝ «Հայրենիք», 1926, 8 ապրիլ:

ձեռքից», հարմար չի դատել գրի առնելու: Այդպիսով նրան հայտնի շատ թանկագին տվյալներ մնացել են չարձանագրված և մատնվել մոռացության: Բայց այս փաստը ցույց է տալիս Ղուկաս Սեբաստացու զգուշավորությունն ու պահանջկոտությունը, գիտական բարեխղճությունը: Դա չի նշանակում, թե նրա երկը չունի սրբագրության կարտո տեղիներ (որոնք ըստ կարելիւոյն պետք է ճշտել այլևայլ աղբյուրների հաղորդումների համադրությամբ և ուշադիր քննությամբ): Սակայն ըստ երևույթին այնտեղ հիշատակված թվականների ճնշող մեծամասնությունը և դեպքերի հաջորդականությունը համապատասխանում են իրականությանը: Մանր անճշտությունների պատճառն այն է, հավանաբար, որ Ղուկաս Սեբաստացին պատմությունը գրի է առել դեպքերից առնվազն մեկ տասնամյակ անց: Այդ ընթացքում ինչ-որ բաներ կարող էին աղոտանալ մարդկանց հիշողության մեջ, բայց կար հիմնականը, որովհետև նրան պատմողները ապստամբության անմիջական մասնակիցներն էին, մարդիկ, որոնց դերը բնավ երկրորդական չէր և որոնց մասին խոսք եղավ վերևում (Ստեփանոս Ծափումյան, տեր-Ավետիս և ուրիշներ⁶): Սրանցից մեկին՝ Ստեփանոս Ծափումյանին է վերագրվում ապստամբության նախաձեռնությունը, և ըստ երևույթին այստեղ նույնպես մեծ է ճշմարտության բաժինը:

Դժբախտաբար ապստամբության ղեկավար Դավիթ-Բեկի վերաբերյալ կենսագրական տեղեկություններն առատ չեն: Մասնավոր հետաքրքրություն ունեն նրա ծննդյան և մահվան թվականները: Առաջինի մասին խոսք չկա Ղուկաս Սեբաստացու երկում, իսկ հերոսի վախճանը դրվում է 1728-ին: Նույն թվականն է արձանագրել նաև Մ. Մաղաթեոսիլյանը. «[Դավիթ] անկառ հիւանդութեամբ մահու, որով և մեռաւ ի Հալիճոր, յամի Տեառն 1728 ի հասակի իբր

⁶ 2. Ս. Արամյանը ենթադրաբար վերականգնել է ականատես-պատմողներից մեկի ինքնությունը: Դա Հովհաննես անունով երիտասարդն է, որին հետազոտողը հակված է նույնացնելու Դավթի զորավար երկու Հովհաննեսներից մեկին, Հիշյալ երիտասարդի վեհետիկ զալու ժամանակը (1736 թվական՝ ըստ Մխիթարյան միաբանության ժամանակագրության) և խոսում է այդ ենթադրության օգտին. տե՛ս «Գաւիթ Բէկ կամ Պատմութիւն Ղափանցւոյ», Էջ 88 և 114:

54 ամաց, վարեալ զիշխանութիւն իւր զամս վեց»⁷: Այս վերջին հաղորդումը մեզ հնարավորութիւն է տալիս ինչ-որ կերպ «ստուգելու» տվյալները. Դավիթը մահացել է Կապան գալու վեցերորդ տարում (1722+6): Եթե վստահելի է մահվան 1728-ը, ապա Դավիթ-Բեկը ծնված պիտի լինի 1674 թ. (1728—54): Բայց հայագիտության մեջ կասկածի է առնել մահվան թվականը: «Այն հանգամանքը,— գրում է, օրինակ, Աշոտ Հովհաննիսյանը,— որ 1726 թ. Մխիթար-Բեկն է ստորագրում ոռոս արքունիքին հղված ուղերձը, ինքյան ապացույց է, որ այդ պահին Դավիթ-Բեկը կենդանի չէր այլևս»⁸: Այս և մյուս նմանօրինակ ենթադրությունները թերևս դժվար է ապացուցել:

Դավթի և Մխիթարի միջև կարո՞ղ էին լինել տարաձայնություններ, ասենք, դրաից օգնություն ակնկալելու կամ խնդրելու հարցում: Դավիթ-Բեկն ըստ երևույթին ապավինում էր սեփական ուժերին և աստծու զորությանը: Այդ դեպքում բնական է, որ նա չպիտի ստորագրեր հիշյալ ուղերձը: Եթե՞ հիշենք նաև նրանց գծողությունը, որ հարևանցի ակնարկվում է Պատմության մեջ (երկրորդ գլխի վերջում), կարելի է կոսահել, որ շարժման երկրորդ փուլում, ժողովրդական ասացվածքով՝ «նրանց ջուրը մի առվով չէր գնում»: Հնարավոր է, որ այդ պայմաններում Մխիթար սպարապետը՝ ավելի լայն ազդեցության ոլորտ ձեռք բերել և 1726-ին, ինչպես վկայում է Թ. Կրուշինսկին⁹, իշխան ընտրվել նույնիսկ Դավթի կենդանության օրոք: Այսպիսի ենթադրության օգտին չի՞ խոսում Պատմության վերջաբանը, որ նվիրված է անմիաբանության նշավակմանը, մինչդեռ բուն երկի մեջ ցույց չեն տրված ո՛չ լուրջ տարաձայնություններ և ո՛չ, դրանց վնասակար հետևանքները:

Այսօր մեզ քիչ բան է հայտնի նաև Կապանի ու Արցախի հերոսների տոհմագրությունից: Տեր-Ավետիսի թոռնորդին՝ համաշխարհային հռչակի հաաած հայագետ և բյուզանդագետ Նիկողայոս Ադոնցը, ցավով նկատել է. «Դավիթ-

⁷ Մ. Մաղախ-Յեովիդեան, *Կենսագրություն երեւելի արամց, էջ 185*:

⁸ Ս. Հովհաննիսյան, *Դավիթ-Բեկի պատմորած Ղափանի ապստամբությունը*. «Բանբեր Երևանի համալսարանի», 1970, թիվ 1, էջ 106:

⁹ Ա. Հովհաննիսյան, *հղվ. աղբ.*, էջ 206—207:

Բեկի զինակիցները՝ թվով քառասուն, անհայտ են մնացել իրենց ժառանգներով: Բացի մելիք-Փարսադանից, միայն Տաթևի երկու զորավարների սերունդն է ցայժմ հայտնի: Դրանք են՝ Ղիչի և Այտին (Գիչի և Այդին): Գիչունց և Այինունց»¹⁰: Կարծում ենք այս տեսակետից կարևոր է Դավթի զորավարների՝ Պատմությանս կցված ցանկը (տե՛ս), որ կազմված է Ղուկաս Սեբաստացու ձեռքով:

Դավիթ-Բեկի ապստամբությունը շատ նշանակալից երեվույթ էր հայ ժողովրդի կյանքում, ուստի բնական էր ըստասել լայն արձագանք: Սերունդներն իսկապես անդրադարձել են դրան, աշխատել գրի առնել ու փրկել մոռացումից ապստամբության մասնակիցների, ժամանակակիցների հիշողությունները: Առանձին հետաքրքրություն ունեն այդ դեպքերի արձագանքները հայության ամենալայն զանգվածների մեջ: Ծառ հաճախ հարևան կամ հեռավոր գավառների հայերը միմյանց ուրախացնում էին Այունիքից առած կցկտուր լուրերով, մերթ ցանկալին ևս ներկայացնելով իբրև իրականություն: Այդ լուրերը երբեմն կանխում էին բուն իրադարձությունները, և դրանց հաջորդում էին ապրստամբների հաջողությունները: Այդ տեղեկություններն ու զրույցները ամենից ավելի պերճախոս ցուցադրումն են ԺԸ դարի 20-ական թվականների հայության հուսավառ ու ըստաստողական վիճակի, տիրող մթնոլորտի անաղձատ հայելին են:

Որոշ փաստերից երևում է, որ հայերն ուզում էին Դավթին թագավոր կարգել և օծել: Այն օրերին գրված շատ նամակներում խոսվում էր այդ մասին՝ իբրև արդեն իսկ կատարված իրողության: Հ. Ս. Արամյանն իր հրատարակության մեջ ամփոփել է ս. Ղազարի դիվանատանը պահվող բազմաթիվ վավերագրերի համապատասխան հատվածները՝ կապված 20-ական թվականների ազատագրական շարժումների հետ: Այդ նյութի մեջ են նաև Մխիթար Սեբաստացուն ուղղված շատ գրություններ (տե՛ս «Արձագանքներ Դավիթ Բեկի պատերազմներուն ս. Ղազարի Մայր դիվանեն» բաժինը): Այդպիսի մի վավերագիր է Թովմաս վ. Սե-

¹⁰ «Րաֆֆի (Յակոբ Մելիք-Յակոբեան). *Կեանքը, գրականությունը, յիշողութիւնները* (Ժողովածու), Փարիզ, 1937, էջ 160:

բաստացու 1722 թ. հոկտեմբեր 22-ի նամակը, գրված Սեբաստիայից. «Ի Սպահանու անդր Փարվեզն յարեալ ի վերայ Ծաֆին և այլ ուրիշ տաճկի Լէկզի անուանեցեալ շուրջ զԿէնճէյու յարեալ պատերազմաւ, տիրեալ է ի մօտ ժամանակիս, բայց յետոյ ոմն իշխանազարմ յազգէն Հայոց 4.000 զօրօք կոտորեալ է Լէկզին անդէն, յետոյ Մոսկոֆն մեծաբազմութեամբ եկեալ է զՓարվեզինն նուաճեալ: Զիշխանն Հայոց ի թագաւոր օծեալ է, իսկ արքայն Պարսից հանդերձ հնազանդելովք քրիստոնէայս արարեալ է, և զայլ բազում բանս լսեմ, յորմէ տաճիկն ի Գարմանս ի կողմ Ծաֆաստանու պատերազմ առնելոց»¹¹: Գրեթե նույնը Մխիթար Սեբաստացուն հաղորդում էր Միքայել վարդապետը 1725 թ. նոյեմբեր 27-ին, Կոստանդնուպոլսից: Այս առնչությամբ հատկապէս կարևոր է Գարեգին Սրվանձտյանցի գրառումը. «Սյունյաց աշխարհը և Ծուշի քաղաք» հոդվածում: Այս լեռնաշխարհի բնակիչները, ասում է մեծանուն գրագետը, — «իրենց միամտության հետ ունին և վեհ սիրտ... իրենց գլուխը միշտ սեգ պահեր են: Պարսկին կատաղի և ամբարիշտ բը[n]նության ժամանակը դարձյալ Սյունիք կվայելեր ու կվարեր իշխանություն, փառք, մեծություն, և այս Մելիքություն էր: Այս աշխարհեն էր այն երևելի հաղթող քաջ զորապետն Ռուսաց Մատաթով: Այս աշխարհի Հայն էր, որ իբր հարյուր երեսուն տարի հառաջ փոքրիկ խումբ մը կազմած և իբրև թագավոր կկովեր Հայրենի ազատության վեջա: Հիշեցեք Դավիթ Սյունեցին»¹²:

Բնավ պատահական չէր, որ Դավիթ-Բեկի ապստամբությունը լայն արձագանք գտալ առհասարակ ամբողջ Հայաստանում, հայաբնակ բոլոր վայրերում: Վերոհիշյալ նամակներից համահունչ բազմաթիվ գրություններ են ստացվել Վենետիկում Պոլսից ու Կարիմից, Էնկյուրիից ու Ամասիայից, Զմյուռնիայից ու Ախլցխայից: Մխիթար անունով ոմն Իսքեղա ԺԶ դարի մի ձեռագրի մեջ 1722 թ. կարևոր գրառում է կատարել Վանա լճի Լիմ կղզում տեղի ունեցած հանրաժողովի մասին, որի մասնակիցները հավանաբար Վասպուրականի ու շրջակայքի իշխանավորներ էին: Նա վկա-

¹¹ «Դավիթ Բէկ կամ Պատմութիւն Ղափանցւոց», էջ 95:

¹² Գ. Սրվանձտյանց, Երկեր, հ. 2, Երևան, 1982, էջ 69:

յում է, որ ոչտունցի «քաջահամբաւ և արիասիրտ» վարդապետ Ներսէսը ժողովրդին ներկայացրել է համայն հայության «դառնակակիծ» վիճակը և ցնծագին տեղեկացրել. «Այր մի [յ]երկրէն Սիւնեաց Դասիթ բէկ անուանեալ զորաշարժութիւն արարեալ իցէ վասն հալածելոյ նեղիչք և կըշտամբիչք մեր, միտս ունենալով ազատագրելոյ արիւնաժուխ զաշխարհն Հայաստան: Արդ, ո՛վ բարեմիտ և հայրենապաշտ ժողովականք, շրջեացէք գաւառս և կողմանս յերկրին ձերոյ, խրախուսեացէք ժողովուրդք ձեր, որ մրափեալ է ի խոթ խաւարի և տանջանաց, զի թոթափեացեն զլուծ անիրաւաց բռնութեանցս, և յորժամ մեք առաքեացուք զհրաւեր մարտի, քառնան ձայն ապստամբութեան ընդդէմ մարդակեր և խաչահալած թշնամեաց մերոց»¹³:

Սյունիքի ազատագրական շարժումների գրական արձագանքներից ուշագրավ է տեր-Ավետիսին նվիրված ոտանավորը՝ «Ի Սահակէ» բանակապով: Երբ տեր Ավետիսը ասպարեզից հեռացել էր, շատերը նրա հայրենի գավառից խնդրում էին հերոսին վերադառնալ և շարունակել պայքարը: Սահակ քահանայի ոտանավորը նույնպես սրա արտահայտությունն էր, ուր հիշելով տեր Ավետիսի որոշ սրխաւնքներ և դիտելով, թե «ազգն տանկաց» սարսում է քաջ հոգևորականից, որովհետև հաղթել է նրանց զորքերին, հեղինակը հորդորում է վերադառնալ կովի ասպարեզ:

Կան նաև ավելի ուշ շրջանում արձանագրված վկայություններ: Ժամանակի ամենակույ երախից, ինչպես տեսնում ենք, քիչ բան է փրկվել ու հասել մեզ: Եվ այդ քչի մեջ իր ծանրակշիռ բաժինն ունի Ղուկաս Սեբաստացու Պատմությունը, որ Սյունիքում ծավալված իրադարձությունների վերաբերյալ գլխավոր սկզբնաղբյուրն է:

Ղուկաս Սեբաստացին քաջատեղյակ է հայ պատմագրությանը: Նրա երկն ընդհանուր առմամբ հարազատ է հայ մատենագրության ավանդներին, ավելին, երբեմն թվում է, թե նա աշխատել է առաջնորդվել դասական պատմիչների սկզբունքներով, նույնիսկ՝ դարձված-կաղապարներով: Նա սիրում է խոսքի իմաստը խտացնել հոմանիշների կրկնակ

¹³ «Տեղեկագիր» (Հաս. գիտ.) 1941, թիվ 5—6, էջ 71—72: Ընդգծված տողը ձեռագրում գրված է կարմրագիրով:

(և ավելի) գործածությամբ, ինչպես՝ կազմեցան պատրաստեցան, հաճեցան հավանեցան, երդմունս երդուան, հատույց զհատուցումն և այլն: Ընթերցողը առիթներ ունենում է համաթանությամբ հիշելու հատկապես Ե դարի հայ պատմագրության ինչ-ինչ դրվագներ: Հեղինակի գրչի ամենաշքեղ դրսևորումներից է Հալիձորի մարտի պատկերը, որ հեռավոր աղերս ունի թերևս Մովսես Խորենացու մի նկարագրության հետ: «Իսկ պահապանք պարսպացն,— գրում է Ղուկաս Սեբաստացին,— ի վերուստ անտի հարեալ զնոսա՝ ի մեքենայիցն՝ ի վայր թօթափէին, եւ բազմութիւնն գէշագէշ անկելոց նոցին, իբր վաղահասուկն թզոյ հարեալ ի սաստկութենէ կարկտի՝ զյատակս մեքենայիցն ծածկէին»: Քերթողահայրը (Խոր., Գ, Խ), երբ պատմում է Արշակունի վարազդատ թագավորի (374—378) սխրանքները, գրում է. «...ի բերդ ինչ դիմեալ, ի վերայ պատուարին եօթնևտասն այր նետիւք հարեալ՝ վերուստ ի վայր հոսեաց միմեանց զկնի, իբր ի սաստիկ իմն մրրկէ վաղահասուկ թզենեաց (տրք. թզենից)»:

Հայց պատմագրության (մատենագրության) հետ այսպիսի կապը կարող էր արտահայտվել նաև ենթագիտակցորեն՝ իբրև լավատեղյակության հետևանք: Նույնպիսի աղերսներ կարելի է տեսնել և բանահյուսության հետ: Ժողովրդական վեպի նման, այստեղ ևս գլխավոր հերոսներն ընկնում են ո՛չ թշնամու ձեռքով: Նրանցից մեկը մեռնում է բնական մահով (Դավիթ-Քեկ,) մյուսը՝ յուրայինների գրնդակից (Մխիթար սպարապետ):

Ինչևէ: Հուսանք, որ ընթերցողը սիրով կընդունի Սյունիքի ազատագրական շարժումների պատմությանը նվիրված այս գողտրիկ մատյանը, նշանավոր հայագետ Լեոյի գնահատմամբ՝ ԺԸ հարյուրամյակի ամենագեղեցիկ գրական գործերից մեկը: Իրեն՝ հեղինակին գրքի առաջին հրատարակիչ Ս. Գուլամիրյանը համեմատել է Վարդանանց հերոսամարտի երգիչ Եղիշեի հետ: Անսպասելի չէ, որ ԺԹ-ի դարերի գրականության ու արվեստի գործիչները բազմիցս անդրադարձել են Սյունիքի ու Արցախի ազատագրական պատերազմներին, և օգտվելով ամենից առաջ Ղուկաս Սեբաստացու արժեքավոր երկից, ստեղծել են այդ ամման իրադարձության գեղարվեստական նոր մարմնավորումներ:

Հանրահայտ է Իմաֆֆու «Դավիթ-Բեկ» վեպը, որիս հանդի-
րեցին Արմեն Տիգրանյանի համանուն օպերան, վեպեր,
շարժանկարներ... Եկող սերունդները նորից ու նորից կան-
դրադատնան դավիթբեկյան հերոսապատումին, նորովի ու
յուրովի կիմաստավորեն նախնիների հայրենաշունչ սրխ-
րանքների պատմությունը և, որ առավել կարևոր է, չեն մո-
ռանա պատմության դասերը:



Ներկա հրատարակության համար թիմք է ծառայել Հ.
Ս. Արամյանի՝ 1978-ին լույս ընծայած «Դավիթ Բեկ կամ
Պատմութիւն Ղափանցոց» գիրքը, որի մեջ գետեղված է եր-
կու բնագիր՝ միևնույն վերնագրով («Պատմութիւն Ղափանց-
ոց»): Դրանք ս. Ղազարի Մխիթարյան մատենադարանի
թիվ 620 և 2685 ձեռագրերն են, Ղուկաս Սեբաստացու ինք-
նագրերը: Երկրորդը փաստորեն սևագիր տարբերակն է,
որտեղ կարելի է զանազանել Ստեփանոս Ծափումյանի և
տեղի Ավանտիսի թատմածը: Հարկ համարեցինք սույն գըր-
քույկի հավելվածում գետեղել նաև այդ բնագիրը, որ ըն-
թերցողին կօգնի որոշ պատկերացում կազմելու պատմու-
թյան ճետ կապված բանասիրական խնդիրների վերաբեր-
յալ:

Բոլոր դեպքերում հատուկ անունները պահպանել ենք
նույնությամբ, սակայն, հիմնական բնագրում կատարել ենք
աննշան փոփոխություններ. միօրինակացրել ենք հատուկ
անուններն ու եզրույթները (բացի Դավիթ Պեկ-ից), միացրել
կամ անջատել ենք որոշ պարբերություններ: Բնականաբար
այդ ամենն աթված է և աշխարհաբարի մեջ:

Պահպանել ենք Հ. Ս. Արամյանի հրատարակության խո-
րագիրը:

ԱՐՇԱԿ ՄԱԴՈՅԱՆ

Թէ ՈՐՊԷՍ ԵՒ ՎԱՍՆ Է՛Ր ԵՂԵՒ ՄՈՒՏՆ ԴԱԻԹԻ ՊԷԿԻՆ Ի
ՂԱՓԱՆ, ԵՒ Թէ ԶԻՒՐԴ ԵԼԻՆ ՄԻԱՑԱՆ ԸՆԴ ՆՄԱ ԲՆԱԿԻՅՔ
ԳԱԻԱՌԻՆ ԵՒ ԸՆԴԴԷՄ ԴԱՐՁԱՆ ԹՈՒՐՔԱՑ

Ի ժամանակին՝ յորժամ զօրացան ազգն Աղուանից Թուր-
քաց, ի կողմանս Հնդկաց՝ ի Ղանտահար գաւառին, եւ յարձա-
կեցան յաշխարհն Պարսից՝ ասպատակաւ աւար հարկանել,
մինչեւ ի գալ պաշարել նոցա եւ առնուլ զՍպահան քաղաք
եւ սատակել զՇահ Հիւսէին արքայն Պարսից, որ եղեւ յամի
Տեառն 1721, եւ ի թուին Հայոց ՌՃՀ:

Ի յայս եւ ի սոյն ժամանակի, ի հիւսիսոյ Հայոց՝ Լակզի
Թաթարքն ի կողմանս Հայոց եւ Աղուանից արշաւեցին, եւ
ըզգիւղորէսն Գանջու եւ Շամախու ասպատակեալ աւար ա-
ռին, եւ զԱգուլեցին ի Մուսաալէկեան տոհմէ զիշխանն Շա-
մախու ըսպանին, | եւ զամենայն զօրաւոր դիմակացսն սա-
տակեցին, եւ ժողովուրդս երկրին եւ զկանայս եւ զմանկունս
գերի վարեցին, զորոց շունիմք յայսմ վայրի մի ըստ միոջէ
պատմել:

Եւ կամ թէ զի՛արդ զայսչափ շարիս տեսեալ Հայոց բնակ-
չացն Գուգարացւոց եւ Ուտացւոց՝ ընդդէմ ելին նոցա ի բաց
վանել, գունդ կազմեցին, զէն զգեցան, պատրաստեցան ի
պատերազմ, ճակատ կազմեցին առ Թարթար գետովն, ընդդէմ
ամենայն յարձակելոցն յասպատակութիւն երկրին իւրեանց.
որք եւ զանուն առին այսու եւ կոչեցան մեծ Սղնախ մինչեւ
ցայսօր:

Եւ թէ ո՛րպէս հարին վանեցին թէ՛ զԼակզիին, թէ՛ զՊար-
սիկն եւ թէ՛ զՕսմանցին՝ ոչ ունիմք գրել. այլ միայն զխմբե-
լոյն Հայոց յեթնաբերդեան գաւառին Ղափանու եղելոցն ձե-
ռն արկանեմք պատմել:

Յամին հազարերորդի հարիւրորդի եօթանասներորդի ե-
զերորդի հայկազեանս թուականի, յորժամ լուան բնակիչք
Եօթնաբերդեան գաւառի Ղափանու գասպատակն եւ զաւե-
րոմն Գանջու եւ Շամախու, Հայք եւ Պարսիկք առ հասարակ

**ԹԵ ԻՆՉՈՒ ԿԱՄ ԻՆՉՊԵՍ ԵԿԱՎ ԴԱՎԻԹ-ԲԵԿԸ ՂԱՓԱՆ, ԻՆՉՊԵՍ
ԵԼԱՆ ՄԻԱՑԱՆ ՆՐԱՆ ԳԱՎԱՌԻ ԲՈԼՈՐ ԲՆԱԿԻՉՆԵՐԸ ԵՎ
ԸՆԴԴԻՄԱՑԱՆ ԹՈՒՐՔԵՐԻՆ**

Այն ժամանակ, երբ Հնդկաստանի կողմերում, Ղանդահար գավառում թուրք աֆղանների ազգը զորացավ, և նրանք հարձակվեցին Պարսից երկրի վրա, ասպատակելով կողոպտեցին, նույնիսկ խեղճ, պաշարեցին և գրավեցին Սպահան քաղաքը, սպանեցին պարսից շահ Հուսեյն արքային, Տիրոջ 1721-րդ և հայոց թվականության 1170-րդ տարին էր:

Նույն այս ժամանակ լակզի թաթարները Հայաստանի հյուսիսից արշավում են Հայաստանի ու Աղվանքի կողմերը և Գանջայի ու Շամախիի գյուղերն ասպատակելով, կողոպտում նաև Շամախիի իշխանին, որ Ագուլիսի Մուսաբեկյան տոհմից էր, սպանում, բոլոր զինված դիմադրողներին կոտորում և երկրի ժողովրդին, կանանց ու երեխաներին գերի վարում. սրանց մասին չենք կարող այստեղ մանրամասն պատմել:

Եվ թե ինչպես անշափ շարիք տեսած Գուդարքի և Ուտիքի հայ բնակիչները ելան նրանց վտարելու, գունդ կազմեցին, ղեկը կապեցին, պատրաստվեցին մարտի, ճակատ կազմելով Թարթառ գետի շուրջը՝ իրենց երկիրն ասպատակողների դեմ. [բանակատեղին] դրանից ստացավ իր անունը և մինչև օրս կոչվում է Մեծ Սղնախ:

Եվ թե ինչպես արիացան սրանք, հարվածեցին, հեռացրին թե՛ լակզիներին, թե՛ պարսիկներին, թե՛ օսմանցիներին. այս ամենի մասին մտադիր չենք գրելու, այլ միայն կպատմենք Ղափանի յոթնաբերդ գավառում կատարված դեպքերը:

Հայկազյան 1171 թվականին, երբ Ղափանի յոթնաբերդ գավառի բնակիչները լսեցին Գանջայի և Շամախիի ասպատակումն ու թվերումը, բոլոր հայերն ու պարսիկները ան-

խոռովեցան, եւ զահի հարեալ սասանեալ տագնապէին, եւ իր-
րեւ ամիսս երկու կամ երեք երթեւեկս առ միմեանս առնել ի
միմեանց կասկածէին. զի զանձինս իւրեանց առ հասարակ
ի խնամոց հանրական ընտանի խնամակալութեան | լքեալս
տեսանէին. վասն այտորիկ քաղաք ի քաղաքէ, ազգ յազգէ, եւ
իշխան յիշխանէ կասկածանս թշնամութեան կրեալ տագնա-
պէին: Ահա՛ զսոյնպիսի աղէտս շարեաց եւ սոքա կրէին:

Արդ՝ ի սոյնպիսի աւուրս դառնութեան սասանութեան,
ոմն Ստեփանոս անուն, ի Հայոց ազգէ, Վանքեցի, ի կողման-
ցըն Կալերու, խորհուրդ ի մտի դնէր՝ անցանել ի Սիսան գա-
ւառ, եւ գնալ հասանիլ յաշխարհն Վրաց, ի քաղաքն Մծխիթ,
առ Շահնաւուդ իշխանաց իշխանն Վրաց, եւ խնդրել ի նմանէ
զայր մի տալ Ղափանու ի զօրագլուխ, եւ հրաման տալ նմա
զօրաժողով լինելոյ եւ զերկիրն ի թշնամեաց պահելոյ. զի
զայս աչ ոք ի սոսկականացն իւրովի առնել համարձակէր.
ապա եթէ ոք առնէր, ժողովուրդն զնա իբրեւ ապստամբեալ
ի տէրութենէ՝ ի բաց մերժէր: Այլ իշխանն Վրաց մեծ էր, եւ
զայսպիսի զօրագլուխ կացուցանել նմա անկ էր: Իսկ Բէ ո-
րով մարթասցի զհայցուածն իւր առաջի իշխանին արժանա-
ւոր ցուցանել, խորհեցաւ տուտ գիրս յանուն յիսուն արանց
տանուտերանց Ղափանու յօրինել, եւ ըստ նմանութեան իւ-
րաքանչիւր կնքոց նոցա զկնիքս քանդակել, եւ զայն զիր նո-
քօք կնքեալ հաստատել: Եւ օրինակ հայցուածոց հրովարտա-
կին այս ինչ էր. | «Տուր մեզ, տէր, զայր մի՝ լինիլ մեզ զօ-
րապետ, զի հրամանաւդ լիցի մեզ այս օրինաւոր, եւ մեք ըզ-
զօրսն հոգամք պատրաստել, եւ նոքօք զգաւառն մեր ի թշնա-
մեաց աներկեւան առնել»:

Եւ զնաց Ստեփաննոս, եւ եհաս ի Մծխիթ քաղաք, յանդի-
ման եղեւ իշխանին Վրաց, եւ գոյժ տուեալ նմա յաղագս նա-
խայիշատակեալ քաղաքացն, պատմեաց նմա եւ զամենայն
վտանգս եւ զխոռովութիւնս, զահ եւ զերկիւղ ժողովրդեանն Ղա-
փանու, եւ մատոյց նմա զհրովարտակն՝ զոր արարեալ էր յա-
նուն տանուտերանցն: Հաճոյ թուեցաւ իշխանին հայցուածն,
զոր յանուն նոցա հայցէր. եւ կոշեալ զԴաւիթ Պէկն Մծխիթա-
ցի, ի հայկազեանս տոհմէ, ետ նմա զիշխանութիւն երթալ
յաշխարհն Սիւնեաց, որ այժմ կոշի Ղափան, զօրաժողով լի-
նել անգ, եւ պահել զերկիրն Հայոց: Եւ եւ յերեսաց իշխա-
նին Վրաց, եւ եկն հաս յաշխարհն Սիւնեաց յամի Տեառն

հանգստացան և երկյուղի մատնված տագնապում էին և մոտ երկու կամ երեք ամիս չէին համարձակվում միմյանց մոտ գնալ, որովհետև իրենք իրենց բոլոր յուրայինների հոգատարությունից զրկված էին զգում: Այս պատճառով քաղաք-քաղաքից, ազգ-ազգից, իշխան-իշխանից թշնամանքի կասկածներ ունենալով տագնապում էին: Ահա այսպիսի շար առևտների էին ենթարկվում սրանք:

Դառնության ու սասանման այս օրերին հայոց ազգից մեկը, Ստեփանոս անունով, Կալերի կողմերից, վանքեցի, նպատակադրվում է անցնել Սիսան գավառը, գնալ հասնել Վրաց աշխարհը, Մծխիթ քաղաքը՝ վրաց իշխանաց իշխան Շահնավուզի մոտ և խնդրել նրանից՝ Ղափանի երկրին տալ մի մարդ և նրան իրավունք տալ զորք հավաքելու և երկիրը թշնամիներից պաշտպանելու: Որովհետև այս բանը շարքայիններից ոչ ոք չէր համարձակվում անել, և եթե որևէ մեկն աներ, իբրև տերության դեմ ապստամբած՝ կմերժվեր ժողովրդից: Իսկ վրաց իշխանը ավագ էր և այսպիսի զորագլուխ նա կարող էր նշանակել: Եվ որպեսզի կարողանա իր խնդրածը զրուխ բերել, [Ստեփանոսը] մտածեց Ղափանի հիսուն տանուտերերի անունից գրություն հորինել, նրանց կնիքների նմանությամբ կնիքներ պատրաստել և այն գիրը դրանցով կնքել-վավերացնել: Եվ հրովարտակի բովանդակությունն այս էր. «Մեզ մի մարդ տուր, որ զորապետ լինի, և մենք հոգ տանենք զորք հավաքելու մասին և դրանով մեր հողը թշնամիներից ազատենք և քո հրամանով օրինական լինի»:

Գնաց Ստեփանոսը, հասավ Մծխիթ քաղաքը, հանդիպեց վրաց իշխանին, գուժեց նախահիշյալ քաղաքների ավերման մասին, պատմեց և բոլոր փորձանքներն ու խռովությունները, ահն ու երկյուղը Ղափանի ժողովրդի, և նրան հանձնեց հրովարտակը, որ կազմել էր տանուտերերի անունից: Իշխանին հաճո թվաց խնդրանքը, և կանչելով մծխիթցի հայ Դավիթ-Բեկին, նրան իրավունք տվեց գնալու Այունյաց աշխարհը, որ այժմ կոչվում է Ղափան, զորք հավաքելու այնտեղ և Հայոց հողը պաշտպանելու: Նա հրաժեշտ տվեց վրաց իշխանին, և կավ Այունյաց աշխարհը հասավ Տիրոջ 1722, հայոց 1171

1722 եւ ի Թուին Հայոց ՌՃՀԱ, եւ բանակեցաւ ի սահմանս Սիսան գաւառին, ի գեղեցիկ դաշտավայրն յայն երեքգագաթեան, որ ի յայլասեռից կոչի Ուլթէփէ:

Եւ ինքն Դաւիթ ազնուական էր, բարեպաշտ, արդարակորով, արիասիրտ, երկայնամիտ խորհրդով, զօրաւոր բանիւք եւ գործովք, տեղեակ գրոց, նախանձայոյզ բարեաց ազգի, եւ վրէժխնդիր | վնասակարաց նորա, սոյնպէս եւ ամենայն հետեւողք իւր. զի իբրեւ ելանէր նա յերկրէն Վրաց, առ նա ժողովէին ամենայն ազգ զօրութեանց յամենայն կողմանց գաւառին, որք լսէին զնմանէ, արք իբրեւ շորեք հարիւրք, որք նեղեալք եւ տառապեալք էին ի դառն ծառայութենէ այլազգեաց, արք՝ որք զանձինս իւրեանց եղեալք էին առ ի ազատ լինելոյ ի լծոյ ծառայութեանն այլազգեաց, արք՝ որոց մինն հալածէր զհազարս, եւ երկուքն՝ զբիւրս:

Արդ՝ զառաջինն հարկանելով էհար Դաւիթ զՂարաշօղու կոչեցեալ Թուրքն ի յՈւլթէփէն: Եւ ապա անտի եկեալ բնակեցաւ ի յամուրն որ կոչի Շնհեր, եւ կոչեալ առ ինքն զառաջնորդն Տաթեւու՝ պատմեաց նմա թէ յինչ բանս, յինչ խորհուրդս եկեալ է, եւ ասէ. Զնջելով ջնջեցից զամենայն այլազգիս յերկրէ աստի յայսմանէ. եւ ժողովեաց առ ինքն զարսն Շնհերու, եւ էհար ասպատակեաց զգիւղորէսն Թուրքաց եւ ժառանգեաց զստացուածս նոցա:

Իբրեւ զայն տեսանէին երեսուն եւ երկու Ճիւանչիր կոչեցեալ ցեղն Թուրքաց, ի միասին գային, ժողովէին, գոմնդ կազմէին, եւ դիմէին ի վերայ Դաւիթ Պէկին: Եւ նա եւ ընդ առաջ նոցա ի յՈւլթէփէն, եւ ետես ի հեռուստ զգօրսն թշնամեաց զի էին իբրեւ վեշտասան հազար: Էառ ընդ իւր իբրեւ զշորեքհարիւր ընտիր զօրս, | ի վերայ յարձակեցաւ, յաջ եւ ահեակ կոտորելով խրամատեաց զգօրս նոցա. բայց պատերազմն ոչ շուտով վճարեցաւ, այլ տեւեաց իբր զաւուրս երկուս կամ երիս. եւ յետ երրորդ աւուր՝ ապա ի սպառ էհար եւ վանեաց զնոսա, յուսարով յողորմութիւնն Աստուծոյ, եւ էառ զամենայն ինչս նոցա՝ զզէն, զսուր, զերիվար եւ զամենայն աղիսս նոցա:

Յետ այսորիկ առաքեաց նա զՄխիթար սպարապետն իւր ի շէնն որ կոչի Քուրթլար, եւ էհար զայն, են էառ զամենայն ստացուածս նոցա:

Արդ՝ լուր եղեւ ամենայն բնակչացն Ղափանու, թէ Դաւիթ Պէկն եկեալ հասեալ է ի Թիկունս Հայոց մեծաւ քաջու-

թվականին ու բանակեց Սիսան գավառի սահմաններում, գեղեցիկ դաշտավայրում, Ծռագագաթ բլրի մոտ, որ օտարներն անվանում են Ուլթեփե:

Դավիթն ինքը ազնվական էր, բարեպաշտ, արդարակորով, արիասիրտ, լայնախոհ, խոսքով ու գործով ուժեղ, գրագետ, ազգի բարօրության նախանձախնդիր և աններող՝ նրա թըշնամիների հանդեպ: Իր նման էին և նրա բոլոր հետևորդները: Եվ երբ նա ելավ Վրաց երկրից, նրա շուրջն էին հավաքվում գավառի բոլոր կողմերից զինակիր տղամարդիկ, որ լսում էին նրա մասին. մոտ շորս հարյուր մարդ, որոնք ճնշված ու տառապած էին օտարների դառն ծառայությունից, այրեր, որոնք իրենց նվիրել էին ազատության՝ օտար լծից և որոնցից մեկը հարյուրների էր հալածում, երկուսը՝ հազարների:

Նախ Դավիթը Ծռաբլուրում հարվածեց զարաշողուկ կոչված թուրքերին, ապա գնաց բանակեց Շնհեր կոչվող ամրոցում: Եվ իր մոտ կանչելով Տաթևի առաջնորդին, պատմեց նրան, թե ինչ գործով, ինչ նպատակով է եկել, և ասում է՝ «Այս երկրից իսպառ ջնջելու ենք բոլոր օտարեկրացիներին»: Եվ խմբեց շուրջը Շնհերի տղամարդկանց, զարկեց-ասպատակեց թուրքերի գյուղերը և գրավեց նրանց ունեցվածքը:

Այս տեսնելով, ճիվանշիր կոչված երեսուներկու թուրքական ցեղերը համախմբված գալիս, հավաքվում, գունդ են կազմում և շարժվում Դավիթ-Բեկի վրա: Իսկ նա Ծռաբլուրում նրանց ընդառաջ գնալով, հեռվից տեսավ թշնամու զորքերը, որ մոտ տասնվեց հազար էին: Հետը վերցնելով շորս հարյուրի շափ ընտիր սպառազեն, հարձակվեց նրանց զորքերի վրա՝ աջ ու ձախ հերձելով ու կոտորելով: Բայց կռիվը շուտ չավարտվեց, այլ տևեց երկու-երեք օր: Երրորդ օրվանից հետո իսպառ կոտորեց կամ վտարեց նրանց՝ հուսալով Աստուծու ողորմածությանը, գրավեց նրանց ստացվածքը՝ սուր ու զենք, երիվարներ և ամբողջ կաշքը:

Այնուհետև իր սպարապետ Մխիթարին ուղարկեց Քուրթլար կոչվող ավանը: Սա հարվածեց և ավար առավ նրանց ամբողջ ունեցածը:

Երբ Ղափանի բոլոր բնակիչները տեղեկացան, թե Դավիթ-Բեկը մեծ քաջությամբ եկել օգնության է հասել հայերին,

Թեամբ, եւ հասանէին առ նա յամենայն կողմանց. զառաջինն դիմէր գալ առ նա Թորոս՝ սակաւ արամբ, եւ առնոյր ի նմանէ զիշխանութիւն զօրապետութեան, եւ դառնայր ի Չաւնդուր՝ յերկիրն իւր, ընդ իւր առեալ նաեւ զՊայնտուր զօրավարն Դաւթի:

Յետ այսորիկ գային առ նա զօրօք իւրեանց որդիքն Մաղայ մելիքին Ճիւղայու, որ եւ կոչի հին Ճիւղայ՝ ի Գողթան գաւառին, եւ որդիքն Տիւէնչի մականուանելոյն. եւ սոքա ամենեքեան գային, խառնէին եւ յաւելանային ընդ զօրսն Դաւթի՝ իբրեւ երկուս հազարս արանց զօրաւորաց:

Ընդ այսու ժամանակաւ մելիք ոմն Տաթեւու էր ուրացող, որ յառաջն կոչիւր Դաւիթ, բայց յետոյ անօրինեալ ի հաւատըս իւր, ինքն եւ ամենայն տուն իւր, կոչեցաւ անուն Պաղրի, եւ որդիք նորա ամենեքեան եղեն Շահ Ղուլի: Սա իբրեւ զգալն Դաւթի լսէր, զարսն Տաթեւու առ ինքն ժողովէր, ամուրս կանգնէր եւ խորհէր տալ պատերազմ ընդ Դաւթի Պէկին: Հապա եւ Դաւիթ Պէկն զզօրսն ժողովէր, գունդ կազմէր, գայր հասանէր ի վերայ նորա, զամուրսն պաշարէր, եւ յետ երկուց աւուրց դայն զբռամբ ածէր, եւ զնա են զամենայն ինչս նորա կալեալ ածէր ի Շահեր, եւ անդ հրամայէր նմա զաւուրս երկոտասան, ի մէջ եկեղեցւոյն, յանդիման ամենեցուն ասել բարձր ձայնիւ զառածս զայս առական՝ թէ «Լոյսն Լուսաւորչի հաւատոյն, վա՛յ ուրացողին». եւ ապա հատանէ զգլուխ նորա. եւ ինքն գայ բնակի ի Տաթեւ:

Ապա հրեշտակս առաքեաց ի Հալիձոր առ տէր Աւետիսն, եւ առ մելիք Փարսադան աներ նորա, եւ ասէ. Եկայք միաբանեցարուք ընդ մեզ, զի ի բաց հանցութ զԹուրք բնակիչս ի միջոյ. եւ նոքա ոչ եկին: Եւ յամին երկրորդի, յետ գալստեան Դաւթի ի Ղափան, եւ յաւուրս քառասնորդաց պահուց՝ ի տօնի սրբոյ Լուսաւորչին, եւ ի վերայ Չավնդուր երկրին կուսակայն Ղափանու, եւ Փաթալի սուլտանն, եւ ընդ նմա խանն Սեաւ լերին՝ ութ եւ տասն հազարաւ. իսկ զօրքն Հայոց, որք զարան մտեալ էին նոցա, ի տոնի Յարութեանն Քրիստոսի, զիշերայն զԱստուած յօգնութիւն ինքեանց կոչեցին, յանկարծակի զաղաղակ բարձին, ի վերայ յարձակեցան, հարին կոտորեցին զբազումս ի նոցանէ, եւ զայլս ի փախուստ դարձուցին:

Ապա յետ այսորիկ եկին մելիք Փարսադան եւ տէր Աւե-

ներա մոտ էին շտապում բոլոր կողմերից: Առաջինը նրա մոտ է դիմում Թորոսը՝ Չավնդուր գավառից, սակավաթիվ մարդկանցով և նրանից զորապետության իշխանություն ստանալով՝ վերադառնում է Չավնդուր՝ իր երկիրը, հետը տանելով նաև Դավթի Պայնտուր զորավարին: Դրանից հետո նրա մոտ եկան Գողթան գավառի Ճուղա քաղաքի (որ նաև Հին Ճուղա է կոչվում) Մաղա-մելիքի որդիներն իրենց զորքով. և Տիլեն-չի մականվանյալի որդիները: Սրանք բոլորը, մոտ երկու հազար զորավոր տղամարդիկ, գալիս, գումարվում են Դավթի զորքերին:

Այս ժամանակ Տաթևում մի մելիք կար ուրացող, որ առաջ կոչվում էր Դավիթ, բայց հետո, երբ հավատը փոխեց, ինքը և ամբողջ ընտանիքը, վերակոչվեց Պաղրի, և նրա բոլոր որդիները դարձան շահ-ղուլի: Սա երբ լսում է Դավթի գալը, Տաթևի տղամարդկանց հավաքում, ամրություններ է շինում և պատրաստվում պատերազմելու Դավիթ-Բեկի դեմ: Դավիթ-Բեկը ևս զորք է հավաքում, գալիս հարձակվում է նրա վրա, պաշարում ամրությունները և երկու օր հետո նրան բռնում, նրան ու նրա ամբողջ ինչքը առնում բերում Շնհեր և հրամայում տասներկու օր եկեղեցում բոլորի ներկայությամբ բարձր ձայնով ասել առածի խոսքը. «Լո՛ւյս Լուսավորչի հավատին, վա՛յ ուրացողին»: Այնուհետև Դավիթ-Բեկը հատում է նրա գլուխը և ինքը գալիս բնակվում Տաթևում:

Ապա սուրհանդակ է ուղարկում Հալիձոր, տեղ Ավետիսի և նրա աներոջ՝ մելիք Փարսադանի մոտ, և ասում՝ «Եկեք միաբանեցեք մեզ հետ, որ բոլոր թուրքերին վտարենք երկրից»: Բայց նրանք չեկան: Դավթի Ղափան գալու երկրորդ տարին, սուրբ Լուսավորչի տոնի քառասնորդաց պահքի օրերին Չավնդուրի վրա հարձակվեց Ղափանի կուսակալը՝ Փաթալի սուլթանը, և նրա հետ՝ Սև լեռան խանը՝ տասնութ հազարով: Իսկ հայոց դարանամուտ զորքերը Քրիստոսի հարության տոնին, գիշերով Աստծուն օգնության կանչեցին, հանկարծակի աղաղակ բարձրացրին, հարձակվեցին, հարվածեցին, կոտորեցին նրանցից շատերին և մնացածներին փախուսյալ մատնեցին:

Այս հաջողությանից հետո մելիք Փարսադանն ու տեղ Ա-

տիսն յողջոյն Դաւթի. իսկ նորա բարկացեալ ի վերայ նոցա, ասէ. Կոչեցի զձեզ, եւ ընդէ՞ր ոչ ելիք յօգնութիւն մեզ. եւ հրամայեաց տանիլ զնոսա ի Շնհեր, եւ անդ արկանել զնոսա ի բանտ. եւ էին նոքա զաւուրս երկոտասան ի բանտի անդ:

Եւ դէպ եղեւ յաւուրսն յայնոսիկ Յոհաննէս պետն Գուգարացւոց զալ ի կողմանս յայնոսիկ, յիսուն եւ վեց հազար հայագունդ զօրօք, եւ պաշարեալ զանմատչելի բերդն Որոտնայ. եւ ի շկարելն առնուլ զայն ի Թուրքաց, գայ ի Շնհեր, եւ զտանէ անդ զտէր Աւետիսն եւ զաներ նորա ի կալանս. ազատէ զնոսա եւ առաքէ առ Դաւիթ Պէկն ի Հալի ձոր. եւ ինքն ի Տաթեւ երթայ, զտանէ զգանձն Դաւիթ Պէկին, եւ առեալ զայն՝ դառնայ ի տեղի իւր: Իսկ Դաւիթ Պէկն ընկալեալ զմելիք Փարսադայն՝ կացուցանէ զնա յիւրում կարգի զօրապետութեան, ի վերայ երկու հարիւր վաթսուն եւ վեց զօրաց, եւ զտէր Աւետիսն՝ ի վերայ շորեք հարիւր քառասնից:

Յետ այսորիկ իբրեւ լսէր Դաւիթ, թէ զօրաժողով է Ասլամաս Ղուլին ի կողմանս Փուխուրութայ լերին, ի բերդն Զեու, վաղվաղակի զօրսն գումարէր եւ զայր բնակէր ի Ղարաշիմէն, եւ անտի հրեշտակս առաքէր ի Զանդուր, ի Կալեր, ի Կենաուղն եւ ի Մեղրի, զօրավարացն՝ զալ հասանիլ անդ. եւ եկին հասին վաղվաղակի:

Բայց Թորոս զօրագլուխն ընդդէմ եկաց նմա ի կռիւս. եւ միջնորդ մտեալ ի մէջ երկուցն՝ հաշտեցուցին զնոսա. եւ ժողովեալ զզօրականսն՝ ել զնաց ի վերայ Ասլամազ Ղուլոյն, եւ մատուցեալ պաշարեաց զամուրս նորա, եւ դժուրացաւ ի յառնուլն զայն, զի էր անառիկ եւ բարձրաբերձ յոյժ. այլ յետ բախելոյն զայն աւուրս երկուս, Մխիթար Սպարապետն եւ տէր Աւետիսն գրոհ տուեալ ի վեր խաղացին. իսկ նոքա ի պարսպէ անտի զսոսա ի բաց մերժեցին. բայց տէր Աւետիսն խաբանօք յամուր ելանէր, եւ զոստիկանն ձերբակալէր. եւ յայսմ վայրի զօրքն ամենայն, որք շուրջ էին զբերդան, ի պարսպէ անտի ի ներքս զեղանէին, եւ սուր ի վերայ եղեալ՝ զամենեւեան զնոսա առ ետեղ սատակէին. եւ ի նմին աւուր ի յամրոցի անդ կոտորեցին ի Թուրքաց արս շորս հազար, եւ ի սոցանէ մեռան սակաւ ոմանք:

Ապա դարձ արար Դաւիթ, խաղաց զնաց ի Սիսան գաւառ, եւ կալեալ անդ զիշխանս Թուրքաց՝ կոտորեաց:

վետիսը եկան Դավթին ողջունելու։ Իսկ նա բարկանալով նրանց վրա, ասում է՝ Կանչեցի ձեզ, և ինչո՞ւ չեկաք օգնության, և հրամայեց նրանց տանել Շնհեր ու բանտարկել։ Եվ նրա՞յք տասներկու օր բանտում մնացին։

Պատահեց, որ Գուգարաց պետ Հովհաննեսը, գալով այն կողմերը հիսունվեց հազար հայագունդ զորքով, պաշարում է անմատչելի Որոտնա բերդը, Չկարենալով ազատել թուրքերից, գալիս է Շնհեր և այնտեղ գտնում տեր Ավետիսին ու նրա աներոջը կալանքի տակ, ազատում է նրանց և ուղարկում Հալիձոր, իսկ ինքը գնում է Տաթև, գտնելով Դավիթ-Բեկի գանձերը և առնելով իր հետ՝ վերադառնում իր երկիրը։ Իսկ Դավիթ-Բեկը մելիք Փարսաղանին կարգում է զորապետ երկու հարյուր վաթսունվեցանոց զորքի և տեր Ավետիսին՝ շորս հարյուր քառասունանոց։

Եվ մի օր Դավիթը տեղեկացավ, որ Ասլամազ-ղուլին Փուխուրութի լեռան կողմերում, Զեու բերդում զորք է ժողովել, ինքն ևս շտապ զորք հավաքեց ու եկավ նստեց Ղարաչիմենում և այնտեղից սուրհանդակներ ուղարկեց Զավնդուր, Կալբեր, Կենավուզ և Մեղրի՝ զորավարներին, որ գան հավաքվեն այնտեղ։ Եվ սրանք անմիջապես եկան հասան։

Թորոս զորավարը կռվի հարցում հակառակվեց նրան, բայց միջնորդներ եղան, որ նրանց հաշտեցրին։ Հավաքելով զորականներին, գնաց Ասլամազ-ղուլիի վրա, մոտենալով պաշարեց նրա ամրությունները, բայց գրավելը դժվար եղավ, որովհետև ամրոցը բարձրաբերձ էր ու անառիկ։ Երկօրյա ընդհարումից հետո Մխիթար սպարապետը և տեր Ավետիսը վճռական գրոհ ձեռնարկեցին։ Իսկ նրանք պարսպից սրանց հետ վանեցին։ Տեր Ավետիսը խորամանկությամբ կարողացավ բարձրանալ պարսպի վրա և ձերբակալել ոստիկանին։ Եվ պարիսպների շուրջը եղած ամբողջ զորքերը լրջվեցին պարիսպներից ներս ու սրամարտով կոտորեցին բոլորին։ Այդ օրը նրանք շորս հազար թուրք կոտորեցին, իսկ իրենցից քչերը մահացան։ Հետո Դավիթը շրջվեց, գնաց Սիսան դավառը և այնտեղ բռնելով թուրք իշխանավորներին՝ կոտորեց։

Եւ ի յամին երրորդի, յետ գալստեան իւրոյ ի Ղափան, Երթայ պաշարէ զմեծ եւ զանառիկ բերդն Որոտնու, եւ ի տօնի Սաղկազարդին, որ շորրորդ օր էր պաշարման բերդին, եղեւ անձրեւ յոյժ, ո՛վ սքանչելեացս, եւ ի սաստկութենէ անձրեւին մի կողմն պարսպին ինքնին անկաւ. սոքա իբրեւ զայն տեսին՝ ձայն ետուն, խրախոյս բարձին, ի վերայ յարձակեցան եւ մտին ի ներքս, եւ հարին կոտորեցին զամենայն այլազգիս, եւ առին զբերդն:

Եւ եղեւ ընդ աւուրսն ընդ այնոսիկ առաքել զբազմութիւն զօրաց իւրոց ի վերայ Թուրքացն Պարկուշատայ, եւ ինքեան սակաւուք մնալ ի Սիսան գաւառի: Եւ ի վերայ նորա խանն Նախիջեւանու շորեքտասան հազարաւ. իբրեւ զայն լսէր Դաւիթ զօրաժողով լինէր վաղվաղակի, ի Դարպասայ եւ ի տանէն Սիսանայ գունդ կազմէր, եւ զայր հասանէր նմա ի վերայ գետոյն Նախիջեւանու. եւ անդ իբրեւ ընդ միմեանս բախեցան երկոքին ճակատքն, զօրքն խանին փախստեայ լինէին ի սոցանէ, եւ սոքա զհետ մտանէին նոցա ի յութ եւ տասն ժամէ աւուրն մինչեւ ցքսան եւ միերորդ ժամն վանէին, եւ զբազում վիրաւորս ի նոցանէ դիաթաւալ կացուցանէին: | Բայց ի քսան եւ երկուերորդ ժամուն փախստեայքն ամենեքեան ի միասին հաւաքեցան եւ ի կրունկս ընդդէմ Հայոցն դարձան. իսկ սոքա իբրեւ զայն յանդուզն յարձակումն տեսանէին՝ լքանէին, կասէին եւ ի փախուստ դառնային ի նոցանէ մինչեւ ցգետափըն. եւ անդ առ ի ճեպոյն տագնապի, էր որ գետակուր լինէր, եւ էր որ սրոյ ճարակ լինէր, զի պաշարեաց զնոսա սուր թշնամեացն զկնի, եւ յորդեալ գետն առաջի, եւ ոչ գոյր այլ ելք ճանապարհի. ուստի՝ յայնմիկ վայրի ծախեցան ի սոցանէ աւելի քան զհազար այր, մինչեւ ցհասանել գիշերոյն, եւ մնացեալքն փախուցեալ թաքեան ոմն ի վէմս, ոմն ի յայրս եւ ի մացառս. եւ յերկրորդ պահու գիշերոյն եկն էհաս Դաւիթ ի Սիսան, եւ փախստեայքն ամենեքեան եկին ժողովեցան առ նա:

Իր Ղափան գալու երրորդ տարին էր, Դավիթը պաշարեց մեծ ու անառիկ Որոտնաբերդը, և ծաղկազարդի տոնին, որ ամրոցի պաշարման շորրորդ օրն էր, հորդ անձրև տեղաց (ո՛վ սքանչելիք), և անձրևի սաստկությունից պարսպի մի կողմն ինքնիրեն քանդվեց։ Այդ տեսնելով նրանք ձայն տվեցին, խրախույս կարդալով հարձակվեցին, մտան ներս ու կոտորեցին բոլոր օտաբեկրացիներին, գրավեցին բերդը։

Եվ գրանից հետո այնպես եղավ, որ Դավիթն իր զորքերի մեծ մասը ուղարկեց Պարկուշատի թուրքերի վրա և ինքը քըշով մնաց Սիսան գավառում։ Նրա դեմ ելավ Նախիջևանի խանը՝ տասնչորս հազարով։ Լսելով այդ մասին, Դավիթը շտապ զորահավաք արեց, Դարպասից ու Սիսան տնից գունդ կապեց և գնաց նրան հասավ Նախիջևան գետի մոտ։ Այնտեղ, երբ միմյանց բախվեցին, խանի զորքերը դիմեցին փախուստի, և Դավթի զինվորները հետապնդում էին նրանց օրվա տասնութերորդ ժամից մինչև քսանմեկերորդ ժամը, հալածում էին և նրանցից շատերին դիաթավալ վիրավոր դարձնում։ Բայց քսաներկուերորդ ժամին բոլոր փախստականները միասին հավաքվեցին և նորից շրջվեցին հայերի դեմ։ Վերջիններս, տեսնելով այդ հանդուգն հարձակումը, հուսալքվում էին, կանգնում կամ փախչում գեպի գետը, տագնապից շտապելով մեկը խեղդվում էր գետում, մյուսը սրի ճարակ էր դառնում, որովհետև հտեից թշնամու սուրն էր, իսկ առջևից՝ հորդացած գետը, և չկար այլ ելք ու ճանապարհ։ Ուստի այդտեղ սրանցից ավելի քան հազար մարդ զոհվեց մինչև մութըն ընկնելը, և մյուսները փախչելով թաքնվեցին քարերի մեջ, անձավներում ու մացառուտներում։ Եվ գիշերվան երկրորդ կեսին Դավիթը եկավ հասավ Սիսան, և բոլոր փախըստականները հավաքվեցին նրա մոտ։

**Թէ ԶՈՐԶԱՓ ԻՆՉ ԱՐԱՐ ԹՈՐՈՍ ԶՕՐԱՊԵՏՆ, ԵՒ Թէ
ՈՐՊԻՍԻ ՊԱՏԵՐԱԶՄՈՒՆՔ ԵՂԵՆ Ի ԿՈՂՄԱՆՍ ԶԱՎՆԴՐՈՑ
ԵՒ ՄԵՂՐՈՑ**

Ընդ առուրս ժամանակացն այնոցիկ՝ իբրեւ լսէր Թորոս ի Խորձոր, որ է ի Զավնդուրն, թէ Դաւիթ եկեալ հասեալ է բազում զօրօք ի Սիսան գաւառ, ընդ իւր առնոյր արս իբրեւ երեսուն, եւ գայր հասնէր առ նա. եւ առեալ ի նմանէ զիշխանութիւն զօրապետութեան, վաղվաղակի դարձ առնէր, խաղայր գնայր ի Զավնդուր, եւ զարս տեղւոյն առ ինքն ժողովէր, կարգէր կազմէր զնոսա գունդս գունդս, եւ ի վերայ նոցա կացուցանէր հարիւրապետս եւ յիմնապետս:

Եւ դէպ եղեւ յառուրսն յայնոսիկ հօտ մի ոշխարաց սուտանին, յորում էին երկու հազար ոշխար եւ երկոտասան հովիւք, գալ արածիլ յերկիրն Զավնդրոյ. եւ զայս իբրեւ լսէր Թորոս, զարս առաքէր՝ երթալ կոտորել զհովիւսն եւ զամենայն զհօտն ածել առ ինքն. եւ արարին այնպէս: Եւ այս ամենայն եհաս յանկանջս Փաթալի սուլտանին Պարկուշատու, եւ յականջս եղբօր նորին՝ Աղասի խանին, եւ գրեաց վաղվաղակի առ Մահնիշար օղլի Սափի Ղուլոյն օրինակ զայս.

Ազդ եղեւ մեզ եւ մեք ինքնին տեղեկացաք թէ զիա՛րդ Հայքն Զավնդրու ապստամբեալ են ի մէնջ, եւ զսուր վերացուցեալ ընդդէմ Տաճկաց, ուստի, յայս ինչ աւուր՝ երկոտասան հազարաւ հլանելոց հմ ի վերայ բնակչացն Զավնդրու, եւ դու եւս առցես ընդ քեզ զամենայն զօրաւորս Թուրքաց, որք են ի Կենաւուղն, եւ դու այդի, եւ ես աստի ելցուք ի վերայ Հայոցն, եւ ջնջեսցուք զնոսա ի միջոյ: Այլ նա ոչ էառ յանձն՝ առնել զայն:

Եւ ել Փաթալի կուսակալն ի վերայ Զավնդրու՝ երկոտասան հազարաւ: Իսկ բնակիչքն Զավնդրու իբրեւ զայն լսէին, հարիւր յիսուն վառեալ յիշկետոյ առաքէին՝ երթալ կալնուլ

**ԹԵՆ ՈՐՔԱՆ ԳՈՐԾ ԿԱՏԱՐԵՅ ԹՈՐՈՍ ԶՈՐԱՊԵՏԸ ԵՎ ԹԵ
ԻՆԶՊԵՍԻ ՊԱՏՆԵՐԱԶՄՆԵՐ ԵՂԱՆ ԶԱՎՆԴՈՒՐԻ ԵՎ ՄԵՂՐԻԻ
ԿՈՂՄԵՐՈՒՄ**

Այդ օրերին, երբ Թորոսը լսում է Զավնդուրի Խորձորում, թե Դավիթը մեծ զորքով եկել հասել է Սիսան գավառը, իր հետ վերցնում է մոտ երեսուն մարդ և գալիս հասնում նրա մոտ, և նրանից զորապետի իշխանութունն ստանալով անմիջապես վերադառնում է, գնում Զավնդուր և տեղի մարդկանց հավաքելով շուրջը, նրանցից գնդեր է կազմում, հարյուրապետներ ու հիսնապետներ կարգում:

Լինում է այնպես, որ սուլտանի ոչխարների մի հոտ՝ երկու հազար ոչխար, տասներկու հովիվ բերում են Զավնդուրի երկիրը՝ արածելու: Իսկ Թորոսը լսում է այդ մասին, մարդիկ է ուղարկում, որ գնան կոտորեն հովիվներին և ամբողջ հոտը տանեն իր մոտ: Եվ այդպես արեցին: Համբավը Պարկուշատի Փաթալի սուլտանին ու նրա եղբայր Աղասի խանին հասավ: Եվ Փաթալին այսպես գրեց Մահնիշար-օղլի Սափի-ղուլիին.

«Մեզ հայտնի դարձավ, և մենք անձամբ տեղեկացանք, որ Զավնդուրի հայերը ապստամբել են մեզնից, սուր են բարձրացրել տաճիկների դեմ: Ուստի այսինչ օրը տասներկու հազարով ես կհարձակվեմ Զավնդուրի բնակիչների վրա: Դու ևս վերցրու քեզ հետ թուրքերի բոլոր զորքերը, որ Կենավուզում են, և դու՝ այդտեղից, ես՝ այստեղից գնանք հայերի վրա և մեջտեղից վերացնենք»: Բայց նա հանձն չառավ այդ անել:

Եվ Փաթալի կուսակալը հարձակվեց Զավնդուրի վրա տասներկու հազարով: Իսկ Զավնդուրի բնակիչները, այս լսելով իշկետից հարյուր հիսուն զինված մարդ ուղարկեցին, որ գնան,

զանցս ճանապարհին, զի էր անտառախիտ յոյժ. եւ եկին դա-
րան մտին նոցա անդ: Արդ՝ զօրքն Թուրքաց իբրեւ անդր հա-
սանէին, դարանամուտքն ստէպ ստեպ զհրացանսն ի վերայ ար-
ձակէին, եւ այլ վառեալքն Հայոց ի ճակատ անդր ժաման-
էին, եւ զթաղումս ի նոցանէ առ ետեղ սատակէին, եւ զայլսն
փախստականս առնէին առաջի իւրեանց մինչեւ ցկողմանս
Պարկուշատու. եւ յաւուր յայնմիկ անկանէին ի թշնամեացն
արբ իբր շորս հազար:

Բայց ի հետեւեալ աւուրն Սափի Ղուլի Լեւազեան երեք
հարիւր սպառազէն արամբք նենգութեամբ գայ բնակի ի
յԱփկու վանսն, եւ գրէ անտի իշխանացն Իքաց աւանին, զի
եւ նոքա եկեսցեն որպէս զի զՄանլեւ եւ զամենայն գիւղո-
րայսն Հայոց, որք էին ի կողմանս յայնոսիկ, աւար առեալ ա-
ւերեսցեն. բայց Միրզա Սայիլ իշխանն ոչ կամեցաւ զայն: Եւ
զայս ամենայն իմացեալք արքն Մանլեւու՝ առաքեցին արս ի
Զավնդուր, եւ ասեն. Եւ Սափի Ղուլին, զայս ինչ եւ զայս ինչ
խորհի առնել: Իբրեւ զայն լսէր Թորոս զօրապետն, նոյնժա-
մայն վառէր պատրաստէր, եւ հինգ հարիւր վառելովք գիշե-
րայն դիմէր գայր ի վերայ նորա, եւ ի յառաւտուն յերեք-
տասաներորդ ժամուն. հասանէր ի յԱփքիս: Իսկ Սափի Ղու-
լին իբրեւ զայն տեսանէր՝ փախստեալ գնայր, եւ Թորոսն զհետ
մտանէր, եւ հարկանէր ի նոցանէ արս ութսուն: Եւ ի ժամա-
նակին յայնմիկ՝ հարին կոտորեցին զերիս գիւղս Թուրքաց, եւ
առին զամենայն ինչս նոցա եւ դարձան ի Մանլեւ:

Արդ իբրեւ լուր լինէր բանս այս ի Քիս եւ ի յԻքաց, զային
ժողովէին ի միասին ամենայն արք բնակչացն Իքացու, եւ զա-
մենայն զկին եւ զորդիս իւրեանց հանէին ամրացուցանէին ի
բարձրագոյն գագաթն, որ հանդէպ աւանին էր, եւ ինքեանք
յարձակեալ դային ի վերայ Մանլեւու: Իսկ Թորոս ընդառաջ
լինէր նոցա ի գլխոյ Մանլեւուն, եւ ի դիմի հարեալ՝ զթաղումս
ի նոցանէ անդանօր սատակէր. եւ զայլսն ի փախուստ դար-
ձուցանէր մինչեւ ցՔիսն, եւ ինքն հրաման տայր զօրացն մի՝
պնդիլ զկնի նոցա, այլ երթալ հարկանել զտունս նոցա եւ այ-
րել, եւ առնուլ զամենայն ինչս նոցա եւ տառնալ: Եւ իբրեւ
կատարեցին՝ դարձան անդրէն ի Մանլեւ:

Եւ եկաց Թորոս ի Մանլեւ աւուրս երիս, եւ անդ կացոյց
զՊապ Կալերեցի՝ զորդին Սրապիոնի՝ զօրապետ եւ կառավար
ի վերայ երկրին Կենաուզոյ, եւ ինքն դարձ արար գնաց ի Զա-

բռնեն ճանապարհի անցքերը, որովհետև շատ անտառախիտ էր։ Նրանք եկան այնտեղ դարան մտան։ Երբ թուրքերի զորքերը այնտեղ էին հասնում, դարանամուտները ստեպ-ստեպ հրացանները նրանց վրա էին պարպում, և հայոց մյուս զինյալները մարտի դաշտ էին հասնում և նրանցից շատ-շատերին տեղնուտեղը կոտորում, ուրիշներին փախստական դարձնում և հետապնդում մինչև Պարկուշատի կողմերը։ Այդ օրը թշնամիներից ընկնում է շուրջ չորս հազար մարդ։

Բայց հաշորդ օրը Լեազյան Սափի-ղուլին երեք հարյուր սպառազեն մարդով նենգությամբ գալիս, բանակում է Ափկու վանքում և այնտեղից գրում Իքաց ավանի իշխաններին, որ նրանք ևս գան, որպեսզի Մանլեք և հայոց այն կողմերի բոլոր գյուղերը կողոպտելով ավերեն։ Բայց Միրզա-Սալիլ իշխանն այդ չկամեցավ։ Մանլեի այրերը, իմանալով այս ամենը, մարդիկ ուղարկեցին Չավնդուր՝ ասելով. «Եկել է Սափի-ղուլին և այսպիսի բաներ է ուզում անել»։ Երբ այդ լսում է Թորոս զորապետը, անմիջապես զինվում-պատրաստվում է և հինգ հարյուր զինակրով գիշերը դիմում է նրա վրա, առավոտյան ժամը տասներեքին հասնում Ափքիս։ Իսկ Սափի-ղուլին այդ տեսնելով՝ փախուստի է դիմում, և Թորոսը հետապնդում է, կոտորում նրանցից ութսուն հոգու։ Այն-ժամ կոտորեցին թուրքերի երեք գյուղ և վերցնելով նրանց ամբողջ գույքը՝ վերադարձան Մանլե։

Երբ այս լուրը հասնում է Քիս և Իքաց, Իքացի բոլոր տղամարդ բնակիչները գալիս, հավաքվում են և իրենց կանանց ու երեխաներին հանում ամրացնում են ավանի դիմացի բարձր գագաթին, իսկ իրենք հարձակվում են Մանլեի վրա։ Թորոսը նրանց ընդառաջ է գալիս Մանլեի բարձունքից և նրանցից շատերին տեղում ոչնչացնում է, ուրիշներին հալածում մինչև Քիս և հրամայում է զորքերին՝ չհետապնդել նրանց, այլ երթալ, քանդել ու այրել նրանց տները, վերցնել նրանց ամբողջ ունեցվածքը և վերադառնալ։ Կատարելով այդ ամենը՝ վերստին դարձավ Մանլե։

Թորոսը Մանլեում մնաց երեք օր և այնտեղ թողնելով կալերցի Պապին՝ Սրապիոնի որդուն, զորապետ և կառավարիչ Կենավուզի երկրի, ինքը դարձավ գնաց Չավնդուր։ Այնուհետև

վընդուր, իսկ Պապ զօրաժողով լեալ անդ՝ գայ բնակի ի Կալիս աւանի:

Բայց Սափի Ղուլին զգիւղորայսն Թուրքաց, որք էին ի Լեւազու ձորն, խաղացուցանէ ի յՈւրդուար, եւ մնացին միայն չորք գիւղք Թուրքաց ի կողմանս Արձաւաքարին. եւ հրամայեաց Պապ երթալ կոտորել զնոսա . եւ եկին հարին զերիս գիւղսն եւ աւար առին զինչս նոցա: Եւ ի Թաղամերի էր վաթսուն տուն Թուրքաց. սոքա եկին, լացին, զաղաղակ բարձին առ զօրականսն Հայոց՝ թէ մեք ըստ ամենայնի ամենայն կերպիւ հպատակիմք ձեզ. եւ խնայեցին ի նոսա:

Յետ այսորիկ իբրեւ մի ամիս կամ երկու ի վերայ անցանէր, Սափի Ղուլին առնոյր ընդ իւր արս հինգ հարիւր ի յՈւրդուարայ, եւ ի գիշերի միում գայր հարկանէր զերկու գիւղս Հայոց ի Սայիպուն, զարսն կոտորէր, եւ ՝ զկին եւ զորդիս նոցա գերի վարէր ի յՈւրդուար:

Իսկ Դաւիթ Պէկն իբրեւ զայն լսէր, զՄխիթար սպարապետն իւր յառաջ կոչէր, եւ հրաման տայր նմա երթալ սատակել զնոյն վերոյ ասացեալ վաթսուն տունն Թուրքաց ի Թաղամեր. եւ նա արար այնպէս. (եւ զայսու ժամանակաւ՝ Դաւիթ կատարէր զշինուած բերդին որ ի Հալի ձոր):

Հրաման տայր նաեւ Պապայ զօրապետին երթալ ի Լեւազու ձորն, եւ եթէ գտանիցէ անդէն մնացեալ շէն ինչ Թուրքաց՝ կոտորեսցէ. եւ ըստ հրամանի նորա՝ եւ զնաց հազար հինգ հարիւրով Պապ ի Լեւազու ձորն, եւ զոչ ոք եգիտ ի Թուրքաց, զի սակաւ ոմանք մնացեալ էին, եւ նոքա եւս փախուցեալ անկան ի յՈւրդուար: Այլ Պար յուզեալ գտանէ անդէն զբազում ինչս եւ առաքէ զայն ամենայն ի Զվար աւանն, եւ զպահապանս կացուցանէ անդ. եւ ինքն շուէ զնայ անտի ի կողմանս Վայրիվարա, եւ գտանէ անդէն զերիս տունս, որք ուրացեալք էին զՔրիստոս, զնոսա զամենեւեան կոտորէ եւ առնու զինչս նոցա, եւ դառնայ ի տեղի իւր՝ բազում գանձուք եւ աւարաւ. զի ոչ միայն ի Լեւազու ի գիւղորէիցն Թուրքաց, այլ եւ ի կողմանցն Վայրիվարայ ի Հայոց եհան զբազում ինչս: Եւ այսպէս զօրականք Դաւթի յամենայն երկիրն Ղափանու շրջէին, յոյզ եւ խնդիր առնէին, եւ ուր ուրեք զԹուրք գտանէին՝ սուր ի վերայ եղեալ սատակէին, մինչեւ բնաւին բնաջինջ առնել զԹուրքն ի Ղափանու:

Ապա իբրեւ լսէր Դաւիթ, թէ զօրաժողով է Ասլամազ Ղու-

տե Պապը զորք հավաքելով եկավ բանակեց Կալեր ավանում: Բայց Սափի-ղուլին Լեազի ձորի թուրքերին գաղթեցրեց Ուրդուար: Մնացին միայն շորս թուրքական գյուղ Արձավաքարի կողմերում: Եվ Պապը հրամայեց իր զորքին՝ գնալ կոտորել դրանց: Եկան հարձակվեցին երեք գյուղի վրա և առան նրանց ինչքը: Թաղամեր ավանում վաթսուն տուն թուրք կար: Դրանք եկան, լաց-աղաղակ բարձրացրին հայոց զորականների առաջ և ասացին. «Մենք լիովին հպատակվում ենք ձեզ», — և սրանց խնայեցին:

Դրանցից մեկ կամ երկու ամիս հետո Սափի-ղուլին Ուրդուարից վերցնելով հինգ հարյուր մարդ, մի գիշեր գալիս ավերում է երկու հայկական գյուղ Սայիպունում, տղամարդկանց կոտորում և նրանց կանանց ու երեխաներին գերեվառում Ուրդուար:

Դավիթ-Բեկն այդ լսելով՝ կանչում է իր սպարապետ Մխիթարին և հրաման է տալիս գնալ կոտորել թուրքերի վերոհիշյալ վաթսուն տունը Թաղամերում, և հրամանը կատարվում է: Ահա այս ժամանակ Դավիթ-Բեկն ավարտում է բերդի կառուցումը Հալիձորում:

Դավիթը նաև հրամայում է Պապ զորավարին գնալ Լեազի ձորը, որպեսզի եթե այնտեղ մնացած լինեն թուրքական բնակավայրեր՝ կոտորի: Եվ նրա հրամանով Պապը հազար հինգ հարյուրով գնաց Լեազի ձորը և ոչ մի թուրք չգտավ այնտեղ, որովհետև մնացած քչերը ևս փախան Ուրդուար: Իսկ Պապը որոնում, գտնում է շատ ինչք և այդ ամենն ուղարկում է Զվար ավանը և պահապաններ կարգում այնտեղ, ինքը շարժվում է Վայրիվարի կողմերը: Այնտեղ գրտնում է երեք տուն, որոնք ուրացել էին Քրիստոսին: Դրանց բոլորին կոտորում է, վերցնում նրանց ունեցվածքը և բազում զանձ ու ավարով վերադառնում իր տեղը, քանի որ ոչ միայն Լեազի թուրքական գյուղերից, այլև Վայրիվարի կողմերի հայերից խլեց շատ բան:

Այսպես Դավիթի զորականները շրջում էին Ղափանի ամբողջ երկրում, հարցնում, որոնում և որտեղ թուրք էին գրտնում, սրի քաշելով կոտորում էին՝ մինչև բոլորին Ղափանից իսպառ բնաջնջելը:

Ապա Դավիթը լսելով, թե Ասլամազ-ղուլին Փուխուրութի

լին ի կողմանս Փռխուրութայ, վաղվաղակի զօրահատոյց լինէր, ի վերայ հասանէր եւ զնոսա զամենեսեան սատակէր անդ, որպէս ի վեր անդր ասացաք. եւ իբրեւ գայր հասանէր Դաւիթ ի Ղարաշիմէն, ընդդէմ ելանէր նմա Թորոս զօրապետն մարտիւ պատերազմի, եւ միջնորդ մտեալ ի մէջ երկուցն՝ հաշտեցուցին զնոսա: Եւ խաղաց զնաց Դաւիթ ի Հալի ձորն, եւ Թորոսն ի Չավնդուր, իսկ Պապ ի Կենաուուզն:

Յամի երրորդի՝ յետ գալստեանն Դաւթի ի Ղափան, Թորոս զօրապետն հանդէս արար ամենայն զօրաց իւրոց ի Չավնդուր, եւ ժողովեաց զամենայն այր զօրաւոր յերկրէ իւրմէ, առ ի գնալ ի վերայ Ուրդուար քաղաքին: Բայց մելիք Տոանկուն Երցվանեկ աւանին, որ եւ ասի Կարմիր վանք, որ է ի Պարկուշատ գաւառին, գրեաց առ Թորոսն այսպէս. Ազդ եղեւ Փաթալի սուլտանին վասն քոյ, թէ զօրաժողով ես առ ի գնալ ի վերայ Ուրդուարոյ. սա աւասիկ եւս զօրաժողով է աստ եւ սպասէ, զի յորժամ դու ելանիցես յերկրէդ, նա վաղվաղակի ի վերայ | հասեալ՝ սատակիցէ զերկիրն քոյ. ուստի յոյժ բարւոք արասցես, եթէ նախ եկեսցես ի վերայ Պարկուշատու. նա եւ զի եւ ի մեզ եղեալ Հայսն Պարկուշատայ քեզ թիկունս առնեմք:

Այլ զայս ամենայն անօրէն մտօք, նենգաւոր խորհրդով գրէր, զոր գրէրն, զի ի ծողակս թշնամւոյն զնա արկցէ, առ ի հաւատարիմ ցուցանել զինքն սուլտանին, զի մի՛ ի բաց լիցի ի տէրութենէն, (իբր թե զհետ միտեալ իցէ նա Դաւթի եւ զօրականաց նորա). եւ ոչինչ փոյթ եղեւ նմա լինիլն անհաւատարիմ, նենգաւոր, թշնամի Աստուծոյ, եւ մարդկան եւ ազգին իւրոյ եւ ժողովրդեանն մատնիչ եւ սատակիչ, որպէս ի հետագայս ցուցցին առնս այսորիկ թշնամութիւն եւ շարիք: Եւ հաւատաց Թորոս բանից նորա եւ ել գնաց միամտութեամբ եւ եհաս ի յԵղահորդ, ի սահմանս Պարկուշատու, ինքն եւ ամենայն զօրքն իւր, եւ բանակեցաւ անդ. եւ եկն առ նա Տոանկուն երկու հազարաւ, եւ եկաց ի մի կողմն զօրացն Թորոսին: Եւ եհաս անդր Փաթալի սուլտանն, եւ եղբայր նորա՝ Աղասի խանն, բազում զօրօք, քորն որչափ էրն ընդ Թորոսին, կրկնապատիկ եւ եռապատիկ, եւ առաւել եւս, իբրու ութ եւ տասն հազարաւ. եւ իբրեւ ճակատեցան ընդդէմ միմեանց զօրքն սուլտանին եւ զօրքն Թորոսին, զօրքն սուլտանին փախըստեայ | լինէին եւ սոքա զհետ լինէին նոցա:

կողմերում զորք է հավաքել, [ինքը ևս] զորահավաք է անում, հարձակվում և նրանց բոլորին կոտորում է, ինչպես վերևում ասացինք: Եվ երբ Դավիթը գալիս հասնում է Ղարաշիմեն՝ նրա դեմ պատերազմի է ելնում Թորոս զորապետը, և երկուսի միջև միջնորդ լինելով հաշտեցնում են նրանց: Եվ Դավիթը ելավ գնաց Հալիձոր, Թորոսը՝ Չավնդուր, իսկ Պապը՝ Կենավուղ:

Դավթի Ղափան գալու երրորդ տարին Թորոս զորապետն իբր բոլո՞ւք զորքերի հանդես արեց Չավնդուրում և հավաքեց իր երկրից բոլոր կովող տղամարդկանց՝ հարձակվելու համար Ուրդուար քաղաքի վրա: Բայց Պարկուշատի գավառի Երցվանեկ ավանի՝ ալսինքն Կարմիր վանքի մելիք Ֆռանկուլը ալսպես գրեց Թորոսին. «Հայտնի է դարձել Փաթալի սուլտանին քո մասին, թե զորք ես հավաքում Ուրդուարի վրա հարձակվելու համար: Սա ևս ահա ալստեղ է զորք հավաքում, որպեսզի երբ երկրիցդ ելնես՝ անմիջապես հասնելով ավերե քո երկիրը: Ուստի շատ ճիշտ կանես, եթե նախ գաս Պարկուշատի վրա: Որովհետև նաև Պարկուշատի հայերս քեզ աջակից կլինենք»:

Բայց այս ամենը նա ծուռ մտքով, նենգությամբ էր գրում, որպեսզի նրան թշնամու ծուղակը գցեր, սուլտանին ցույց տալու համար իր հավատարմությունը, որ չզրկվի իշխանությունից (իբր թե նա հետապնդել է Դավթին ու նրա զորականներին). և նրա համար փուլթ չէր Աստծուն անհավատարիմ, նենգավոր և թշնամի լինելը, և իր մարդկանց, իր ազգին ու ժողովրդին մատնող և սպանող, ինչպես հետագայում երևում են այս մարդու թշնամությունն ու շարությունը: Եվ Թորոսը հավատաց նրա խոսքերին ու ելավ միամտորեն գնաց, հասավ Եղահորդ, որ Պարկուշատի մերձակայքում է, գնաց ու բանակեց այնտեղ: Եվ եկավ Ֆռանկուլը նրա մոտ՝ երկու հազարով և կանգնեց Թորոսի զորքի մի կողմում: Եվ այնտեղ հասան Փաթալի սուլտանն ու նրա եղբայր Աղասի խանը՝ բազում զորքով, Թորոսը բանակից կրկնակի և եռակի շատ, առավել ևս՝ մոտ տասնութ հազար: Եվ երբ ճակատեցին իրար դեմ Սուլտանի և Թորոսի զորքերը, սուլտանի զորքը փախուստի դիմեց, և Թորոսը հետապնդեց նրանց: Այդ

Իսկ անօրէն Ֆռանկուլն իբրեւ զայն տեսանէր, զարս զկն սուլտանին հասուցանէր, եւ ասէ. Զի՞նչ գործէք. զիա՞րդ փախ չիք, դարձարո՞ւք ի կրօնկա զի ես ընդ ձեզ եմ. դուք ի յառաջոյ եւ ես զկնի սոցա խորտակեսցուք զսոսա. եւ արարին այն պէս, պաշարեցին զզօրսն Թորոսին յառաջոյ եւ զկնի, եւ ըսկըսան կոտորել, եւ զԹորոսն սպանին. եւ զերծեալքն ի նոցանէ միայն հազար շորս հարիւր այր եկին ի Զամնդուր, եւ մնացեալքն ամենեքեան անկան անդ: Ահա զայսպիսի անօրէնութիւնս գործեաց Ֆռանկուլն, եւ ոչ այսչափ միայն, այլ եւ առ ի առաւել հաճոյանալ սուլտանին եւ ցուցանել զինք թէ ոչ է միտեալ զկնի Դաւթի եւ զօրականացն Ղափանացոց ուրացաւ նաեւ զհաւատն:

Արդ՝ այս ամենայն իբրեւ այսպէս անցանէր, Փաթալի սուլտանն խորհուրդ ի մտի դնէր գալ մտանել ի Զամնդուրն եւ կոտորել կորուսանել զքնակիչս նորա: Բայց Նուպար սպարապետն, որ յաջորդեաց Թորոսի, իբրեւ զայն լսէր՝ վաղվա զակի հրովարտակ առաքէր առ Պապ զորապետն եւ ասէր Դու ինքնին գիտես, զի ահա կորեան զորքն մեր, եւ արդ յարուցեալ զայ ի վերայ մեր Փաթալի սուլտանն. յոգնութիւ հասէք մեզ: Եւ նա վաղվազակի առաքեաց ի Զամնդուրն երկու հազար զօրս ի յօգնութիւն Նուպարին. իսկ Փաթալի սուլտանն իբրեւ գիտաց թէ օգնութիւնս արարին ի Կենաուղու Նուպարին, դարձաւ ի տեղի իւր:

Եւ ի զօրավարացն Պապայ՝ որք եկին ի Զամնդուր, երկու զօրավարք ապստամբեցան ի Պապայ՝ վասն խռովութեան ին եղելոյ ի մէջ նոցա. եւ եկեալ ի Լիջկին աւանն՝ զօրաժողով եղեն, եւ կամեցան ունել զՊապ, եւ նա փախեաւ ի նոցանէ եւ ասեն՝ Մեր կառավարեսցուք զերկիրս: Եւ իբրեւ, զայ լսէ Դաւթ Պէկն, առաքէ առ նոսա զԿորկի զօրապետն՝ երկրիւր արամբ. եւ նորա եկեալ հաշտեցուցանէ զնոսա, եւ հնազանդ առնէ զնոսա Պապայ, եւ զվերոյ յիշեալ աւարն՝ զոր առին ի Լեւազուն՝ բաժանէ ի մէջն նոցա:

Յետ այսորիկ իբրեւ մի կամ երկու ամիս ի վերայ անցանէր, ի յԱրդուարայ առ Պապ գուժկան հասանէր, թէ զօրաժողով է Թուրքն առ ի գալ եւ աւերել զՂափան: Յայնժամ իշխանքն Կենաուղու ի միասին գային, խորհուրդ խորհէին՝ հրաման տալ, ժողովել զբոլոր մարդիկ գիւղորէիցն ի յերկոս գիւղս, ի Կէսն Վանք կոչեցեալ շինէն մինչեւ ցԿալեր, եւ |

տեսնելով՝ անօրեն Ֆռանկուլը մարդիկ է ուղարկում սուլտանի ետևից և ասում. «Ի՞նչ եք անում, ինչո՞ւ եք փախչում, ի՞նչ դարձեք, չէ՞ որ ես ձեզ հետ եմ. դուք առաջից, ու ես ետևից՝ կխորտակենք սրանց»: Այդպես արեցին: Առջևից ու հետևից պաշարեցին Թորոսի զորքը, սկսեցին կոտորել և սպանեցին Թորոսին: Նրանցից փրկվածներից միայն հազար չորս հարյուր մարդ եկավ Չավնդուր, իսկ մնացած բոլորն ընկան այնտեղ: Ահա այսպիսի անօրինություններ գործեց Ֆռանկուլը: Բայց այսքանը քիչ էր, սուլտանին առավել հաճոյանալու և ցույց տալու համար, որ ինքը Դավթի և Ղափանցի զորականների համախոհը չէ, ուրացավ նաև հավատը:

Այս ամենը որ այսպես եղավ, Փաթալի սուլտանը մտադրվեց գալ մտնել Չավնդուր, կոտորել ու կոթողայան մատնել նրա բնակիչներին: Բայց Նուպար սպարապետը հաջորդեց Թորոսին և երբ լսեց այս բանը, շտապ սուրհանդակ հղեց Պապ զորապետին, ասելով. «Արդեն դու ինքդ գիտես, որ կործանվեց մեր զորքը, և հիմա ելել մեզ վրա է գալիս Փաթալի սուլտանը, օգնության հասեք մեզ»: Եվ նա անմիջապես Չավնդուր ուղարկեց երկու հազար զորք՝ օգնելու Նուպարին: Իսկ Փաթալի սուլտանը, տեղեկանալով, որ Նուպարին օգնության են եկել Կենավուզից՝ դարձավ իր տեղը:

Պապի՝ Չավնդուր եկած զորավարներից երկուսը ապստամբեցին Պապից, իրենց միջև եղած ինչ-որ խռովության պատճառով: Եվ գալով Լիջկին ավանը, զորաժողով արեցին և ցանկացան բռնել Պապին, իսկ նա փախավ նրանցից: Ասացին՝ «Մենք կկառավարենք երկիրը»: Երբ Դավիթ-Բեկը լսեց՝ Կորկի զորապետին երկու հարյուր մարդկանցով ուղարկեց նրանց մոտ, որը և եկավ նրանց հաշտեցրեց ու հնազանդեցրեց Պապին և վերոհիշյալ ավարը, որ խլեցին Լեազից՝ բաժանեց նրանց միջև:

Սրանից մեկ կամ երկու ամիս անց Ուրդուաբից գուժկան եկավ Պապին, թե թուրքերը զորք են հավաքում՝ գալու ավերելու Ղափանը: Այնժամ Կենավուզի իշխանավորները միասին եկան, մտածեցին հրաման տալ, գյուղերից բոլոր մարդկանց հավաքել երկու գյուղում, կես Վանք կոչվող շենից, մինչև Կալեր և Կալերից մինչև Մանլև ու Ափքիս: Խորհուրդն այս

Կալերու մինչեւ ցՄանլեւ եւ մինչեւ ցԱփքիս. եւ հաստատեցաւ բանս այս ի խորհրդեան եւ արարին այնպէս:

Եւ յետ ոմանց | աւուրց՝ Սափի Ղուլին Ուրդուարեցին, որդին Ղազու, եւ որդին Շահիսլամին ութն հազարաւ գային անցանէին ի յԱլանկեզայ սարոյն ի Պուղաքարն: Եւ իբրեւ այնպէս զանցանելն նոցա լսէր Պապ, առնոյր ընդ իւր երկուս հազարս եւ ընդառաջ ելանէր. բայց իբրեւ զայն բազմութիւն թշնամեացն տեսանէր, կասէր, զանգիտէր, եւ ի նոցանէ թիկունս դարձուցանէր: Ապա այնուհետեւ զօրք թշնամեացն համարձակ յառաջ խաղային. գային հասանէին մինչեւ ցԴաշտուն աւանն, եւ զբոլոր գիւղորէսն քանդէին իսկ ժողովուրդքն գիւղորէից, որք ժողովեալքն էին ի մի (որպէս ի վերոյ ասացաք), ամենեքեան անցին ի Խաչպօլու սարոյն յերկիրն Զաւնդուր: Զայս ամենայն իբրեւ լսէր Դաւիթ, ի սրտմութիւն բարկութեան բրդէր ի վերայ Պապայ. առնոյր վաղվաղակի ընդ իւր երկու հազար ութն հարիւր սպառազէն, խաղայր գայր ի Դաշտուն: Իսկ Թուրքն իբրեւ զգալն Դաւթի զգային, փախստեալ գնային ի յՈւրդուար: Եւ եմուտ Դաւիթ ի Դաշտուն, եւ սկսաւ բարկանալ յոյժ ի վերայ Պապայ (մանաւանդ զի այլք եւ չարախօս լինէին զՊապայ), եւ ասէ. Միթէ չիցէ՞ բաւական զի փախեալ ի պատերազմէ, եւ արդ ոչ եւս կամի գալ առ իս: Եւ ել գնաց անտի ի Կալեր, եւ կալեալ | անդ զՊապ՝ ածէր ընդ ինքեան. եւ անցեալ ի Խաչպօլու սարոյն, իբրեւ մօտէին ի յԻշկետ, անդ գլխատէր զՊապ եւ աւար առնոյր զինչս նորա: Ապա յետ երից աւուրց՝ շուեաց գնաց ի յԻշկիտոյ ի դաշտավայրն Կեմանցու:

Արդ իբրեւ լուր եղեւ ի յՈւրդուար՝ թէ Դաւիթ անցեալ է ի Զաւնդուր, ելին կազմեցան պատրաստեցան Սափի Ղուլին, որդին Ղազու, եւ որդին Շահիսլամին, եւ առեալ ընդ իրեանս զօր բազում, իբր երկոտասան հազարաւ գային հասանէին ի կողմանս Կենաուզայ, եւ անցեալք ի յԱլանկեզայ սարոյն՝ զամենայն գիւղորէսն Կենաուզայ այրեցին: Ապա դուժկան հասանէր առ Դաւիթ վասն այսր ամենայնիլ. Եւ նա վաղվաղակի առեալ ընդ իւր արս իբրեւ չորս հազարս՝ եկն եւ բանակեցաւ ի Կալեր, եւ ի յառաւօտուն պահու եհաս ի վերայ հինիցն Թուրքաց, եւ եգիտ զնոսա բանակեալս ի Լիջկին՝ յայնկոյս Ղօզղօզ գետոյն: Իսկ նոքա անտի իբրեւ տեսին զզօրսն Դաւթի, առ հասարակ հասին կալան զգետափն, եւ

բանը հաստատեց, և այդպես արեցին:

Մի քանի օր անց Ուրդուարցի Ղազի որդի Սափի-ղուլին և Շահիսլամի որդին ութ հազարով եկան, անցան Ալանկեզի սարից դեպի Պուղաքար: Եվ երբ Պապը լսում է նրանց անցնելը, իր հետ վերցնում է երկու հազար հոգի և ընդառաջ ելնում: Բայց թշնամիների բազմությունն այդ տեսնելով՝ ընկերկեց, վախեցավ և նրանցից թիկունք դարձրեց: Այնուհետև թշնամյաց զորքերը համարձակ առաջ շարժվեցին, եկան հասան Դաշտուն ավանը և բոլոր գյուղերը քանդեցին: Իսկ գյուղերի բնակիչները, որ ի մի էին հավաքված (ինչպես վերևում ասացինք), բոլորը հաշպուլի սարից անցան Չավնդուր: Այս ամենը լսելով, Դավիթը զայրացավ Պապի դեմ և իր հետ վերցնելով երկու հազար ութ հարյուր սպառազեն մարդ, շտապ եկավ Դաշտուն: Թուրքերը լսելով Դավթի գալը՝ փախան Ուրդուար:

Եվ Դավիթը մտավ Դաշտուն և խիստ զայրացավ Պապի վրա (մանավանդ որ ուրիշները ևս չարախոսում էին նրանից) և ասում է. «Բավական չէ, որ փախել է պատերազմից, այժմ ևս չի կամենում գալ ինձ մոտ»: Եվ ելավ այնտեղից գնաց Կալեր և այնտեղ բռնելով Պապին՝ տարավ իր հետ: Անցնելով հաշպուլի սարից, երբ մոտ էին Իշկեստին, այնտեղ գլխատեց Պապին և ավար սուավ նրա ունեցվածքը: Ապա երեք օր հետո՝ Իշկեստից ելավ գնաց Կեմանցի դաշտավայրը:

Երբ լուր հասավ Ուրդուար, թե Դավիթն անցել է Չավնդուր, եկան պատրաստվեցին Ղազի որդի Սափի-ղուլին ու Շահիսլամի որդին և բազմաթիվ զորքով, մոտ տասներկու հազար, եկան հասան Կենավուզի կողմերը և Ալանկեզի սարն անցնելով Կենավուզի բոլոր գյուղերն այրեցին: Այս ամենի մասին գույժը հասավ Դավթին: Նա անմիջապես վերցնելով մոտ չորս հազար հոգի, գալիս բանակում է Կալերում: Առավոտյան ավազակ թուրքերի վրա է հարձակվում և նրանց գտնում է բանակած Լիջկինում՝ Ղոզղոզ գետի մյուս ափին: Իսկ նրանք երբ այնտեղից տեսան Դավթի զորքերը, հասան

ոչ տալին թոյլ անցանել Դաւթի զգեստն. ապա սոքա աստի և նոքա անտի մարտ եղեալ կռուէին յառաւօտէ մինչեւ ցերեկոյ. եւ իբրեւ եհաս գիշերն, խոյս ետ Դաւիթ եւ շուեաց գնալ անտի ի Հալի ձոր:

Արդ՝ ի վաղիւ անդր ղօրքն Թուրքաց իբրեւ գիտացին թէ Դաւիթ մեկնեցաւ գնաց ի նոցանէ, եւ ոչ ուստեք էր նոցա այնուհետեւ երկիւղ, անցին գնացին ի կողմանս Գուրհամայ եւ սկսան կոտորել եւ ասպատակ հարկանել ղգիւղորէսն մինչեւ ի գալ նոցա եւ պաշարել զՄեղրի: Արդ՝ իբրեւ զայն լսէին որք շուրջ էին բնակիչքն Թուրքաց, գային ժողովէին եւ յաւելանային ի նոսա՝ ի կողմանցն Թաւրիզու եւ Սեաւ լերինն, եւ լինէին ութուտասան հազար. ապա մատուցեալ պաշարէին զամուր աւանն Մեղրի:

Իսկ բնակիչքն Մեղրեայ ժողովեցան յերիս թաղս ամենայն արք պատերազմողք առ ի մարտնչիլ ընդ նոսա: Եւ յաւուրն հինգերորդի, յետ պաշարման նոցա, ամենայն բազմութիւն զօրացն այլազգեաց գրոհ տուեալ՝ մտին կալան զփոքրիկ թաղն: Եւ որք ի ներքս էին զօրականքն Հայոց՝ վաղվաղակի մատուցեալ ի բաց առին զկամուրճս գետոյն, եւ կալան զանցս նոցա գինու եւ թուփանկօք, զի մի՛ կարացեն նոքա այլ յառաջ խաղալ, եւ մնացին ղօրք թշնամեացն ի փոքրիկ թաղն: Եւ յայսմ վայրի հրեշտակս արձակեցին Մեղրացիքն ի գաւառն Գուրհամ՝ ի Կալեր, եւ ասեն. Ահա՛ զորքն Թուրքաց հասին կալան զփոքրիկ թաղն մեր. եւ արդ՝ մեզ եթէ օգնութիւն ոչ հասանիցիք մինչեւ ցաւուրս երկուս, բազմութեան նոցա մեք զդէմ ունիլ ոչ կարեմք: Եւ իբրեւ եհաս առ նոսա հրեշտակն, եւ վաղվաղակի գիշերայն Ստեփաննոս Վրթանեսեան, որ ի տանէն Շահումեան (որ եւ էր նա ինքն փոխանորդ եւ տեղակալ Պապայ զօրապետին) եւ գնաց ի Զաւնդուր գաւառն՝ առ Պայինտուր սպարապետն, եւ ծանոյց նմա զամենայն անձկութիւնս Մեղրացւոցն եւ զվիշտ վտանգի նոցա: Արդ՝ նա իբրեւ զայն լսէր, զարըս արձակէր ի Զաւնդուր առ զօրականս՝ վաղվաղակի գալ ժողովիլ առ նա. եւ եկին հասին առ նա, եւ խմբեցան անդ երէւ հազար այր քաջ սպառազէն՝ ի Զաւնդուր եւ ի Գուրհամայ. եւ եւ նոքոք Պայինտուր զօրապետն եւ գնաց բանակեցաւ զայն գիշեր ի Մաղրան աւանն, եւ Ստեփանն ընդ նմա: Եւ մերձ յառաւոտուն պահու ելին կազմեցան եւ անցին գնացին ի

բռնեցին գետի ափը և թույլ չէին տալիս Դավթին գետն անցնել: Ապա սրանք այստեղից և նրանք այնտեղից մարտի բռնվելով, առավոտից մինչև երեկո կռվեցին: Եվ երբ գիշերն իջավ, Դավիթը խույս տալով, գնաց հասավ Հալիձոր:

Հաջորդ օրը, երբ թուրքական զորքերը տեղեկացան, որ Դավթը գնացել հեռացել է իրենցից, և այլևս իրենց վտանգ չի սպառնում ոչ մի կողմից, գնացին Գուրհամի կողմերը և ըսկրսեցին կոտորել ու ասպատակել գյուղերը, մինչև եկան ու պաշարեցին Մեղրին: Այդ լսելով, շրջակա թուրք բնակիչները եկան հավաքվեցին և միացան նրանց՝ Թավրիզի ու Սև լեռան կողմերից, դարձան տասնութ հազար սպառազեն, մոտենալով պաշարեցին Մեղրի ամուր ավանը:

Իսկ Մեղրիի բնակիչները, պատերազմող բոլոր տղամարդիկ, համախմբվեցին երեք թաղերում՝ նրանց դեմ մարտնչելու համար: Եվ պաշարման հինգերորդ օրը այլազգիների ամբողջ բազմությունը գրոհով դավթեց Փոքրիկ թաղը: Եվ հայոց զորականները, որ ներսում էին, շտապ հասան, բռնեցին գետի կամուրջներն ու անցքերը՝ դենքով և հրացանով, որպեսզի թշնամիները չկարողանան ավելի առաջ շարժվել, և թշնամու զորքերը մնացին Փոքրիկ թաղում: Այդ ժամանակ մեղրեցիները սուրհանդակ ուղարկեցին Գուրհամի գավառ՝ Կալեր, ասելով. «Ահա թուրքի զորքերը հասան, գրավեցին մեր Փոքրիկ թաղը: Եվ եթե հիմա մեզ օգնությամբ չհասնեք երկու օրում, մենք նրանց բազմությանը դիմադրել չենք կարող»: Եվ երբ սուրհանդակը հասավ նրանց, անմիջապես գիշերով ելավ Ստեփանոս Վրդանեսյանը, որ Շահումյան տնից է, և որ փոխանորդն է ու տեղակալը Պապ զորապետի, գնաց Չավնդուր գավառ՝ Պայինտուր սելարապետի մոտ, նրան տեղեկացրեց մեղրեցիների նեղ վիճակը, նրանց ծանր տազնապները: Այդ լսելով՝ նա մարդիկ ուղարկեց Չավնդուր՝ զորականների մոտ, որպեսզի արագ հավաքվեն իր մոտ: Եվ եկան այնտեղ համախմբվեցին երկու հազար քաջ սպառազեն այրեր Չավնդուրից, Գուրհամից, և Պայինտուր զորապետը նրանց հետ ելավ գնաց այն գիշեր բանակեց Մաղրան ավանում, և Ստեփանոսը՝ նրա հետ: Լուսադեմին պատրաստ-

կողմանցն Ափկու եւ եկին մտին ի Մեղրի: Իսկ զօրքն Թու
քաց ի բանակէ անտի իբրեւ զբազմութիւն զօրացն Հայ
տեսանէին, ոչ հաւատային թէ յօգնութիւն իցեն նոցա հս
սեալք յայլ ուստեքէ: Այլ ասէին՝ թէ Մեղրեցիքն կանա
լիւրեանց զգեցուցեալք են զզգեստ առնացի եւ զզարդ պատ
րազմի, եւ տուեալ զբազում սուտ դրօշակս ի ձեռս նոցա
առ ի երկեցուցանել զմեզ:

Այլ սոքա մինչեւ էին հասեալք ի Մեղրի, քաջ եւ արի զօ
րքն Մեղրացւոց գործ քաջութեան ի նմին գիշերի գործեցի
զի անցեալք յանկոյս գետոյն՝ յեղակարծումն ժամու ի մ
բանակի թշնամեացն յարձակէին, եւ զբազումս ի նոցանէ
սուր սուսերի սատակէին, մինչեւ եւ որդին Շահիսլամին երկ
հազարաւ ի յՈւրդովար քաղաք ի փախուստ արկանէին: Ա
զի սակաւք էին, ոչ կարացին ի սպառ ջնջել եւ անհետս ա
նել զնոսա անտի. դարձան անդրէն ի Մեղրի: Իսկ օգնական
Հայոց իբրեւ գային եւ ի Մեծ թաղն Մեղրեայ հասանէի
Մեղրացիքն վաղվաղակի նոցա զկերակուր պատրաստէի
Յայնժամ Պայինտուրն որ էր իշխան եւ զօրագլուխ ամենա
զօրուն եկելոյ ընդ նմա, արգելու զնոսա եւ ասէ. Քա՛ւ լի
մեզ ուտել ինչ՝ մինչեւ իցեմք ողորմութեամբն Աստուծ
վանեալք զթշնամիսն մեր: Զի խորհուրդ եւ ջան էր նոր
զգործ պատերազմին փութով վճարել, վասն զի աւուրը մի
յառաջ քան զայն՝ այլազգիքն գրեալք էին յայնկոյս Երաս
գետոյն զօրականացն Թուրքաց, գալ յօգնութիւն հասանիլ ն
ցա. եւ նոքա ի պատրաստի էին բազում գնդաւ գալ ի թիկուն
հասանել նոցա: Ուստի վաղվաղակի Պայինտուրն հանդէս ա
նէր ամենայն ՝ զօրուն եկելոյ ընդ նմա, եւ որք ի յամրի ա
լէին, եւ կարգէր կազմէր, եւ զնոսա երիս գունդս բաժանէ
առ իւրաքանչիւր գունդ՝ ութն հարիւր վաթսուն սպառազ
վառեալ: Ապա զմի գունդն ընդ առաջ հանէր ճակատու թը
նամեացն, եւ այլ երկու գունդքն ձայն տուեալ խրախոյս բա
ձին, ի վերայ յարձակեցան՝ յաջմէ եւ յահեկէ զօրացն Թու
քաց, եւ ի վեշտասաներորդ ժամէ աւուրն մինչեւ քսան
երեք ժամն՝ ի մէջ առեալ զբազմութիւն զօրացն անօրինաց
հարին կոտորեցին ի նոցանէ աւել քան զմետասան հազ
այր, եւ զայլսն ի փախուստ արկին ի յՈւրդուար, եւ ձերբս
կալ արարին զգլխաւոր նոցա՝ զՀաճի Շափին: Եւ առին ի ն
ցանէ զամենայն զկահ եւ զկարասի, զզէն, զսուր եւ զամ

վեցին, Ափքիսի կողմերից անցնելով, եկան մտան Մեղրի: Իսկ թուրքերի զորքերը, երբ իրենց բանակատեղից տեսան հայոց զորքերի բազմությունը, չէին հավատում, թե ուրիշ տեղից օգնություն է հասել, այլ ասում էին՝ «Մեղրեցիները իրենց կանանց տղամարդու շոր և պատերազմի զարդ են հագցրել ու նրանց ձեռքը տվել բազում սուտ դրոշակներ՝ մեզ վախեցնելու համար»:

Սրանք դեռևս Մեղրի չէին հասել, քաջ ու արի մեղրեցիների զորքերը այն գիշեր սխրանքներ գործեցին: Անցնելով գետի մյուս ափը, անսպասելի ժամի թշնամու բանակի մեջ մտան և նրանցից շատերին սուր-սուսերով խորտակեցին, իսկ Շահիսլամի որդուն երկու հազարով Ուրդուար քաղաքը հալածեցին: Եվ որովհետև [իրենք] քիչ էին, չկարողացան իսպառ ջնջել և վերացնել նրանց այնտեղից, վերստին դարձան Մեղրի:

Իսկ երբ հայոց օգնականները եկան և Մեղրիի Մեծ թաղը հասան, մեղրեցիները շտապ նրանց համար կերակուր պատրաստեցին: Այնժամ Պալինտուրը, որ իշխան էր և իր հետ եկած ամբողջ զորքի հրամանատարը, արգելեց նրանց, ասելով. «Մենք ոչինչ չենք ուտի, մինչև Աստծու ողորմածությամբ մեր թշնամիներին չվռնդենք»: Որովհետև նրա մտածմունքն ու ձգտումը պատերազմի գործն արագ վերջացնելն էր, քանի որ դրանից մեկ օր առաջ այլազգիները գրել էին թուրք զորականներին, որոնք Երասխ գետի մյուս կողմում էին, որ գան հասնեն իրենց օգնության, և նրանք պատրաստ էին բազում զնդերով գալու սրանց օգնության: Ուստի Պալինտուրը շտապ զորահանդես արեց իր հետ եկած և ամբողջում եղած բոլոր զորքերի, դասդասեց և նրանց երեք զնդի բաժանեց, յուրաքանչյուրը՝ ութ հարյուր վաթսուսուսուհին մարդով:

Ապա մի դունդն ընդառաջ ուղարկեց թշնամիների դեմ ճակատելու, իսկ մյուս երկու զնդերը ձախ՝ տալով խրախույս կարողացին և վերա հասան թուրքական զորքերին սեղեց ու ձախից և օրվա տասնվեցերորդ ժամից մինչև երանեղևը ժամը իրենց մեջ տուան անօրենների զորքերի բազմությունը և նրանցից կոտորեցին ավելի քան տասնմեկ հազար մարդ ու մյուսներին հալածեցին Ուրդուար, իսկ հաճի-Շալիկին՝ նրանց զլխավորին, ձերբակալեցին: Նրանցից խլեցին ամբողջ գույքը, զենքը, սրերն ու պատերազմական մյուս գործիքնե-

նայն գործիս պատերազմին, եւ զամենայն զառ եւ զաւ
նոցա. եւ եղեւ ուրախութիւն մեծ ամենայն բնակչացն Ղափա
նու: | Եւ ի նմին պատերազմի անկան ի սոցանէ Մուրում Խա
լանթարն Լէվազեցի, եւ որդի հօրեղբօր նորին եւ այլք բա
զումք: Իսկ զՀաճի Շափին՝ զոր ըմբռնեցին, Պայինտուր գ
րապետն կամեցաւ տանիլ զնա առ Դաւիթ Պէկն, բայց ի
խանքն Մեղրեայ աղաչեցին զնա՝ թողուլ զՀաճին անդ ա
նոսա, եւ նա շնորհեաց նոցա: Եւ եղին զնա ի կալանս ի տա
տեառն Ներսէսի, եւ զօրականքն ամենեքեան գնային իւրա
քանչիւրքն ի տունս իւրեանց: | Այլ եւ գիւղականքն Գուրհա
մայ, որք վասն ահի հինիցն անցեալք էին յերկիրն Զավնդու
որպէս ի վեր ասացաք, դարձան գնացին եւ բնակեցան իւրա
քանչիւրն ի տեղիս իւրեանց:

Յետ այսորիկ իբրեւ մի ամ ի վերայ անցանէր, եղբայր
խանին Երեւանայ զբազում զօրս կուտէր, եւ երթայր յօգնո
թիւն եղբօրն իւրոյ, զի էր պաշարեցեալ նա ի յամուրն Եր
ւան քաղաքի, ի զօրացն Օսմանցւոց: Արդ՝ սա իբրեւ բազմ
զօրօք գայր, ի յՈւրդովար քաղաք հասանէր, ամենայն մա
մետականք քաղաքին ընդ առաջ լինէին նմա, եւ բողոք բա
նային զՀայոցն Մեղրեայ, եւ ասէին, Դատ արա ընդ Մեղրե
ցիսն, զի նոքա կոտորեցին կորուսին զամենայն արս քաղա
քիս: Եւ նա առաքեաց զոմանս ի ծառայիցն ի Մեղրի, երթա
կոչել առ ինքն զոմանս գլխաւոր իշխանացն՝ առ ի գիտ
զպատճառ այնպիսւոյ աղմկին:

Իսկ իշխանքն Մեղրեայ իբրեւ զայն լսէին, տագնապէ՛լ
վարանէին ի միտս իւրեանց, ի միասին ժողովէին, խորհով
խորհէին, եւ ասէին. Զի՞նչ արասցուք, զի եթէ երթամք ա
նա՝ վիշտ վտանգի է մեզ, եւ եթէ ոչ ելցուք՝ մեծ վտանգ
մեզ եւ ժողովրդեանս: Վերջապէս հաւանեցան ոմանք ի նո
ցանէ՝ վասն օգտի հասարակութեան՝ զվտանգ մահուն յան
առնուլ, երթալ ընդ սպասաւորսն Խանին: Եւ իբրեւ ելին գնա
ցին ընդ նոսա, եւ հասին ի յՈւրդովար քաղաք, քաղաքացիք
առհասարակ դիմեցին ի վերայ նոցա՝ սպանանել զնոսս
բայց ծառայք Խանին ոչ ետուն նոցա թոյլ, մինչեւ ածին կա
ցուցին զնոսա առաջի Խանին, եւ քաղաքացիքն զհետ երթա
յին նոցա. եւ իբրեւ յանդիման եղեն Խանին, սկսան վերստի
քաղաքացիքն զաղաղակ բառնալ եւ ասել. Դատ արա ընդ մե
ն ընդ Մեղրացիսդ, զի կորուսին սպառեցին զմեզ: Եւ ի հալ

րը, նրանց ամբողջ ավարն ու կողոպուտը, և մեծ ուրախություն եղավ Ղափանի բոլոր բնակիչներին: Այդ պատերազմում սրանցից ընկան լեազցի Մուրում Խալանթարը, նրա հորեղբոր որդին և շատ ուրիշներ: Իսկ հաճի-Շափիին, որ բռնեցին, Պայինտուր զորապետն ուզեց տանել Դավիթ-Բեկի մոտ, բայց Մեղրիի իշխաններն աղաչեցին նրան, որ հաճիին թողնի այնտեղ՝ իրենց մոտ, և նա զիջեց նրանց: Նրան կալանավորեցին տեղի Ներսեսի տանը, իսկ զորականները գնացին իրենց տները: Իսկ Գուրհամի գյուղացիները, որ ավաղակների ահից անցել էին Չավնդուրի երկիրը, ինչպես վերևում ասացինք, դարձան գնացին ու բնակվեցին յուրաքանչյուրն իր տեղում:

Մոտ մեկ տարի անց Երևանի խանի եղբայրը բազում զորք հավաքելով գնաց իր եղբորն օգնության, որովհետև նա պաշարված էր օսմանցիների զորքերի կողմից՝ Երևան քաղաքի ամբողջում: Եվ երբ սա մեծաթիվ զորքով եկավ հասավ Ուրդուար քաղաքը, տեղի բոլոր մահմեդականները նրան ընդառաջ ելան և բողոքելով Մեղրիի հայերից, ասացին. «Դատաւան տես մեղրեցիներին, որովհետև նրանք կոտորեցին, ոչնչացրին քաղաքիս բոլոր տղամարդկանց»: Եվ նա ծառաներից մի քանիսին ուղարկեց Մեղրի, իր մոտ կանչելու գլխավոր իշխաններից ոմանց, իմանալու համար այդպիսի աղմուկի պատճառը:

Իսկ Մեղրիի իշխանները լսելով այդ՝ անհանգստացան, երկմտեցին, հավաքվեցին միատեղ, խորհրդակցեցին և ասում էին. «Ի՞նչ անենք. քանի որ եթե գնանք նրա մոտ՝ մեծ վտանգ է մեզ, չգնանք՝ նույնպես մեծ դժբախտություն է մեզ և ամբողջ ժողովրդին»: Վերջապես, նրանցից ոմանք հոռեցին հասարակության շահի համար մահվան վտանգը հանձն առնել ու գնալ խանի սպասավորների հետ: Եվ երբ ելան գնացին նրանց հետ և հասան Ուրդուար քաղաքը, բոլոր քաղաքացիները հարձակվեցին, որ սպանեն նրանց: Բայց խանի ծառաները նրանց թույլ շտվին, մինչև տարան հասցրին իրենց խանի մոտ, և քաղաքացիները գնացին նրանց հետ: Երբ խանին ներկայացան, քաղաքացիները նորից սկսեցին աղաղակել և ասել. «Դատարար մեր և այդ մեղրեցիների միջև, որովհետև կործանեցին, սպառեցին մեզ»: Եվ խանի հար-

ցանելն խանին զՄեղրացիսն, պատասխանի առնէին նմա՝ թէ մեք ոչ ումեք դոցա մեղաք, եւ զոչ ոք ի դոցանէ ի զուր տարապարտուց սպանաք. այլ դոքա զբազում զօրս կուտեցին, եւ ելին ի վերայ մեր, զբազում գիւղորէս մեր կոտորեցին կործանեցին եւ ի գերի վարեցին, ապա ի զուր տարապարտուց ակին պաշարեցին զմեզ, եւ կամեցան բնաջինջ առնել զմեզ. եւ մեք առ ի պաշտպանել զմեզ՝ ընդդէմ ելաք դոցա, եւ ի բաց վանեցաք:

Յայնժամ ասէ խանն ցՈւրդովարեցիսն. Ո՞վ հրամայեաց ձեզ ելանել ի վերայ նոցա՝ առ ի կողոպտել եւ կորուսանել զնոսա: Եւ նոքա ափիբերան եղեն | եւ ոչ կարացին տալ պատասխանի առ այն: Ապա ասէ ցնոսա խանն. Ո՞վ եղեւ ձեզ առիթ եւ առաջնորդ ելանելոյ ի վերայ նոցա: Եւ նոքա ասեն. Սափի Ղուլի Լեւադեցի, որդի Մանիշարի եւ որդին Ղազու Ուրդովարեցի, եւ որդի Շահիսլամին: Եւ կալեալ խանին զՍափի Ղուլին՝ խրատեաց զնա խստագոյն գանիւք, եւ էառ ի նմանէ զտուգանս: Եւ զՄեղրացիսն արձակեաց խաղաղութեամբ ի տեղիս իւրեանց, եւ ինքն չուեաց անտի:

Ապա այնուհետեւ սկսան Ուրդովարեցիքն առնել զհաշտութիւն ընդ Մեղրացիսն, եւ խնդրեցին արձակել նոցա զՀաճի Շափին. եւ սոքա եւս խնդրեցին ի նոցանէ արձակել զգերիսըն՝ զօրս գերեցին ի գիւղորէիցն, եւ յանձն առին արձակել զնոսա. յայնժամ Մեղրացիքն գրեցին առ զօրագլուխս Ագուլեցւոց, որպէս զի ընկալցին ի յՈւրդովարեցւոց զհօթանասուն անձինս Հայոց՝ գերեալս ի նոցանէ, եւ ազդ արասցեն ի զՍափի Ղուլի ընկալան զնոսա, որպէս զի եւ ինքեանք արձակեսցեն զՀաճի Շափին: Եւ արարին այնպէս, եւ սոքա արձակեցին զՇափին, եւ այնուհետեւ եղեւ խաղաղութիւն ի մէջ նոցա:

Երբ այս ամենայն լիլիս ուղարկեա անառնէր, ուղարկաւ զՍափի Ղուլի զօրակա զօրս ի խանն Ղազունկուրով ի վերայ Բարձրմանեացն ստալէր. ուրց հասեալ անդ՝ գիշերայն անառնէր ի վերայ ի լեւոյն լեռնի, եւ հարկն կտուրէին զնոսա, եւ անն զամենայն ստաշուածս նոցա եւ դարձան. վեց հար հար երեք հարիւր ոչխար, եւ շորս հարար հարիւր երեսուն գալլ անասունս նոցա: Եւ մինչ զեռ զհետ մտանկին սոքա վախճալիցն՝ արատահեցաւ Միսիթար ուղարկալետն միայնակ առաջի թշնամեացն, առ որ քարաձիգ լեալ՝ կալան. եւ նա

ցումին մեղրեցիները պատասխան տվին. «Մենք դրանց ոչ մեկի դեմ մեղավոր չենք և դրանցից ոչ մեկին իզուր չենք սպանել, այլ դրանք բազում զորք հավաքեցին և հարձակվեցին մեզ վրա, մեր բազմաթիվ գյուղերը կործանեցին ու կոտորեցին, գերի տարան, ապա իզուր, առանց պատճառի, եկան և մեզ պաշարեցին, ուղեցին բնաջնջել մեզ: Եվ մենք մեզ պաշտպանելու համար ելանք դրանց դեմ և հեռու վանեցինք»:

Այնժամ խանն ասում է ուրդուարցիներին. «Ո՞վ հրամայեց ձեզ հարձակվել նրանց վրա՝ կողոպտելու և կոտորելու համար»: Եվ նրանք պապանձվեցին ու չկարեցան պատասխանել: Ապա խանը նրանց ասում է. «Ո՞վ եղավ ձեզ առիթ ու առաջնորդ՝ նրանց վրա հարձակվելու»: Եվ նրանք ասում են՝ «Լեազցի Սափի-ղուլին, Մանիշարի որդին և ուրդուարցի Ղազի որդին և Շահիսլամի որդին»: Եվ խանը, բռնելով Սափի-ղուլին, խստագույն գանահարությամբ խրատեց և տուգանք վերցրեց նրանից: Իսկ մեղրեցիներին խաղաղությամբ թողեց իրենց տեղերը, և ինքը հեռացավ այնտեղից:

Այնուհետև ուրդուարցիք հաշտություն կնքեցին մեղրեցիների հետ և խնդրեցին արձակել հաճի-Շափիին: Սրանք ևս խնդրեցին արձակել գերիներին, որոնց վարել էին գյուղերից, և հանձն առան արձակել նրանց: Այն ժամանակ մեղրեցիները գրեցին ագուլեցոց զորագրութանը, որպեսզի ուրդուարցիներից ստանան հայոց յոթանասուն հոգին, որ գերվել էին նրանցից, և իրենց հայտնեն, որ ստացել են, որպեսզի իրենք ևս արձակեն հաճի-Շափիին: Եվ այդպես արեցին և սրանք արձակեցին Շափիին, և այնուհետև խաղաղություն եղավ նրանց միջև:

Այս ամենները այսպես եղավ Դավիթ-բեկն իր զորականներին ուղարկելից Ղազանկուլ լեռը՝ թուրքմանների դեմ: Նրանք այնտեղ հասան, գիշերով հարձակվեցին լեռնաբնակների վրա, խփեցին, կոտորեցին նրանց և խլեցին նրանց ամբողջ ստացվածքը՝ վեց հազար երեք հարյուր ոչխար, չորս հազար հարյուր երեսուն այլ կենդանիներ և վերադարձան: Ու մինչդեռ հետապնդում էին սրանք փախչողներին, Մխիթար սպարապետը միայնակ հանդիպեց թշնամիներին, և նրան քարկոծելով բռնեցին: Իսկ նա աղաղակեց և ասում է. «Հասե՛ք

աղաղակեաց եւ ասէ. Հասիք ինձ, զի մատնեցայ ի ձեռք
Թուրքաց. եւ առժամայն աճապարեալ տէր Աւետիսն՝ Թա-
փեաց զնա ի ձեռաց նոցա: Եւ առեալ զամենայն զառ եւ զա-
ւարն՝ դարձան Հալի ձոր առ Դաւիթ. որոյ տեսեալ զայն ա-
մենայն՝ ուրախ լինէր: Եւ յետ տասն աւուր դարձեալ առաք-
էր զնոսա ի լեառն Կասպելու՝ ի վերայ Թուրքմանաց. եւ զը-
նացին հասին անդ, եւ հարին զնոսա, եւ առին զինչս՝ նոցա,
եւ զանասունս ինն հարիւր, եւ դարձան:

Դարձեալ ընդ աւուրսն ընդ այնոսիկ՝ ցեղ ինչ Թուրքացի
Պարկուշատայ գային ի լեռնակողմանս Ղափանու վրանօր
բնակէին վասն խստութեան տօթոյ երկրի իւրեանց, որպէս
եւ յայլ ամենայն ժամանակս ամարայնոյ առնէին: Արդ՝ իբ-
րեւ լսին լսէր Դաւիթ Պէլն, վաղվաղակի զՄխիթար սպարա-
պետն իւր հազար ութ հարիւր վառելովք՝ ի վերայ նոցա ա-
ռաքէր. եւ նա երթայր յուղէր եւ հետամուտ լեալ գտանէր զը-
նոսա ի վերին կողմանս Կարմիր Վանք կոչեցեալ աւանին, եւ
ի վերայ հառանէր նոցա յառաօտու պահուն, հարկանէր եւ ա-
ռեալ զամենայն ինչս նոցա եւ զանասունս՝ դարձաւ: Բայց
հառն Պարկուշատայ բազում զօրօք աճապարէր ընդ առաջ ե-
լանել ի կողմանս հոտանանու. իբրեւ զայն տեսին զօրական-
քըն Հայոց, սաստկացուցին ի վերայ նոցա պատերազմն՝
մինչեւ յետս նահանջեցին զնոսա անտի, եւ սկսան հարկանել
զվիրաւորս ի նոցանէ: Այլ Մխիթար սպարապետն, վասն զի
էր խռովեալ ընդ տեառն իւրոյ Դաւիթ, շուտի իբրեւ սկսան
սոքա հարկանել զթշնամիսն եւ վանել, հրամայեալ Մխի-
թարն զօրավարացն յետս կալ ի պատերազմէն, եւ արարին
այնպէս. բայց որք յառաջագոյն զօրքն էին, իբրեւ տեսին թէ
ինչ երեւոյն դարձան յետս, համարեցան թե ի փախուստ
դարձան ի պատերազմէն, եւ սկսան իւրաքանչիւրքն խոյս տալ
ելանել ի պատերազմէ: Իսկ զօրք թշնամեալն իբրեւ զայն
շփոթ տեսանէին, ընդդէմ դառնային սոցա, ի վերայ յարձուկ-
էին, հասանէին հարկանէին ի սոցանէ երեք կամ չորեք հա-
րիւր այր, եւ զոմանս ի նոցանէ կենդանի կալեալ մեծաւ տան-
ջանօք ի Պարկուշատ ածէին. ընդ որս էր եւ Ստեփանոս
Շհումանեան (sic): Եւ իբրեւ զայն լսէր Դաւիթ, ի սրտ-
մրտութիւն բարկութեան բրդէր ի վերայ Մխիթարայ, եւ հրա-
ման տայր զկառափն հարկանելոյ. բայց միջնորդ լեալ մե-
ծամեծացն՝ հազիւ դաբձուցին զվճիռ մահու նորա, եւ սուգ

ինձ, որովհետև մատնվել եմ թուրքերի ձեռքը»։ Եվ փութալով, տեր Ավետիսն անմիջապես ազատեց նրան թշնամիների ձեռքից և վերցնելով ամբողջ առն ու ավարը, դարձան Հալիձոր, Դավթի մոտ, որը տեսնելով այդ ամենը, ուրախացավ։ Եվ տասն օր անց նրանց նորից ուղարկեց Կասպել սարը՝ թուրքմանների վրա։ Եվ գնացին հասան այնտեղ և խփեցին նրանց, առան նրանց գույքը և ինն հարյուր անասուն ու վերադարձան։

Դարձյալ այդ օրերին Պարկուշատի թուրքերի մի ցեղ գալիս, վրաններով բնակվում է Ղափանի լեռնակողմերում, ինչպես անում էին միշտ ուրիշ ժամանակներ՝ ամռանը, իրենց բնակավայրի տոթի խստության պատճառով։ Երբ Դավթ-Բեկն այդ լսեց, անմիջապես իր սպարապետ Մխիթարին հազար ութ հարյուր զինյալներով նրանց վրա ուղարկեց, և նա գնալով փնտրեց ու գտավ նրանց Կարմիր վանք կոչված ավանի վերին կողմերում և հարձակվեց նրանց վրա առավոտյան, խփեց և առնելով նրանց ամբողջ ինչքը և անասունը՝ վերադարձավ։ Բայց Պարկուշատի խանը բազում զորքով շտապ բնդառաջ է գալիս խոտանանի կողմերում։ Հայոց զորականները, երբ այդ տեսան, սաստկացրին նրանց դեմ կռիվը, մինչև ստիպեցին նրանց նահանջել, և սկսեցին նրանց վիրավորներին խփել։

Բայց քանի որ Մխիթար սպարապետը նեղացած էր իր տեր Դավթից, ուստի, երբ սրանք սկսեցին կոտորել թշնամիներին և վտարել, Մխիթարը հրամայնող զորավարներին հետ գալ պատերազմից, և այդպես արեցին։ Սակայն առաջամարտիկները, տեսնելով, որ ետևում եղած զորքը հետ դարձավ, մտածեցին, թե նրանք փախչում են պատերազմից, և սկսեցին բոլորը խույս տալ մարտից։ Այդ իրարանցումը տեսնելով՝ թշնամիների զորքը դարձավ սրանց դեմ. հարձակվեցին, հասան սպանեցին սրանցից երեք կամ չորս հարյուր մարդ, իսկ նրանցից ոմանց կենդանի բռնելով՝ մեծ տանջանք [ուպատճառելով] Պարկուշատ հասցրին, որոնց մեջ էր և Ստեփանոս Շահումյանը։ Երբ Դավթն այս լսեց, սաստիկ բարկացավ Մխիթարի վրա և հրամայեց գլուխը կտրել։ Բայց մեծամեծները միջնորդեցին և դժվարությամբ փոխեցին մահ-

էառ Դաւիթ ի վերայ քաջին Ստեփաննոսի, եւ այնքան զօրա-
ցըն ի զուր տարապարտուց կորուսելոյ:

Իսկ Ստեփաննոս իբրեւ ածեալ եղեւ ի Պարկուշատ, գտա-
անդ ի տան հանին բարեսէր ոմն Թուրք, որ զթացեալ ի նա-
փախոյց. եւ իբրեւ ազդ եղեւ Դաւթի զերծումն նորա՝ մխի-
թարեցաւ ի սգոյն:

Էր ընդ կոտորեալսն նաեւ Պալի զօրավարն՝ որդին մելիք
Փարսադանի, որոյ զգլուխն հատեալ, ընկեցեալ էին ի բացի
զնա մերձ ի հոտանան, բայց ոչ զբոլոր պարանոցն, այլ մին-
չեւ ցկէս ուլանն. ուստի յետ սակաւուց, իբրեւ ուշն ի վերայ
զայր՝ կալեալ զգլուխն ի վերայ իւր, երթայր մտանէր ի մա-
ցառս վայրեացն մինչ ցմութ գիշերոյն, եւ ի գիշերի յուղի-
անկեալ զայր, եւ յետ երից աւուրց ի Հալի ձոր հասանէր: Եւ
եղեւ սքանչացումն յոյժ ամենայն տեսողաց՝ զի ոչ մեռաւ
այլ կենդանի է մինչեւ ցայսօր, եւ է մելիք ի Հալի ձոր:

վան վճիռը: Եվ սուգ արեց Դավիթը քաջ Ստեփանոսի և իզուր կորսված այնքան զորքի համար:

Իսկ Ստեփանոսը, երբ տարվեց Պարկուշատ, այնտեղ խանի տանը հանդիպեց մի բարեսեր թուրքի, որ գթալով նրան՝ փախցրեց: Եվ երբ Դավիթը տեղեկացավ նրա ազատվելու մասին, մխիթարվեց սգից:

Սպանվածների մեջ էր նաև Պալի զորավարը՝ մեկիք Փարսադանի որդին, որի պարանոցը կիսով շափ կտրել, [իրեն] գցել էին մի բաց տեղ, հոտանանի մոտ: Բայց [կտրել էին] ոչ թե ամբողջ պարանոցը, այլ ողի կեսը միայն: Ուստի քիչ անց ուշքի գալով, ձեռքով գլուխն իր վրա բռնած՝ գնաց մըտավ վայրի մացառների մեջ, մինչև օրվա մթնելը և գիշերը ճանապարհ քնկնելով եկավ ու երեք օր հետո հասավ Հալիձոր: Եվ բոլոր տեսնողները շատ զարմացան, որ չէր մահացել, և կենդանի է մինչև օրս և մեկիք է Հալիձորում:

Թէ ԶԻԱՐԴ ՕՍՄԱՆՅԻՆ ԵԿՆ ԵՒ ԵՄՈՒՏ Ի ՂԱՓԱՆ, ԵՒ Թէ
 ԶՈՐՔԱՆ ՄԱՐՏՍ ՊԱՏԵՐԱԶՄԱՅ ԵՏՈՒՆ ԸՆԴ ՆՈՍԱ
 ԴԱԻԻԹ ԵՒ ՔԱՉ ԶՕՐԱԿԱՆՔ ՆՈՐԱ. ԵՒ Թէ ԶՈՐՔԱՆ
 ՄԵԾԱՄԵԾ ՅԱՂԹՈՒԹԻՒՆ ԱՐԱՐԻՆ Ի ՆՈՍԱ:

Յամի Տեառն 1724ին, եւ ի թուին՝ Հայոց ՌՃԶԳին, Սուլ-
 տան Ահմէտն Օսմանցւոց, որ բռնակալեալ ունէր ի պարսկա-
 կան ծոցոյն ովկիանու մինչեւ ցեգիպտոս եւ ցլիբիայ, եւ ան-
 տի մինչեւ ցլիւրիկէ, եւ մինչեւ ցբուբո ծովն Պոնտոսի, եւ
 զմեծ մասն Հայոց, եւ զայլ բազում աւել ի զՍաղաւաքու-
 թիւնս եւ զիշխանութիւնս եւ զաշխարհս նոցա, իբրեւ լսէր
 զվտարումն Պարսից արքային ի հայրենի աթոռոյն, խորհե-
 ցաւ զիարդ եւ իցէ պատճառանօք յինքն գրաւել զտէրութիւնն
 զայն: Ուստի հրաման տայր իշխանի զօրուն ելանել, զօրա-
 ժողով լինիլ յամենայն աշխարհաց, եւ երթալ հասանիլ ի վե-
 րայ Պարսից, եւ ունիլ զքաղաքս նոցա. եւ ել նա ըստ հրա-
 մանի արքային՝ անթիւ անհամար զօրօք ի կողմանս մեծին
 Հայոց, որ ի վիճակին Պարսից, եւ ուր ուրեք հասանէին՝ ի
 սուր սուսերի սատակէին զամենայն դիմակացս իւրեանց, եւ
 զօրքն ամենայն դառնային բազում՝ աւարաւ ամ յամէ, մինչ
 յղփացան փարթամացան եւ լցին զամենայն քաղաքս եւ
 զգիւղս իւրեանց ի բազմութենէ աւարաց եւ գերեաց՝ ի Հայոց
 եւ ի Պարսից. բայց ո՞ր կարէ պատմել զաղէտս մարդ եւ տղա-
 յոց ի ձեռաց անօրէն գերչացն, եւ զնոցին հարց եւ եղբարց
 անողորմ կոտորած:

Արդ՝ սոքա իբրեւ այսպէս զօրացան ի կողմանս յայնուսի՛, եւ
 զմայրաքաղաքն Երեւանու յետ բազում ժամանակաց տա-
 շարմանն առին, եւ զամենայն բնակիչս ի սուր սուսերի մա-
 շեցին: Ապա յամի Տեառն 1726ին, եւ ի թուին Հայոց հաղար
 հարիւ՝ եօթանասուն եւ հինգերորդին, անթիւ անհամար զօ-

ԹԵ ԻՆՉՊԵՍ ՕՍՄԱՆՑԻՔ ԵԿԱՆ ԵՎ ՄՏԱՆ ՂԱՓԱՆ, ԻՆՉՔԱՆ
 ՄԱՐՏԵՐ ՄՂԵՑԻՆ ՆՐԱՆՑ ԴԵՄ ԴԱՎԻԹՆ ՈՒ ԻՐ ՔԱՋ
 ԶՈՐԱԿԱՆՆԵՐԸ, ԵՎ ԹԵ ՈՐՔԱՆ ՄԵԾԱՄԵԾ
 ՀԱՂԹՈՒԹՅՈՒՆՆԵՐ ՏԱՐԱՆ ՆՐԱՆՑ ԴԵՄ

Տիրոջ 1724 և հայոց 1173 թվականին օսմանցիների սուլ-
 տան Ահմետը, որ բռնությամբ տիրում էր Պարսից ծոցից
 մինչև Եգիպտոս և Լիբիա, և այնտեղից մինչև Լյուրիկե ու
 մինչև Պոնտոսի ամբողջ ծովը և Հայաստանի մեծ մասը և
 այլ բազում աղգերի, թագավորություններ և իշխանություն-
 ներ ու նրանց երկրները, երբ լսեց պարսից արքայի վտարվե-
 լը հայրենի գահից, մտածեց ինչ հնարով լինի յուրացնել այդ
 տերությունը: Ուստի հրամայեց զորապետին ելնել, զորա-
 ժողով անել բոլոր աշխարհներից և գնալ հարձակվել Պարս-
 կաստանի վրա, զավթել նրանց քաղաքները: Արքայի հրա-
 մանով նա անթիվ ու անհամար զորքով հասավ Մեծ Հայաս-
 տանի [այն] կողմերը, որ Պարսկաստանի ձեռքին էր: Եվ
 որտեղ պատահեին՝ սրով ու սուսերով կոտորում էին իրենց
 դիմադրողներին, և բոլոր զորքերը վերադառնում էին հա-
 բուստ ավարով՝ տարեցտարի, մինչև հռիփաջան, հարստա-
 ցան և իրենց ամբողջ քաղաքներն ու գյուղերը լցրին ավար-
 ներով ու բազմաթիվ գերիներով՝ հայերից ու պարսիկնե-
 րից: Բայց ո՛վ կարող է պատմել մայրերի ու զավակների՝
 անօրեն զավթիչներից կրած աղետները և նրանց հայրերի ու
 եղբայրների անողորմ կոտորածը:

Սրանք որ այսպես զորացան այն կողմերում և Երև...ս.¹
 մայրաքաղաքը երկարատև պաշարումից հետո զրավեցին,
 ամբողջ բնակչությունը սրի մատնեցին: Ապա Տիրոջ 1726 և
 հայոց 1175 թվականին անթիվ-անհամար զորքով Սյունյաց

րօք մխեցան յաշխարհն Սիւնեաց, եւ հասին պատեցին ի շո-
րից կողմանց զերկիրն Դաւթի, զեօթնաբերդ գաւառն Ղափա-
նու: Յայնժամ ամենայն բնակիչք գաւառին առհասարակ խոռ-
վեցան սասանեցան, թողին լքին զԴաւիթ, եւ գնացին մտին
ընդ լծովն Օսմանցւոց: Եւ մնաց Դաւիթ միայն եօթնեւտասն
սպառազէն արամբ ի յանապատն Հալի ձորոյ, ուր կանգ-
նեալ էր զանառիկ բերդն. ընդ նմա էին նաեւ երեք եպիս-
կոպոսունք եւ երեքտասան քահանայք, զհետ գնացին նաեւ
Տէր Աւետիսն եւ Մելիք Փարսազան՝ սակաւ ոմամբ, զի զօր-
քն ամենեքեան թօթափեցան ի նոցանէ: Բայց Դաւիթ յայսմ
ամենայնի ոչ լքաւ, ոչ կասեցաւ ի խորհրդոցն, ոչ զանգիտեաց
ի բազմութենէ բարբարոսացն, ոչ դադարեցաւ ի քաջագոր-
ծութեանցն եւ ոչ յուսահատեցաւ յողորմութենէ Աստուծոյ: Այլ
արիաբար զբերդն ամրացուցանէր, զհամբարս բերդին առ-
նէր, զզօրականս առ ինքն ժողովէր եւ բազմացուցանէր, եւ
զամենակարն զԱստուած յօգնութիւն ինքեան կոչէր:

Արդ՝ յամսեանն իններորդի յետ գալստեան Օսմանցւոց ի
Ղափան, որ այն հինգերորդ ամ էր գալստեանն Դաւթի, ե-
կին հասին ի Ղափան ի Սուլտան Ահմէտէն՝ Պէքիր փաշայն,
եւ Արապ Ալի փաշայն՝ բազում զօրօք, ընդ ինքեանս առեալք
նաեւ զՓաթալի Խանն Պարկուշատու. յետ այսորիկ հրաման-
տային ի տեղեաց տեղեաց աշխարհին ամենայն զօրաւորաց
Հայոց եւ Թուրքաց գալ ժողովիլ անդր. եւ եկին հասին առ
նոսա յամենայն կողմանց զօրքն Թուրքաց՝ ընդ ինքեանս
առեալք նաեւ զզօրսն Հայոց ի Գողթան գաւառէն, ի յԱգուլիս-
բաղաքէն, ի յՈւրշուսրայ, ի Փիսիանայ, ի Պարկուշատայ, ի
Ղափանու, ի Մէղրեայ, ի Չանդրու, նաեւ զԹուրքսն Ղարա-
չօղու, եւ գնոսա որք բնակեալք էին ի Սեաւ լերինս: Եւ զի-
մի՝ տղամիկս Բաւի ի բանս տղս, զսուկաւս ի բաղմաց ասաս-
ցուք, ՝ եղևն իրրու վաթսուն կամ եօթանասուն հազար, եւ
առաւել ևս բազում յոյժ, մինչեւ լնայ բազմութիւն հեծելոց
եւ հետեւեալաց նոցա զղաշտս եւ զլիզինս: Եւ հանդէս արա-
բեալ ամենայն զօրացն, կարգեցան պատրաստեցան դիմե-
ցին դալ ի վերայ Դաւիթ Պէկին, եւ եկին բանակեցան յայն-
կոյս զետոյն Հալի ձորոյ, ի յերեքտասներորդում աւուր քա-
ռասնորդաց պահօցն: Իսկ որք ընդ Դաւթի էին զօրք, զայն ա-
հադին բազմութիւն յորժամ տեսանէին՝ սարմարէին, եւ բա-
զումք ի նոցանէ Լրթային առ փաշայն եւ անձնատուր լին-

աշխարհը մտան և հասան, բոլոր կողմերից շրջապատեցին
 Դավթի երկիրը՝ Ղափանի յոթնաբերդ գավառը: Այնժամ գա-
 վառի բոլոր բնակիչները խառնվեցին, խուճապի մատնվեցին,
 լքեցին Դավթին և գնացին օսմանցիների լծի տակ մտան: Եվ
 Դավիթը մնաց միայն տասնյոթ սպառազեն այրերով՝ Հա-
 լիձորի մենաստանում, ուր կառուցել էր անառիկ ամրոցը:
 Նրա հետ էին նաև երեք եպիսկոպոս, տասներեք քահանա,
 ինչպեսև տեր Ավետիսն ու մելիք Փարսադանը՝ սակավա-
 թիվ մարդկանցով, որովհետև ամբողջ զորքը հեռացավ նրան-
 ցից: Սակայն Դավիթն այս պայմաններում շփուսվեց, չը-
 հրաժարվեց իր ծրագրերից, չվախեցավ բարբարոսների բազ-
 մությունից, չդադարեց սխրանքներ գործելուց և Աստծու ո-
 ղորմածության հույսը չկտրեց, այլ արիաբար շարունակեց
 ամրացնել բերդը, պատրաստել պահեստները, զորականնե-
 րին հավաքել շուրջը, ստվարացնել [բանակը] և ամենակալ
 Աստծուն իրեն օգնության կանչել:

Օսմանցիների Ղափան գալու իններորդ ամսին, որ Դավ-
 թի գալստյան հինգերորդ տարին էր, սուլտան Ահմետի կող-
 մից եկան Ղափան հասան Պեքիր և Արապ-Ալի փաշաները,
 բազմաթիվ զորքով, իրենց հետ առած նաև Պարկուշատի Փա-
 թալի խանին: Սրանից հետո նրանք հրաման արձակեցին, որ
 երկրի տարբեր կողմերից հավաքվեն հայոց և թուրքերի բո-
 լոր զինակիրները: Եվ եկան հասան նրանց մոտ բոլոր կող-
 մերից թուրքական զորքերը, իրենց հետ բերելով նաև հայ-
 կական զորքեր Գողթան գավառից, Ագուլիս քաղաքից, Ուր-
 դուարից, Փիսիանից, Պարկուշատից, Ղափանից, Մեղրիից,
 Զավնդուրից, այլև ղարաշուղու թուրքերը և նրանք, որ բնա-
 կություն էին հաստատել Սև սարում: Եվ որպեսզի այս խոսքը
 ուրիշ կերպ չընկալվի, շատերից քիչը կասենք. եղան մոտ
 վաթսուն կամ յոթանասուն հազար և առավել ևս շատ, այն-
 քան, որ նրանց հեծյալներն ու հետևակները լցրին դաշտերն
 ու լեռները: Եվ բոլոր զորքերի ստուգատես անելով՝ դաս-
 դասվեցին ու պատրաստվեցին Դավիթ-Բեկի վրա գրոհելու:
 Եվ եկան բանակեցին Հալիձորի գետի մյուս կողմում, քա-
 ռասնորդաց պահքի տասներեքերորդ օրը: Իսկ երբ Դավթը
 հետ եղած զորականները տեսան այդ ահագին բազմությու-
 նը՝ զարհուրեցին, նրանցից շատերը գնացին փաշայի մոտ և

էին. բայց որք քաջք եւ արիք էին՝ խիզախէին, եւ ի մարտ
պատերազմի պատրաստէին:

Եւ էջ բանակեցաւ սակաւուք Դաւիթ ի յամրոցէն ի շէնն
որ էր յայսկոյս գետոյն, հանդէպ բանակի նոցա. եւ առա
քեաց ընդ առաջ նոցա գունդ մի ի զօրաց հարիւր վաթսնից
կալնուլ զանցս գետոյն: Եւ եկին կալան եւ ոչ թոյլ տայի
նոցա անցանել զգետն՝ զաւուրս երկուս. բայց յաւուրն եր
րորդի՝ թուփանքաւորքն Հայոց, որք ընդ զօրս Օսմանցւոց
էին, անցին զգետն յայլ ուստեքէ, եւ եկին մտին կալան զմ
կողմն շինին. եւ հատին ըզօրսն Դաւթի: Իսկ Դաւիթ եւ զօ
րականքն իւր՝ երեք հարիւր յիսուն արամբ մտին ամրացաւ
ի յամուրն անապատին: Եւ էանց յայս կոյս ամենայն բանա
կըն Օսմանցւոց, եւ մատուցեալ շուրջ պահ արկին զբերդաւ
եւ կանգնեցին զնովաւ սլատնէշ, եւ անտի զգնտակս թօփից եւ
թուփանկաց ի ներքս հոսէին: Եւ սոքա ի ներքուստ առ ար
տաքս զնոյն ի նոսին առնէին, եւ զաւուրս վեց մարտ եղեալ
ընդ միմեանս կռուէին. եւ ի կողմանցն հակառակաց յաւուրն
հարիւր, կամ երկու հարիւր, եւ երբեմն երեք կամ շորս հա
րիւր անկանէին. եւ ի սոցանէ հազիւ մի ոք կամ երկու՝ վասն
ամրութեան տեղւոյն:

Բայց յաւուրն եօթներորդի ընդ այդ ընդ առաւօտն, որք
պաշարեալ պահէին զամուրն, կազմեցան, պատրաստեցան,
եւ դիմեալ մօտեցան ի պարիսպ անդր, այլ ոչ որպէս յերեկն եւ
յեռանդն, զի զահագին մեծամեծ մեքենայս (ըստ կերպի մե
ծամեծ սանդղոց, թուով քսան եւ վեց) ընդ ինքեանց բար
ձեալ բերէին, գային մերձենային, եւ ի պարիսպ անդր յեցու
ցանէին, եւ բաղմութիւնն խուժանին յերիս խումբս բաժան
էին, եւ յերից կողմանց զրոհ տուեալ, ի մեքենայից անտի ի
վերայ պարսպացն դիմէին: Իսկ լրահապտնր պարսպացն ի
վերուստ անտի հարեալ զնոսա՝ ի մեքենայիցն ի վայր թօ
թափէին, եւ բաղմութիւնն գէշագէշ անկելոց նոցին, իբր վա
ղահասուկն թզոյ հարեալ ի սաստկութենէ կարկտի՝ զյատա
կըս մեքենայիցն ծածկէին. եւ զայն ամենայն ոչինչ համա
րեալ՝ յառաւօտէ մինչեւ ցութերորդ ժամ աւուրն մեծաւ գոշ
մամբ եւ տագնապաւ ի վերայ պարսպացն դիմէին:

Անդ էր տեսանել զայն ահեղ տեսիլ կատաղեալ զօրացն
աղմուկ աղաղակին. զի իբր զմեքենայսն կանգնեցին, հարիւ
րաւոր եւ հազարաւոր դրօշակիրքն յառաջ խաղացին, ապա

անձնատուր եղան: Բայց ովքեր որ քաջ ու արի էին՝ խիզախում էին և պատրաստվում մարտի:

Եվ Դավիթն իշավ բերդից ու ամրացավ գյուղում, որ գետի այս կողմն էր՝ նրանց բանակի հանդեպ, և թշնամուն ընդառաջ ուղարկեց մի զորագունդ, հարյուր վաթսուն հոգուց, գետանցները փակելու համար: Եվ եկան փակեցին և երկու օր նրանց թույլ չէին տալիս գետն անցնել: Բայց երրորդ օրը հայ հրացանակիրները, որ օսմանցիների զորքերի հետ էին, գետն անցան այլ տեղից և եկան մտան, գրավեցին գյուղի մի կողմը և մեկուսացրին Դավթի զորքերը: Դավիթն ու իր զորականները՝ երեք հարյուր հիսուն հոգի, մտան և ամրացան մենաստանի բերդում: Օսմանցիների ամբողջ բանակը գետըն անցավ: Մոտենալով բերդի շուրջը պահպանություն կարգեցին և պատնեշ կանգնեցրին: Այնտեղից թնդանոթների ու հրացանների գնդակներ էին ներս թափում: Եվ սրանք ներսից դուրս նույնը նրանց էին անում. վեց օր միմյանց դեմ կռվում էին. հակառակորդի կողմից օրական հարյուր կամ երկու հարյուր, երբեմն երեք կամ չորս հարյուր զոհ էր լինում, իսկ սրանցից՝ դիրքի ամրության շնորհիվ, հազիվ մեկ կամ երկու հոգի:

Բայց յոթերորդ օրը, լուսադեմին, ամրոցը պաշարողները փութով պատրաստվեցին ու մոտեցան պարսպին, ոչ թե երեկվա ու նախորդ օրվա նման, այլ իրենց ուսերին բարձած ահագին մեծ մեքենաներ՝ հսկայական սանդուղքների նման, թվով քսանվեց, բերում էին, գալիս մոտենում, հենում պարսպին, և խուժանի բազմությունը երեք խմբի բաժանած՝ երեք կողմից գրոհելով, մեքենաների վրայով բարձրանում էին պարիսպները: Իսկ պարիսպների պահպանները վերևից նրանց խփելով ներքև էին գլորում մեքենաներից, և նրանց դիակների բազմությունը կարկտի սաստկությունից թափվող վաղահասուկ թզի նման ծածկում էր գետինը՝ մեքենաների տակ, և այդ բոլորը արհամարհելով, առավոտից մինչև օրվա ութերորդ ժամը մեծաձայն գոչյուններով ու իրարանցումով դեպի պարիսպներն էին դիմում:

Պետք էր դիտել կատաղի զորքի աղմուկ-աղաղակի այդ ահավոր տեսարանը, որովհետև երբ մեքենաները դրեցին, հարյուրավոր ու հազարավոր դրոշակակիրներն առաջ շարժ-

զօրքն ամենայն զկնի հեղանէին, իբր յորձանս յորդախա-
ղաց գետոց ահագին գոչմամբ, եւ կամ իբրու ամեհի՛ ալիս
ծովու յուզեալ ի բռնութենէ հողմոց՝ դարիւ եւ դարիւ գային,
մի զմիով անցանէին, եւ ի մեքենայից անտի ի վերայ պա-
րսպացն դիմէին եւ առ հասարակ յերկոցունց կողմանցն
ձայն փողոյ, ձայն գօսերաց, գոշիւն զօրաց, շառաշիւն հրա-
լից գնդակաց, ճայթմունք հրացանից զականջս խլացուցան-
էին:

Իսկ որք ի ներքս էին, իբրեւ զայն ահեղ տեսիլ ի յամրոց
անտի տեսանէին զգնդաց գնդաց այլատեոիցն՝ դրօշու դրօշու
պատրաստութիւն, զնշանացն փողփողել եւ զճառագայթս զի-
նուցն՝ զինուորաց, զզանգակսն հնչեցուցանէին, զնշխարս ձե-
ռաց սրբոյն Մինայի ի բազմոցի դնէին, եւ ամենեքեան ան-
կեալ առաջի սրբոյ տեղանոյն՝ առ Աստուած գոչէին, եպիս-
կոպոսունք, քահանայք, ամենայն ժողովրդականք եւ կուսանք
(զի անդ էր նաեւ մենաստան ինչ կուսանաց, ուր բնակէի՛ն
քառասուն կամ յիսուն կուսանք), զի ամենեքեան զմահն ա-
ռաջի աշաց ունէին:

Եւ յութերորդ ժամու աւուրն՝ իբրեւ տեսին զի բառնիւր
այնուհետեւ յոյս փրկութեան, Մխիթար սպարապետն եւ Տէր
Աւետիսն խրախոյս բարձին, ի զէն յարձակեցան, ապա զօր-
քն ամենայն առ նոսա ժողովեցան, բացի սլահապանաց պա-
րսպացն, վառեցան պատրաստեցան, զէն զգեցան, ի բար-
կութիւն բորբոքեցան ամենեքեան ի վերայ թշնամեացն:

Զի խոսիլ սկսան ընդ նոսա Մխիթարն եւ Տէր Աւետիսն եւ
ասեն: Քաջացարուք, մի՛ երկնչիք, ելէք զհետ մեր. եթէ հա-
սեալ իցէ վախճան մեր՝ քաջութեամբ մեռցուք. զի լաւ իցէ
մեզ արութեամբ արտաքոյ պարսպացն մեռանիլ՝ քան աստ-
էն առաջի աշաց մերոց տեսանել զմահ ընտանեաց եւ բարե-
կամաց մերոց եւ զայլ դժնդակութիւնս: Զբանսն ասացին եւ
ինքեանք յառաջագոյն աճապարեցին ելին արտաքս ընդ
զաղտնի դուռն պարսպին, եւ երեք հարիւր վառեալք զկնի
նոցա:

Ո՛վ սքանչելեացս, ո՛վ մեծի ողորմութեանցն Աստուծոյ,
երեք հարիւր վառեալք ի յութերորդ ժամու աւուրն ձայն ե-
տուն, խրախոյս բարձին, յարձակեցան միանգամայն ի վե-
րայ եօթանասուն հազարաց. զառաջինն յարձակեցան ի վե-

վեցին, ապա ամբողջ զորքը հորդահոս գետի հորձանքի նման
ահագին գոշումով թափվում էր, կամ հողմերի ուժգնությու-
նից փոթորկված ծովի ամենի ալիքների պես հորձանքով դա-
լիս, իրարից առաջ էին անցնում, և այն մեքենաներից դե-
պի պարիսպներն էին դիմում: Եվ առհասարակ երկու կող-
մից փողի ու թմբուկի ձայները, զորքերի գոշյունները, հրա-
լից գնդակների շաշյունը, հրազենների ճայթյունը ականջ
էին խլացնում:

Իսկ ներսում եղածները, երբ ամրոցից տեսնում էին այդ
ահեղ տեսարանը, թշնամական բազմաթիվ գնդերի ու շրո-
շակների պատրաստությունը, նշանների փողփողելը և մար-
տիկների զենքերի շողյունը՝ հնչեցնում էին զանգակները,
սուրբ Մինասի ձեռաց նշխարները բազմոցին էին դնում և
բոլորը ծունկի գալով սրբի սեղանի առաջ, դիմում էին Աստ-
ծուն՝ եպիսկոպոսները, քահանաները, ժողովուրդը, կուսա-
կրոնները (որովհետև այնտեղ կար նաև կույսերի մենաս-
տան, ուր բնակվում էին քառասուն-հիսուն մենակյաց), քա-
նի որ բոլորը մահն աչքն էին առել: Եվ օրվա ութերորդ ժա-
մին, երբ տեսան, որ այնուհետև ապրելու հույս չի մնում,
Մխիթար սպարապետն ու տեր Ավետիսը խրախույս կար-
դացին և զենքի դիմեցին: Այնժամ զորքերը նրանց շուրջը
խմբվեցին (բացի պարիսպների պահապաններից), զինվե-
ցին, պատրաստվեցին, զենք կապեցին, բոլորը զայրույթով
վառվեցին թշնամու դեմ: Խոսել սկսեցին Մխիթարն ու տեր
Ավետիսը և ասացին. «Արիացե՛ք, մի՞ երկնչեք, հետևեցեք
մեզ, եթե հասել է մեր վախճանը՝ քաջաբար մեռնենք, որով-
հետև մեզ համար ավելի լավ է արիությամբ պարիսպներից
դուրս մեռնել, քան այստեղ, մեր աչքերի առաջ տեսնել մեր
ընտանիքների ու բարեկամների մահը և այլ դժնդակություն-
ներ»: Այս խոսքերն ասացին և իրենք ամենից առաջ շտապ
դուրս եկան պարսպի գաղտնի դռնով, և երեք հարյուր զին-
վածներ հետևեցին նրանց:

Ո՛վ սքանչելիք և Աստծու մեծ ողորմածություն, երեք
հարյուր զինյալներ օրվա ութերորդ ժամին ձայնեցին, հոր-
դոր կարդացին, արագ հարձակվեցին յոթանասուն հազարի
վրա: Նախ գրոհեցին աջակողմյան գնդին՝ աջ ու ձախ կո-
տորելով:

րայ յաջակողմեան գնդի նոցա՝ յաջ եւ յահեակ կոտորելով:
Իսկ նոքա յանկարծակի իբրեւ տեսին զայն ահեղ յարձա-
կումն եւ կոտորած ի վերայ ինքեանց հասեալ, առ հասարակ
խռովեալք եւ խուճապեալք՝ դիմեցին յերկրորդ եւ յերրորդ
խումբսն, զաղաղակ բարձեալ՝ թէ հասին կոտորեցին սպառե-
ցին զմեզ քրիստոնեայքն: Եւ զայն իբրեւ լուան ամենեքեան
հիացան ամիշեցան տկարացան ի խորհուրդս իւրեանց, լքալ
լուծան եւ անկաւ ահ ի Տեառնէ ի վերայ նոցա. զի մինչ դե-
ական ունէին մեծի յաղթութեան՝ զբռամբ ածելոյ զամուրն
յանկարծակի եհաս նոցա այն անողորմ կոտորած: Ուստի առ-
հասարակ զարհուրեալք եւ սասանեալք՝ ասէին այր ցընկեր
Որ ոք կամի զանձն իւր ապրեցուցանել՝ փախստեան ուշ դի-
ցէ: Զի բազումք ի նոցանէ բազում անգամ զփորձ առեալ
էին քաջութեանցն Դաւթի եւ արանց նորա. եւ զի ահն աղա-
ղակն եւ անհնարին կոտորումն բանակի նոցա երթալով } եր-
թայր եւ զօրանայր, այնուհետեւ ոչ ոք համարձակէր յետ-
ընդդէմ սոցա դառնալ, այլ ամենեքեան խռովեալք եւ խու-
ճապեալք՝ փախստեայ լինէին:

Իսկ սոքա եւ որք մնացեալք էին ի բերդ անդր՝ համար-
ձակ ի վերայ յարձակէին, հասանէին հարկանէին, զբազումս
առ ետեղ սատակէին, եւ զայլս խոցս եւ վիրաւորն հալածա-
կանս առնէին անտի, մինչեւ ոչ թողուլ ի նոցանէ երկու |
միասին. եւ ի նմին աւուր անկան անդ ի բանակէ Օսմանցւոյ
երեքտասան հազար այր պատերազմող, եւ ի սոցանէ յոյս
սակաւ ոմանք, զի աջ ամենակարողին հովանի եւ պաշտպա-
նէր նոցա յամենայն պատերազմունս նոցա՝ առ ի փրկել եւ |
կեցուցանել, եւ զթշնամիսն առաջի նոցա խորտակել, որպէս
յայտնապէս տեսանի աստանօր եւ յայլ բազում տեղիս: Եւ ա-
ռին ի նոցանէ յաւուրն յայնմիկ հարիւր քառասուն եւ ութ
դրօշակ, եւ զայլ ամենայն կապուտ կողոպուտ բանակի նո-
ցա:

Արդ իբրեւ ետես Դաւիթ՝ թէ Աստուած օգնական է ին-
քեան յամենայնի, խնդրէր այնուհետեւ տալ պատերազմ ընդ
Օսմանցւոցն, եւ հանել զնոսա ի Ղափանու. եւ կամեցաւ ելա-
նել նախ ի վերայ Մեղրեայ ամուր աւանին, բայց իբրեւ գի-
տաց թէ բազում զօրօք է անդ փաշայն | Օսմանցւոց, ոչ հա-
մարձակեցաւ. եւ ի նմին ժամանակի յաւուրս քառասորդա-
ցըն պահոց առաքեաց նա զՄխիթար սպարապետն եւ զտէյ
Աւետիսն՝ վաթսուն եւ վեց վառելովք առ Խանն Դուղայի եւ

Իսկ թշնամիները, երբ հանկարծ տեսան իրենց վրա հասած այդ ահեղ հարձակումը, գլուխները կորցրած, խուճապահար դիմեցին երկրորդ և երրորդ խմբերի մոտ, աղաղակելով, թե՛ Հարձակվեցին, կոտորեցին մեզ քրիստոնյաները: Եվ լսելով բոլորը զարմացան, ապշեցին, տկարացան, հուսալքվեցին, կազմալուծվեցին, և ահ ընկավ նրանց վրա Տիրոջից, որովհետև մինչդեռ մեծ հաղթանակի՝ ամբողջ իրենց ձեռքը գցելու հույս ունեին, հանկարծակի վրա հասավ մի անողորմ կոտորած:

Ուստի բոլորը զարհուրած և սասանած ասում էին մեկը մյուսին՝ Ով ուզում է կյանքը փրկել՝ թող փախչի: Որովհետև նրանցից շատերը բազմիցս տեսել էին Դավթի ու նրա մարդկանց քաջությունները, և քանի որ սարսափը, աղաղակը, նրանց բանակի անասելի կոտորածը գնալով սաստկանում էին, ուստի այնուհետև ոչ ոք չէր համարձակվում շրջվել Դավթի դեմ, այլ բոլորը շփոթված ու խուճապահար փախչում էին:

Իսկ սրանք և բերդում մնացածները համարձակ վրա հասան, խփեցին, շատերին տեղնուտեղը սպանեցին, ուրիշներին խոցելով ու վիրավորելով հալածեցին, մինչև որ նրանցից շփողին երկու հոգի իրար մոտ: Եվ այն օրը օսմանցիների բանակից ընկավ տասներեք հազար դինվոր, իսկ սրանցից՝ շատ քչերը, որովհետև ամենակարողի աջը հովանի և պաշտպան էր նրանց բոլոր պատերազմներում՝ փրկելու և ապրեցնելու և նրանց առջև թշնամիներին խորտակելու, ինչպես ակնհայտ երևում է այստեղ և շատ այլ տեղերում: Եվ նրանցից այն օրը խլեցին հարյուր քառասունութ դրոշակ և նրանց բանակի ամբողջ կապուտ-կողոպուտը:

Տեսնելով, որ Աստված ամեն ինչում զորավիգ է իրեն, Դավիթը ցանկանում էր այնուհետև ճակատամարտ տալ օսմանցիներին և վտարել Ղափանից: Եվ ուղեց նախ գրոհել Մեղրի ամուր ավանը, բայց իմանալով, որ օսմանցիների փաշան մեծաթիվ զորք ունի այնտեղ, չհամարձակվեց և նույն քառասնորդաց պահքի ժամանակ Մխիթար սպարապետին ու տեր Ավետիսին վաթսունվեց դինված տղամարդկանց հետ ուղարկեց Դուզալի խանի և նրա եղբայր Լեքազի խանի մոտ

առ եղբայր նորա Լեքազի հանն, եւ ասէ ցնոսա. Եկայք միա-
բանեալ տացուք պատերազմ ընդ Օսմանցւոց, եւ եկին գտին
զնոսա՝ ի շէնն Քուրդաշեան՝ ի կողմանս Ուրգուարայ, առ Ե-
րասխաւ. զի յաւուրսն յայնոսիկ շահ Թամազն էր ի Թաւրէզ,
եւ իշխան զօրուն՝ որ էր Դուզալի հանն, բազում զօրօք ի
կողմանս Երասխայ՝ ընդդէմ Օսմանցւոցն. եւ իբրեւ պատմե-
ցին Դուզալի հանին զբանսն Դաւթի՝ երկեաւ առնել զայն.
Բայց եղբայր նորա Լեքազի հանն ջանայր հաւանեցուցանել.
եւ մինչդեռ ընդ այս վիճէին՝ զօրք Օսմանցւոցն ելին ի յՈւր-
գուարայ քսան դրօշուք, եւ եկին լցին զդաշտն Կրճիվանու.
եւ ասեն Մխիթարն եւ տէր Աւետիսն ցեփանն. Հա՛պա դիմե-
ցուք ի վերայ դոցա: Եւ նա երկեաւ եւ ոչ կամեցաւ գալ: Յա-
յնժամ ելին շուեցին անտի երկոքեանքն՝ վաթսուն եւ վեց
արամբ, եւ սակաւ ինչ պատահեալ զօրացն Օսմանցւոց՝ ան-
ցին գնացին ի նոցանէ. եւ զօրքն Օսմանցւոց գնացին մտին ի
Մեղրի, եւ յաւելեալք ընդ զօրս Մեղրեայ փաշային, եղեն
քսան եւ երկու հազար զօրք:

Եւ իբրեւ ընդ երեկս լինէր, Մխիթար սպարապետն եւ տէր
Աւետիսն՝ Դուզալի հանին ազդ առնէին, թէ ի գիշեր ի յայսմիկ
հարկանելոց եմք զՄեղրի, յօգնութիւն հասէք. եւ նա առա-
քեաց յիսուն վառեալ, եւ սկսան զօրսն կարգել կազմել, եւ
պատուէր տալ նոցա եւ ասել՝ զի ընդ այգն ընդ առաւօտն
հասանիցեն ի վերայ Մեղրեայ, եւ ինքեանք երկու ոմամբք
գան հասանին ի յայգեստանս Մեղրեայ. եւ անդէն առ ինքեա-
նքս զամենայն փախըստեայսն Մեղրացւոց (որք միանգամ
նեղեալք եւ շարշարեալք ի դառն ծառայութենէ Օսմանցւոց՝
թափառականք աստ եւ անդ ի յերինս շրջէին) զամենեկան
զնոսա ժողովէին, կարգէին կազմէին, եւ ի գլուխն Մեղրեայ
ի դարանի դնէին, եւ ինքեանք սակաւ ոմամբ դադունաբար
գիշերայն ի Մեղրի մտանեն ծածուկ զինեալք: Եւ իբրեւ ա-
ռաւօտ լինէր զօրքն իւրեանց ոչ հասանէին. բայց զօրացէ
Օսմանցւոց իբրեւ ազգ լինէր՝ թէ զօրածուղով են Հայք արտա-
քոյ պարսպացն ի բացի, զէն զգեցան, ձի հեծան եւ պատ-
րաստեցան ի պատերազմ: Յայնժամ Մխիթար սպարապետն,
եւ տէր Աւետիսն եւ որք ընդ նոսա էին, սուսերամերկք լի-
նէին, ի մէջ բերդին յարձակէին, զհարկահանն Օսմանցւոց
սատակէին, ապա որում եւ պատահէին զօրացն Օսմանցւոց՝
անդանօր սատակէին, եւ զայլս շտապ տազնապաւ առաջի

և ասում է. «Եկեք միաբանելով պատերազմ տանք օսմանցի-
ներին»: Եվ եկան գտան պարսիկ խաներին Քուրդաշյան ա-
վանում, որ Երասխի մյուս ափին է, Ուրդուլարի կողմերում:
Որովհետև այն օրերին շահ Թահմազը Թավրիզում էր, իսկ
զորքի հրամանատարը, որ Դուզալի խանն էր. բազում զոր-
քով Երասխի կողմերում էր, օսմանցիների հանդիման: Եվ
երբ հաղորդեցին Դուզալի խանին Դավթի խոսքերը, նա վա-
խեցավ այդ անել: Բայց նրա եղբայր Լեքազի խանը աշխա-
տում էր համոզել նրան [միաբանելու Դավթի հետ]: Ու մինչ-
դեռ վիճում էին սրա շուրջը, Ուրդուլարից օսմանյան զորքեր
եկան քսան դրոշով և գնացին լցվեցին Կրճիվանի դաշտը: Եվ
Մխիթարն ու տեր Ավետիսը ասացին խանին՝ «Հասեք նրանց
վրա»: Իսկ նա վախեցավ և շուզեց հարձակվել: Այնժամ ե-
լան գնացին այնտեղից երկուսը՝ վաթսունվեց մարդով, օս-
մանցիների սակավ զորքերի պատահելով՝ անցան գնացին
նրանց մոտով, և օսմանցոց զորքերը մտան Մեղրի ու միա-
ցան Մեղրիի փաշայի զորքերին, դարձան քսաներկու հազա-
րանոց զորք:

Իրիկնաժամին Մխիթար սպարապետն ու տեր Ավետիսը
Դուզալի խանին լուր ուղարկեցին՝ «Այս գիշեր հարվածելու
ենք Մեղրիին, մեզ օգնության եկեք»: Եվ նա ուղարկեց հի-
սուն զինվոր, և սկսեցին զորքը դասավորել և հրահանգ տալ
ու ասել, որ առավոտյան այգաբացին հարձակվեն Մեղրիի
վրա: Իրենք երկուսով եկան հասան Մեղրիի այգեստանները
և այնտեղ իրենց շուրջը հավաքեցին շուրջ փախած մեղրե-
ցիներին, որոնք օսմանցոց դառն ծառայությունից նեղված՝
այստեղ լիոնեում, շրջում էին թափառական: Նրանց բոլո-
րին հավաքեցին, կազմակերպեցին ու Մեղրիի վերևում դա-
րան մտան: Իսկ իրենք քիչ մարդկանցով զինված այնտեղից
գիշերը գաղտնաբար մտան Մեղրի: Երբ լուսանում էր, նրանց
զորքը չէր հասել: Բայց օսմանցիների զորքերի մեջ լուր
տարածվեց, թե հայերը պարիսպներից դուրս հավաքում են
իրենց զորքը. զենք վերցրին, ձի հեծնեցին և պատրաստվե-
ցին պատերազմի: Այդ ժամանակ Մխիթար սպարապետը, տեր
Ավետիսը և նրանց զինակիցները մերկացրին սուսերները,
մտան ամրոցը, սպանեցին օսմանցիների հարկահանին, ում
հանդիպեցին նրանցից՝ կոտորեցին, մյուսներին խուճապա-

տանէին, մինչեւ ի Փոքր Թաղն հասուցանէին զՓաշայն, եւ անդ ի վերայ հասին նաեւ դարանամուտքն ի գլխոյն Մեղրեայ. եւ սկսան փախուստ առնուլ զօրքն Օսմանցւոց:

Յայնժամ Մխիթարն, տէր Աւետիսն եւ որք ընդ նոսա՝ իբրեւ տեսին թէ հասին դարանամուտքն ի վերայ Օսմանցւոցն, թողին զնոսա եւ աճապարեցին՝ հասին կալան ինքեանք ըզկիրճս ճանապարհի նոցա, որ առ Երասխան էր, որ այժմ յայլազգեաց կոչի Ուզուն պէնտ. եւ էր կիրճն այն երկայն՝ ձգեալ իբրու զնացս միոյ ժամու կամ երկուց, որոյ մի կողմ էր քարաժայռն մեծ, եւ ի միւս կողմն՝ Երասխն յորդահոս. անդ իբրեւ մտին փախստեայքն Օսմանցւոց ի կիրճն, սոքա ելին ընդ առաջ նոցա ի պատերազմ. եւ իբրեւ զայն տեսին, նեղեցան յոյժ՝ զի պաշարեալ մնացին յամենայն կողմանց, եւ ստիպեցան անցանել զգետն Երասխ. այլ սոքա ի վերայ հասին նոցա, զբազումս առ ետեղ սատակեցին եւ զայլ բազումս ի գետն հեղձուցին: Եւ անտի դարձ արարին, եկին հասին ի Մեղրի, եւ անդ գտին զանբաւ կառափունս Թուրքաց, զանհամար ձիս եւ զջորիս նոցա, զանթիւ զանշափ գոյս նոցա, իբր շորեք հարիւր տաղանդոյ ինչս. զբեռն հարկահանին բացին | եւ անդ երեսուն եւ երկու հազար թուղթս հարկաց գտին, եւ զայն ամենայն ի հուր այրեցին: Եւ զԴաշեաց նորվէլն գտին, եւ զի ուրացեալ էր զՔրիստոս՝ զգլուխն հատին:

Ապա յետ այսորիկ իբրեւ սակաւ ինչ ժամանակ ի վերայ անցանէր, ասպատակիչ փաշայն Օսմանցւոց բազում զօրօք դիմէր գայր, եւ բնակէր ի Բեխ կոչեցեալ շէնն, իբր զաւուրս միոյ շաբաթու. զբազում հնարս խորհէր ի վերայ Դաւթի եւ զօրաց նորա, եւ ամենեւին զոչինչ կարաց առնել. այլ զօրականքն Դաւթի ի գիշերի միում ի վերայ հասին նոցա, հարին կոտորեցին զբազումս ի նոցանէ, եւ զփաշայն հալածականս արարին:

Յետ այսորիկ գունդ մի զօրաց ութն հարիւրոց ի Պարկուշատ եկին, զի զնասդեն անտի ի Տաթեւ. եւ սոքա իբրեւ զայն զգացին, զգիշերայն ի Օքուղեարաթ կոչեցեալ լեառն ելանէին եւ զանցս ճանապարհին ըմբռնէին: Իսկ նոքա ընդ այդն ընդ առաւօտն իբրեւ եկին անդր հասին, սոքա ի վերայ յարձակեցան, հարին կոտորեցին ի նոցանէ երեսուն եւ վեց այր, զեօթն այր եւս գերեցին, եւ առին զամենայն ինչս նոցա եւ

հար հալածեցին: Փաշային մինչև Փոքր թաղ հասցրին: Այդ-
տեղ վրա հասան նաև դարանամուտները Մեղրիի վերևից, և
օսմանցոց զորքերն սկսեցին փախչել:

Այնուհետև Մխիթարը, տեր Ավետիսը և մյուսները, տես-
նելով, որ օսմանցիների վրա հարձակվեցին նաև դարանա-
մուտները, թողին նրանց և շտապեցին հասնել, գրավել նրանց
ճանապարհի կիրճը, որ Երասխի երկայնքով էր [ձգվում],
որն այժմ այլազգիներն անվանում են Ուզուն-պենտ: Երկա-
րաձիգ էր կիրճը, որ մեկ-երկու ժամվա ճանապարհ էր, մի
կողմը մեծ քարաժայռ էր, մյուսը՝ հորդահոս Երասխը: Երբ
օսմանցի փախստականները մտան կիրճը, սրանք նրանց
ընդառաջ եկան պատերազմելու: Այդ տեսնելով [վերջիննե-
րը] նեղվեցին, որովհետև շրջապատված էին բոլոր կողմե-
րից և ստիպված էին անցնել Երասխ գետը: Իսկ հայերը
հարձակվեցին, շատերին տեղնուտեղը սպանեցին, մյուսնե-
րին խեղդեցին գետում: Եվ դարձան, եկան հասան Մեղրի ու
այնտեղ տեսան թուրքերի անթիվ զուխներ, նրանց անհա-
մար ձիերն ու ջորիները, անշափ գույք, շուրջ շորս հարյուր
տաղանդի ապրանք, հարկահանի բեռը բացին ու այնտեղ՝
երեսուներկու հազար մուրհակ, և այդ բոլորն այրեցին: Եվ
գտնելով Դաշյաց նորվելին, որ ուրացել էր Քրիստոսին՝ զըլ-
խատեցին:

Սրանից հետո որոշ ժամանակ անցավ, օսմանցիները
ասպատակիչ փաշան բազում զորքով եկավ ու բանակեց
Բեխ գյուղում և մոտ մի շաբաթ ամբողջ օրը փնտրում էր
զանազան հնարներ՝ Դավթին ու նրա զորականներին նենգու-
թյամբ որսալու, և ոչինչ չկարողացավ անել: Իսկ Դավթի
զինվորները մի գիշեր հարձակվեցին նրանց վրա, կոտորե-
ցին նրանցից շատերին և փաշային հալածական դարձրին:

Սրանից հետո ութհարյուրանոց մի զորագունդ Պարկու-
շատ եկավ, որպեսզի այնտեղից գնա Տաթև: Եվ սրանք ղդա-
լով այդ, գիշերով Օքուղիարաթ կոչվող լեռը բարձրացան և
բռնեցին ճանապարհի անցքերը: Իսկ նրանք առաջնության
այգաբացին, երբ եկան հասան այնտեղ, հայերը վրա հա-
սան, խփեցին կոտորեցին՝ երեսունվեց հոգու և յոթ մար-
դու գերեցին, հարվածեցին, առան նրանց ամբողջ գույքն ու

դարձան ի Հալի ձոր:

Ապա այլ եւս դօրք Օսմանցւոց եկին բանակեցան ի գիւղ մի Թուրքաց՝ մերձ ի Մանլեւ, զնոսա եւս՝ ի գիշերի ի վերայ հասին՝ կոտորեցին եւ միայն ղերկուս ի նոցանէ կենդանի ածին ի Հալի ձոր:

Արդ՝ յամի Տեառն 1727ին, որ այն հինգերորդ ամ էր գալլատեանն Դաւթի ի Ղափան, իբրեւ տեսանէր Դաւիթ Պէկն՝ ողորմութեամբն Աստուծոյ՝ յամենայն ուրեք թշնամիսն առաջի իւր վանեալս եւ խորտակեալս, առաքեաց Շահթամազ արքային Պարսից զշորս բեռինս գլխովք սպանելոց ի բազմութենէ կոտորածին, զորս հասուցին Օսմանցւոց. եւ նա իբրեւ զայն տեսանէր՝ ուրախ լինէր յոյժ ի վերայ թշնամեացն իւրոց, եւ զարմանայր յոյժ ի վերայ քաջութեանցն Դաւթի եւ զօրավարաց նորա, զընծայս պարգեւէր, հրովարտակս գրէր առ նա՝ ըստ բանիցս ըստ այսոցիկ.

«Շահթամազ արքայ Պարսից՝ առ քաջդ Դաւիթ Պէկ, եւ առ քաջ զօրավարսդ Հայոց՝ որք ընդ քեզ են, ողջոյն: Ի բազմաց բազում անգամ ազդ եղեւ մեզ զքաջութեանց քոց. բայց արդ իբր ականատես իսկ եղեալ մեր զձերոց մեծամեծ քաջութեանց՝ որ ընդդէմ թշնամեացն մերոց: Ահա՛ արդ կացուցի զքեզ իշխան եւ զլուխ ամենայն իշխանաց մերոց, որք են ի կողմանսդ յայդոսիկ. եւ երկիրդ Ղափան՝ զոր կալար քաջութեամբ, քեզ լիցի. բայց դու ելցես եւ ժողովեսցես առ քեզ զամենայն զօրս եւ զխանս ի կողմանցդ յայդոցիկ, եւ ի բաց հանցես զՕսմանցին ի սահմանաց քոց»:

Եւ ետ բերել նմա զմի խաշվառ եւ զմի պատուական նըժոյգ ձի, նաեւ զիշխանութիւն կարող | լինելոյ դրամ հատանել, եւ իւրաքանչիւր զօրապետաց նորա զմի մի պատմունճան առաքեաց: Եւ եկին հնազանդեցան նմա ամենայն իշխանք եւ գաւառապետքն Թուրքաց:

Եւ ել զնաց Դաւիթ ի Հալիձորոյ ի Մեղրի, եւ բանակեցաւ անդ. եւ ժողովեալ առ ինքն զամենայն զօրսն Մեղրեայ եւ Զաւրնդրու, անտի խաղաց զնաց եւ բանակեցաւ ի Կրճէվան աւանն, եւ հանդէս արարեալ անդ ամենայն զօրացն՝ առաքեաց զնոսա ի ձեռն քաջ զօրապետացն ի վերայ Ուրդուար ջաղաքի: Եւ զնացին հասին անդ, եւ ի ժամ գիշերոյ՝ ի մէջ քաղաքին յարձակեցան, հարին կոտորեցին յՕսմանցւոցն երեք հարիւր այր, եւ մնացեալքն ելին փախեան ի քաղաքէն

վերադարձան Հալիձոր:

Ապա օսմանցիների ևս մի զորք եկավ բանակեց Մանլի մերձակա մի թուրքական գյուղում: Գիշերով հարձակվեց նաև դրանց վրա և նրանցից միայն երկուսին կենդանի տարան Հալիձոր:

Արդ, Քրիստոսի 1727 թվականին, որ Դավթի Ղափան գալու հինգերորդ տարին էր, երբ Դավիթ-Բեկը տեսավ, որ Աստծու ողորմությամբ իր թշնամիներն ամենուրեք խորտակված են ու վտարված, պարսից շահ Թահմազին ուղարկեց սպանված օսմանցիների շորս բեռ գլուխ: Այդ տեսնելով՝ շահը շատ ուրախացավ իր թշնամիների մահով և շատ զարմացավ Դավթի ու նրա զինվորների քաջագործությունների վրա, ընծաներ տվեց և հրովարտակ գրեց նրան այսպիսի խոսքերով.

«Շահ Թահմազ պարսից արքայից քաջ Դավիթ-Բեկիդ և հայոց քաջ զորավարներին, որ քեզ հետ են՝ ողջուն: Շատերից բազմիցս իմացել ենք քո սխրանքների մասին, բայց հիմա կարծես նաև ականատես եղանք ձեր մեծամեծ քաջագործություններին, որ մեր թշնամիների դեմ գործեցիք:

Եվ ահա այսօր քեզ կարգեցի իշխան և գլուխ մեր բոլոր իշխանների, որ այդ կողմերում են, և Ղափանի երկիրը, որ վերցրիր քաջությամբ՝ քեզ լինի: Բայց դու պիտի հլնես ու քո շուրջը համախմբես բոլոր զորքերը և այդ կողմերի խաներին, դուրս վանես օսմանցիներին քո սահմաններից»:

Եվ նրան ուղարկեց մի խաչվառ և մի պատվական նժույգ, նաև դրամ հատելու իրավունք, իսկ նրա զորապետներից յուրաքանչյուրին՝ մեկական պատմուճան: Եվ եկան Դավթին հնազանդեցին բոլոր իշխաններն ու թուրքերի գավառապետները:

Դավիթը ելավ Հալիձորից, գնաց Մեղրի ու բանակեց այնտեղ: Ժողովելով իր մոտ Մեղրիի, Զավնդուրի ամրոցի զորքերը, շարժվեց գնաց բանակեց Կրճիվան ավանում, այնտեղ դասավորեց բոլոր զորքերը, քաջ զորավարների գլխավորությամբ ուղարկեց Ուրդուար քաղաքի վրա:

Եվ գնացին այնտեղ հառան գիշերով, քաղաքի վրա հարձակվեցին և կոտորեցին օսմանցիներից երեք հարյուր տղամարդ, մնացածները փախան և գնացին քաղաքից դուրս մի

եւ գնացին ի դիպուկ ինչ տեղի՝ արտաքոյ քաղաքին՝ բանակ առեալ բանակեցան: Եւ սոցա առեալ զաւարն՝ արկին սեղանըս, զի կերիցեն եւ արբցեն. յայնժամ գայ ի վերայ հասանի նոցա Դաւիթ Պէկն մինչդեռ բաղմեալ էին զօրավարքն ի սեղան, եւ ցասուցեալ ի վերայ նոցա՝ ասէ. Թշնամիքն ձեր արտաքոյ քաղաքիս բանակ առեալ բանակին, եւ դուք նստեալ աստ ուտէք եւ ըմպէք: Եւ առժամայն թողեալ զուտելն՝ հեծան կազմեցան եւ յարձակեցան ի վերայ | բանակի Օսմանցւոցն. իսկ նոքա իբրեւ տեսին՝ գիտացին թէ զօրն Պարսից է, եւ ելին ընդառաջ՝ ի մարտ պատերազմի. բայց իբրեւ զփորձ առին եւ գիտացին թէ այն է զօր Դաւիթ Պէկին, ի փախուստ դարձան եւ գնացին. եւ սոքա առին զնոցանէ զբազում ջոկս ձիոց եւ ջորեաց, եւ առաքեցին զայն ամենայն առ Դաւիթ. եւ ինքեանք դիմեն գան ի Դէշտ կոչեցեալ աւան: Իսկ արքաւանին ի հեռուստ իբրեւ զգալ զօրացն տեսին, համարեցան թէ զօր այլազգեաց է այն, եւ փախեան ի յԱգուլիս:

Եւ անտի շուեն գան Մխիթար սպարապետն եւ տէր Աւետիսն հանդերձ զօրուն ի յԱգուլիս քաղաք. իսկ պահապանք մեծ դրան քաղաքին, ընդ տեսանելն զսոսա՝ փախչին. եւ սոցա համարձակ մտեալ ի քաղաքն, երթան ի վաճառատեղն՝ առ ի յոյզ եւ խնդիր առնել զՕսմանցիսն, եւ գտանեն անտի փախուցեալ զհարկահանսն Օսմանցւոց, եւ ինքեանք երթան բանակին ի վանս սրբոյն Թովմայի առաքելոյն. եւ մինչ դեռ անդ էին նոքա՝ լուան արտաքոյ աղմուկ շփոթի, եւ երկու ոմանք ի սոցանէ ձի կալան եւ ելին արտաքս եւ գնացին, զի ոմն ի Թուրքաց յափշտակեալ զմի ոմն գերի վարէր, եւ պնդեցան զհետ նորա, | եւ նորա թողեալ զգերին՝ փախեալ:

Արդ՝ սակաւ ինչ կացեալ անդ, տեսին ի դիտանոցէն՝ զի Դաւիթ Պէկն եւս գայր մտանէր ի քաղաքն, եւ ելին ընդ առաջ նորա. եւ զգեցոյց նա իւր զօրականացն զմի մի պատմուճան, եւ դարձան վերստին բանակեցան ի սուրբն Թովմայ. եւ արքա քաղաքին՝ ըստ սովորութեան իւրեանց՝ ամենեքեան գային եւ զձեռսն Դաւիթ Պէկին համբուրէին: Եւ Մելիք Մուսին, որ նա ինքն քաղաքապետն էր, իբրեւ գայր յանդիման լինէր՝ Դաւիթ հրաման տայր իւրոցն եւ ասէր. Ի գիշերիս յայսմիկ հատէք զգլուխն Մուսեայ. զի այր նենգաւոր էր նա եւ խարդախ. բայց մելիք Փարսաղայն յառաջ մատուցեալ՝ բարեխօս լինէր վասն նորա, եւ զվճիռ մահուն դարձուցանէր:

հարմար տեղ կուտակվեցին: Եվ սրանք վերցնելով ավարը, սեղան բացին, որ ուտեն և ըմպեն: Այն ժամանակ, երբ բազմել էին զորավարները սեղանի շուրջը, եկավ Դավիթ-Բեկը, զայրանալով նրանց վրա, ասում է. «Ձեր թշնամիները քաղաքից դուրս հավաքված բանակել են, իսկ դուք այստեղ նստած խրախճանում եք»: Անմիջապես թողնելով ուտելը, ձի նստեցին, հարձակվեցին օսմանցոց բանակի վրա: Իսկ նրանք այդ տեսնելով՝ կարծեցին, թե պարսից զորքն է, և ընդառաջ ելան պատերազմելու, բայց երբ ստուգեցին իմացան, որ Դավիթ-Բեկի զորքն է, փախուստի դիմեցին: Եվ սրանք ձիերի ու ջորիների բազմաթիվ ջոկեր խլեցին նրանցից, այդ ամենը Դավթին ուղարկեցին, և իրենք դիմեցին Դաշտ կոչված ավանը: Իսկ ավանի մարդիկ, երբ հեռվից տեսան զորքերի գալը, կարծեցին, թե այլազգի զորք է, փախան Ագուլիս:

Այնտեղից շարժվելով՝ Մխիթար սպարապետն ու տեր Ավետիսը զորքով դիմեցին դեպի Ագուլիս: Եվ երբ եկան քաղաքի մեծ դարպասին հասան, պահապանները սրանց տեսնելուն պես փախան: Իսկ սրանք անարգել մտան քառաքնացին վաճառատեղի՝ փնտրելու և գտնելու օսմանցիներին և այնտեղ գտան փախած օսմանցի հարկահաններին, և իրենք գնացին բանակեցին սուրբ Թովմա առաքյալի վանքում: Ու մինչդեռ նրանք այդտեղ էին՝ դրսից աղմուկ-աղաղակ լսեցին, և նրանցից երկու հոգի ձի առան, դուրս ելան ու տեսան, որ մի թուրք մեկին առեանգած գերի էր տանում. հետապնդեցին նրան, և նա գերուն թողնելով՝ փախավ:

Այստեղ մի քիչ մնալով, դիտանոցից տեսան, որ Դավիթ-Բեկը նույնպես գալիս մտնում է քաղաք, նրան ընդառաջ գնացին: Եվ նա իր զինվորներից յուրաքանչյուրին մեկական պատմուճան հագցրեց, և դարձան վերստին բանակեցին սուրբ Թովմայում: Իսկ քաղաքի տղամարդիկ, իրենց սովորության համաձայն, բոլորը գալիս և համբուրում էին Դավիթ-Բեկի ձեռքը: Մեկիք Մուսին, որ քաղաքապետն էր, երբ գալիս ներկայանում է, Դավիթը յուրայիններին հրամայում է՝ «Այս գիշեր հատեցեք Մուսիի գլուխը», որովհետև նա նենգավոր ու խարդախ մարդ էր: Բայց մեկիք Փարսադանը առաջ է գալիս և բարեխոսում նրա համար և մահվան վճիռը փոխել տալիս:

Եվ սրանք տասն օր այդ քաղաքում մնացին, երեք ան-

Եւ մնացեալ սոցա ի քաղաքի անդ, ի միջոցի տասն աւուրց՝ երիցս անգամ յարձակեցան ի վերայ նոցա զօրքն Օսմանցւոց, եւ երիցս խորտակեցան ի քաջամարտիկ զօրացն Դաւթի:

Յետ այսորիկ արքայն Պարսից հասոյց ի թիկունս Դաւթի զերիս խանս, եւ վերստին դիմեաց Օսմանցին, եւ միւս անգամ խորտակեցաւ եւ ի փախուստ դարձաւ: Եւ այս ամենայն պատահէր նոցա յայն սակս, զի իշխանքն Ագուլեցոց ծածկապէս դաշնադիրք էին ընդ Օսմանցւոց, եւ սոքա ոչ գիտէին:

Ապա յետ երկուց աւուրց եկին հասին բազմութիւն զօրացն Օսմանցւոց, եւ լցին զդաշտն Մարադու, եւ անդ բաժանեցան յերիս առաջս. իսկ որք ընդ Դաւթի էին՝ նոքա եւս յերիս առաջս բաժանեցան. խանքն Պարսից ի մի կողմն, եւ զօրքն Հայոց ի միւս կողմն. իսկ տէր Աւետիսն՝ հանդերձ զօրուն՝ դիպեցաւ ի կողմն Երասխու: Արդ՝ իբրեւ խմբեցան ի պատերազմ, խանքն Պարսից ի փախուստ դարձան յերեսաց Օսմանցւոց, բայց զօրք՝ Հայոց պինդ կացին, հարին սատակեցին զբազումս ի Օսմանցւոց, եւ զայլսն ի փախուստ դարձուցին: Ապա դարձան, զկնի խանիցն պնդեցան, հասին նոցա, (մինչդեռ իախստեալ երթային նոքա ի Թավրէզ), եւ դամենալն զօրս նոցա ի յԱդուլիս դարձուցին: Բայց խանոն փախեան, եւ սոքա գնացին՝ աւար առին զտունս նոցա, եւ զտիկնայս նոցա՝ հանդերձ ութեւտասան աղախնեօք եւ շորս ներբինեօք՝ գերի վարեցին ի Հալի ձոր:

Արդ՝ յետ այսոսիկ իբրեւ երկու աւուրք ի վերայ անցին, արքն Ագուլիսի եւ մելիք Մուսին զթշնամութիւնս եւ զդաւաճանութիւնս իւրեանց յայտ արարին, զի ի մէջ քաղաքին զրոհ տուեալ՝ ի վերայ զօրացն Դաւթի դիմեցին, մինչդեռ ի վանս սրբոյն Թովմայի էին նոքա՝ արտաքոյ քաղաքին, եւ ի քաղաքէ անտի սկսան զհրացանս արձակել ի վերայ նոցուն. այլ սոքա խնայեցին ի նոսա, վասն գոլոյն համազգային, եւ զի ոչ կամէին մտանել յարիւն այնքան քրիստոնէից. վասն զի ի քաղաքի անդ էին անելի քան զտասն հազար տուն Հայոց. ուստի եւ արտաքս մելիք Փարսաղան, եւ ասէ ցարսն քաղաքին. Արք եղբարք, հանդարտ լերուք, մի՛ եւս արձակէք հրացանս, թոյլ տուք զի ելցէ տէրն մեր արտաքս եւ գնասցուք աստի, եւ ձեզ ոչինչ մեղիցուք: Այլ նոքա առաւել եւս վատթար

գամ օսմանցու զորքերը նրանց վրա հարձակվեցին և երեք անգամ խորտակվեցին Դավթի քաջամարտիկ զորքերից:

Դրանից հետո պարսից արքան Դավթին օգնության է ուղարկում երեք խաների, և օսմանցիները վերստին հարձակվելով՝ դարձյալ խորտակվեցին ու փախուստի դիմեցին: Այս ամենը այն պատճառով էր տեղի ունենում, որ ագուլեցոց իշխանները գաղտնապես դաշնակից էին օսմանցիների հետ, իսկ սրանք չգիտեին:

Երկու օր անց եկավ հասավ օսմանցիների զորքի բաղմությունը և լցրեց Մարաղու դաշտը: Այնտեղ բաժանվեցին երեք մասին: Իսկ ովքեր Դավթի հետ էին՝ նույնպես երեք մասի բաժանվեցին. պարսից խաները մի կողմը, հայոց զորքը մյուս կողմը, իսկ տեր Ավետիսը իր զորքով գնաց Երասխի կողմը: Երբ խմբվեցին պատերազմելու, պարսից խաները փախան օսմանցիներից, բայց հայոց զորքերը հաստատ մնացին, խփեցին, սատակեցին օսմանցիներից շատերին, իսկ ուրիշներին փախուստի մատնեցին: Ապա դարձան հետապնդեցին խաներին, հասան նրանց (մինչ նրանք Թավրիզ էին փախչում) և նրանց ամբողջ զորքը Աղուլիս վերադարձրին: Բայց խաները փախան, իսկ սրանք գնացին ավար առան նրանց տները, նրանց տիկնանց՝ տասնութ աղախնով ու չորս ներքինիներով, գերեվարեցին Հալիձոր:

Սրանից հետո մոտ երկու օր ևս անցավ Աղուլիսի տուրմարդիկ և մելիք Մուսին ի հայտ բերին իրենց թշնամանքն ու դավաճանությունը, քանի որ քաղաքի մեջ գրոհ տալով հարձակվեցին Դավթի զորքերի վրա: Մինչդեռ նրանք սուրբ Թովմայի վանքում էին, քաղաքից դուրս, [դավադիրներն] սկսեցին քաղաքից հրազենով գնդակոծել նրանց: Բայց իրենք խնայեցին նրանց՝ համազգի լինելու պատճառով և, քանի որ չէին ցանկանում այնքան քրիստոնյաների արյուն հեղել, որովհետև այն քաղաքում կար ավելի քան տասը հազար տուն հայ, ուստի մելիք Փարսադանը դուրս եկավ և ասաց քաղաքի մարդկանց. «Երբայրեն՛ր, հանգիստ եղեք, հրաքան մի կրակեք, թույլ տվեք, որ մեր տերը դուրս դա, գնանք այստեղից և ձեր դեմ մեղք չգործենք»: Բայց ագուլեցիք առավել

գոլով, հարին եւ անդէն զմիջնորդն խաղաղութեան մինչդեռ խաղաղութեան բանս բարբառէր՝ սպանին զնա, որ եւ զտէրն նոցա զմելիք Մուսին ի մահուանէ ապրեցոյց: Այլ որք ընդ Դաւթի էին, իբրեւ զայն տեսին, գիտացին զի վճարեալ էր այնուհետեւ շարութիւն նոցա. քակեցին զմի կողմն պարսպի վանապն եւ անտի շուեցին գնացին եւ ի գիւղ մի Թուրքաց հասին, եւ գտին անդ զբազում ինչս Ազուլեցւոց՝ զձիս, զշորիս եւ զհազար երեք հարիւր ոչխարս սպանդանոցի, եւ զայլ ինչս նոցա անտի առին եւ գնացին ի Մեղրի:

Եւ յետ երկուց աւուրց՝ զօրականքն Դաւթի միւսանգամ ի յԱզուլիս արշաւեցին եւ եկին՝ որ ինչ էր նոցա արտաքոյ քաղաքին՝ զամենայն առին, եւ մօտեալք ի քաղաքն՝ յերկուց կողմանց հուր արկին, զի թերեւս ելցեն արտաքս առ ի մարտընչիլ, զի ոչ կարէին հանդուրժել շարեացն եւ դաւուն՝ զոր նոքա արարին: Եւ իբրեւ ոչ ելին արտաքս առ նոսա, առին զաւարն եւ գնացին ի Մեղրի, եւ անտի դարձան ի Հալի ձոր եւ անդ օթեւանս կալան:

Եւ յաւուրսն յայնոսիկ՝ Դաւիթ Պէկն առաքէ զտէր Աւետիսն առ զօրականսն որք էին ի Չավնդուր, եւ նոքա մերժեն զԴաւիթ եւ ոչ ընդունին զբանս նորա: Եւ նա դառնայ զայ առ Դաւիթ եւ զապստամբութիւն նոցա յայտ առնէ նմա, եւ թէ որպէս կացուցեալք են ի վերայ ինքեանց զոստիկանս Օսմանցւոց: Յայնժամ հրաման տայ Դաւիթ շորեքտասան զօրագլխաց իւրոց երթալ կալնուլ եւ զնոսա կապեալս առ ինքն ածել. եւ ելին կազմեցան պատրաստեցան, ձի հեծան եւ գնացին հասին, հարին զնոսա, եւ կալան կապեցին զզօրավարսն եւ զՕսմանցի ոստիկան նոցա, եւ ածին կացուցին զնոսա ի Հալի ձոր առաջի Դաւթի: Եւ իբրեւ յանդիման եղեն նոքա, յառաջ մատուցեալ աղաչէին, երդմունս եւ դաշինս դնէին եւ ասէին. Այսուհետեւ քեզ հնազանդիմք մինչեւ ցմահ: Եւ հաւատացեալ Դաւթի՝ արձակեաց զնոսա ի կապանաց, եւ զերկու զօրավարս առ ինքն եթող, եւ զայլան ետ ի ձեռս տէր Աւետիսին, զի լինիցին ի ներքոյ հրամանաց նորա: Եւ նորա առեալ զնոսա ի Չավնդուրն, եւ արձակէ զիւրաքանչիւրն ի տունս իւրեանց:

Եւ յետ այսորիկ Բաթալի խանն եւ զօրքն Օսմանցւոց, ի գիշերի միում գան եւ հարկանեն զերիս գիւղս Հայոց, եւ կալեալ զերիս զօրապետս՝ ածեն ի Պարկուշատ: Եւ իբրեւ զայն

վատթար լինելով, խփեցին նաև խաղաղության միջնորդին՝ մինչդեռ հաշտության խոսքեր էր ասում, սպանեցին նրան, որ իրենց տիրոջը՝ մելիք Մուսիին մահից փրկել էր: Իսկ ովքեր Դավթի հետ էին, երբ այդ տեսան, հասկացան, որ այլևս վերջացել էր նրանց շարությունը, քանդեցին վանքի պարսույի մի կողմը և այնտեղից դուրս ելան, գնացին և հասան թուրքերի մի գյուղ և այնտեղ դտան ագուլեցոց գույքը՝ ձի, ջորի, հազար երեք հարյուր սպանդանոցի ոչխար և այլ բաներ, վերցրին այնտեղից ու գնացին Մեղրի:

Երկու օր հետո Դավթի զորականները կրկին Ագուլիս արշավեցին և եկան, մոտեցան քաղաքին, երկու կողմից կրակ տվին, որ գուցե ելնեն մարտնչելու, որովհետև չէին կարող հանդուրժել դավն ու շարիքը, որ գործեցին նրանք: Եվ երբ դուրս չեկան, վերցրին ավարը և գնացին Մեղրի, ապա դարձան Հալիձոր ու այնտեղ օթևանեցին:

Եվ այն օրերին Դավիթ-Բեկը տեր Ավետիսին ուղարկում է Չավնդուրում գտնվող զորականների մոտ, իսկ նրանք մերժում են Դավթին և չեն ընդունում նրա առաջարկը: Եվ նա վերադառնում է Դավթի մոտ ու նրանց անհնազանդությունը հայտնում, և [պատմում], թե ինչպես իրենց վրա օսմանցի ոստիկան են կարգել: Այնժամ Դավիթն իր տասնչորս զորավարներին հրամայում է գնալ բռնել նրանց և կապկաթ իր մոտ բերել: Եվ ելան պատրաստվեցին, ձի հեծնեցին ու դնացին հասան, հարվածեցին նրանց և բռնեցին, կապեցին նրանց զորավարներին ու օսմանցի զորականին և բերին հասցրին նրանց Դավթի մոտ՝ Հալիձոր: Եվ երբ գերվածները ներկայացվեցին՝ առաջ գալով աղաչում, երդվում ու խոստանում էին, ասելով. «Այսուհետև քեզ կհնազանդվենք մինչև մահ»: Եվ Դավիթը հավատաց, արձակեց նրանց կապանքները, և երկու զորավարի իր մոտ թողեց, իսկ մյուսներին տվեց տեր Ավետիսի ձեռքը, որ լինեն նրա հրամանի ներքո: Եվ նա տանելով նրանց Չավնդուր, յուրաքանչյուրին արձակեց իր տունը:

Սրանից հետո Բաթալի խանն ու օսմանցոց զորքերը մի գիշեր գալիս և հարվածում են հայոց երեք գյուղեր, բռնում երեք զորավարի, տանում Պարկուշատ: Եվ երբ այդ լսեց տեր

լսէր տէր Աւետիսն՝ վաղվաղակի զգօրսն ժողովէր, եւ յետ երկուց աւուրց յերկիրն Պարկուշատայ արշաւէր, եւ գիշերայն ի վերայ հասանէր, հարկանէր զհարուածս մեծամեծս, եւ զերկութուրք զօրապետս ձերբակալ առնէր, եւ զամենայն ինչս եւ զստացուածս նոցա յաւար ածէր ի Չափնդուր:

Եւ եղեւ ի ժամանակի յայնմից հիւանդանալ Դաւթի եւ մեռանել իսկ խաղաղութեամբ ի տան իւրում՝ ի Հալի ձոր, յամի Տեառն 1728ին, եւ ի թուին Հայոց 632է, կեցեալ ամս վեց յիշխանութեան իւրում ի Ղափան:

Արդ՝ իբրեւ վախճանեցաւ Դաւթ Պէկն, զօրականքն միաբանեալք՝ կացուցին ինքեանց իշխան եւ գլուխ զՄխիթար ըսպարապետն Դաւթի: Բայց զի յետոյ եղեն անմիաբանք եւ տարաձայն յիրերաց (որ է քակտիչ եւ ապականիչ ամենայն հասարակութեանց), ուստի զօրացան ի վերայ նոցա Օսմանցիքն. եւ զկնի միոյ ամի՝ հասին պաշարեցին զբերդն Դաւթի բազում զօրօք: Եւ անկաւ խռովութիւն մեծ ի մէջ զօրականացն որք ընդ Մխիթարայ էին՝ ի բերդ անդրր, եւ առաքեցին երկու ոմամբ զտէր Աւետիսն առ փաշայսն Օսմանցուց, խօսիլ զխաղաղութիւն ընդ նոսա: Եւ իբրեւ գնացին առ նոսա, նոքա հաճեցան հաւանեցան, զերդմունս երդուան՝ ամենեւին ոչինչ մեղանչել նոցա, եւ պահեցին առ ինքեանս զտէր Աւետիսն: Եւ սոքա եւս յանձն առին ի վաղիւ անդր բանալ նոցա զբերդին դուռն, եւ ի նմին գիշերի փախեաւ Մխիթարն ի պարսպէ բերդին: Եւ յորժամ այգ եղեւ՝ բացին նոցա զդուռն: Այլ անօրէն զօրքն Օսմանցուց իբրեւ ի ներքս մտին, մերժեցին անարգեցին զերդմունս եւ ըզդաշինս փաշայիցն, եւ զամենայն այր զօրաւոր կոտորեցին եւ զկանայս եւ մանկունս գերի վարեցին, ի մենարանս կուսանացն մտին եւ զամենեսեան գերեցին. ապա զպարիսպս բերդին քանդեցին կործանեցին, հարթ եւ յատակ արարին, եւ առին զկին եւ զորդիսն Մխիթարայ եւ զամենայն որ ինչ էր անդ, եւ թողին գնացին:

Բայց զտէր Աւետիսն փաշայն եթող ի Հալի ձոր: Եւ իբրեւ նոքա շուեցին անտի, այլ զօրք Օսմանցուց անդր հասին, որք իբրեւ կամեցան ունիլ եւ սպանանել զնա, նա փախուցեալ ի նոցանէ՝ անկաւ առ փաշայն, որոյ հրամանաւն առեալ զըտանիւս իւր՝ գնաց բնակեցաւ ի Գաղատիայ: Եւ էառ զնորումն ի սրբազան Հայրապետէն Հռօմայ:

Ավետիսը, շտապ ղորք հավաքեց և երկու օր հետո արշավեց Պարկուշատի երկիրը և գիշերով հարձակվեց, մեծամեծ հարվածներ հասցրեց և երկու թուրք զորապետի ձերբակալեց և նրանց ամբողջ ինչքն ու ստացվածքը ավար տարավ Չավընդուր:

Եվ պատահեց այն ժամանակ, որ Դավիթը հիվանդացավ և մահացավ իր տանը՝ Հալիձորում, խաղաղ պայմաններում, Տիրոջ 1728 և հայոց 1177 թվականին, Ղափանում իշխելով վեց տարի:

Արդ, Դավիթ-Բեկի վախճանվելուց հետո զորականները միաբանեցին, իշխանաց իշխան և գլխավոր կարգեցին Դավթի սպարապետ Մխիթարին: Բայց քանի որ հետո անմիաբան և տարաձայն եղան (որ ամեն մի հասարակության քակտիչ ու ապականող է), ուստի օսմանցիներն ուժեղացան նրանցից և մեկ տարի անց մեծաթիվ զորքով հասան պաշարեցին Դավթի բերդը: Եվ մեծ խռովություն ընկավ [այն] զորականների մեջ, որ Մխիթարի հետ էին՝ ամրոցում, և տեր Ավետիսին ևս երկու հոգու հետ ուղարկեցին օսմանցոց փաշայի մոտ՝ նրանց հետ խաղաղության բանակցություններ վարելու: Եվ երբ գնացին նրանց մոտ՝ նրանք հաճեցին-հավանեցին, երգվեցին բնավ չմեղանչել նրանց դեմ, և իրենց մոտ պահեցին տեր Ավետիսին: Սրանք նույնպես պարտավորվեցին հաջորդ օրը նրանց առջև բանալ բերդի դուռը, և այն փշեր Մխիթարը փախավ բերդի պարսպից: Երբ լուսացավ՝ դուռը բացին նրանց առջև: Բայց օսմանցոց անօրին զորքերը երբ ներս մտան՝ մերժելով անարգեցին փաշաների երդումներն ու դաշինքը և բոլոր զորավոր մարդկանց կոտորեցին, իսկ կանանց ու մանուկներին գերեվարեցին, մտան կուսակրոնների մենարանները և բոլորին գերեցին: Ապա բերդի պարիսպները քանդեցին-ավերեցին, դարձրին հողին հավասար և առան Մխիթարի կնոջն ու որդիներին և ամեն ինչ, որ կար այնտեղ, և թողին հեռացան:

Բայց փաշան տեր Ավետիսին թողեց Հալիձորում: Եվ երբ նրանք գնացին այնտեղից, օսմանցոց ուրիշ զորքեր հասան այնտեղ, որոնք երբ կամեցան բռնել և սպանել նրան՝ նա փախավ նրանցից, գնաց փաշայի մոտ, որի հրամանով վերցնելով իր ընտանիքը՝ գնաց բնակվեց Գաղատիայում: Եվ Հոռմի սրբազան հայրապետից ներումն ստացավ:

Այլ Մխիթարն փախուցեալ ի նոցանէ՝ երթայր վերստին զօրաժողով լինէր ի Հայոց եւ ի Թուրքաց, զզօրսն Օսմանցւոցն խորտակէր եւ առնոյր զվրէժ ի նոցանէ. զբազում ամուրս եւ զքաղաքս ի նոցանէ թափէր, եւ երթայր զՈւրդուար քաղաք պաշարէր, եւ իբրեւ զբռամբ ածէր զայն ի նոցանէ՝ զամենեւեան ի սուր սուսերի սատակէր, եւ զաւար բազում առնոյր ի նոցանէ, եւ զհարիւր վաթսուն բեռինս ուղտուց: Եւ անտի դարձ առնէր եւ երթայր ժամանակ ինչ ի մեծ բերդն Խնժորէսք բնակէր, եւ անդ յիւրոցն հարեալ թօփով՝ մեռանէր յամի Տեառն 1730, յետ երկուց ամաց իշխելոյն: Զի նա յորմէ հետէ ի Խնժորէսք բնակէր. ասէին ցնա հայ բնակիչքն. Ե՛լ գնա աստի ի յամուրն քո. եւ նա ոչ լսէր նոցա: Ուստի յաւուր միում հարին զնա ի պարսպէն եւ սպանին, եւ հատեալ զգլուխ նորա՝ առին գնացին ի Թավրէզ, առ փաշայն Օսմանցւոց: Իսկ նա իբրեւ ետես զայն՝ զարմացաւ յոյժ, եւ ի սրտամտութիւն բարկութեան բրդեցաւ ի վերայ այնպիսոյ անզգամութեան նոցա, եւ ասէ. Ո՛վ անօրէնք եւ ամբարիշտք, զիա՞րդ իշխեցիք ի զուր տարապարտուց սպանանել զտէրն ձեր եւ զայդպիսի քաջ այր: Եւ հրամայեաց հատանել զգլուխս ամենեցուն նոցա՝ որք տարան զայն, եւ ըստ արժանեացն՝ հատոյց զհատուցումն նոցա:

Արդ նոքա զայսպիսի մեծ անօրէնութիւնս գործեցին, թերեւ վասն այսորիկ՝ զի մի՛ զկիրս Հալի ձորոյ կրեացին ի յՕսմանցւոցն, որպէս եւ նոքայն կրեցին վասն արգել լինելոյ անդ Մխիթարայ: Իսկ զօրքն ամենեքեան ցրուեցան գնացին, ումանք ի նոցանէ՝ առ իշխանն Գուգարացւոց, եւ այլք՝ յայլուր:

Իսկ Մխիթարը փախչելով նրանցից, գնաց վերստին զորք հավաքեց հայերից ու թուրքերից, օսմանցոց զորքերը խոր-
սակեց և նրանցից վրեժ լուծեց, բազում ամրոցներ ու քա-
ղաքներ նրանցից ազատեց և գնաց Ուրդուար քաղաքը պա-
շարեց, և ում որ նրանցից բռնում էր՝ բոլորին սուր ու սուսե-
րով սատակում էր և նրանցից առնում շատ ավար՝ հարյուր
վաթսուն ուղտաբեռ։ Այնտեղից դարձավ գնաց որոշ ժամա-
նակ բնակվեց Խնժորեսքում, և այնտեղ յուրայինները խփե-
ցին թնդանոթով, և մեռավ Տիրոջ 1730 թվականին, երկու
տարի իշխելուց հետո։ Որովհետև որ օրվանից որ Խնժորես-
քում էր բնակվում, հայ բնակիչները նրան ասում էին. «Այս-
տեղից ել գնա քո ամրոցը», — և նա չէր լսում նրանց։ Ուստի
մի օր խփեցին նրան պարսպից ու սպանեցին և, կտրելով
նրա գլուխը՝ վերցրին գնացին Թավրիզ՝ օսմանցոց փաշայի
մոտ։ Իսկ նա այդ տեսնելով՝ շատ զարմացավ և խիստ զայ-
րացավ նրանց այդպիսի անզգամության պատճառով և ա-
սաց. «Ո՛վ անօրեններ ու ամբարիշտներ, ինչպե՞ս համար-
ձակվեցիք բոլորովին անտեղի սպանել ձեր տիրոջը և այդ-
պիսի քաջ մարդուն»։ Եվ հրամայեց կտրել բոլոր նրանց
գլուխները, ովքեր տարել էին գլուխը, և ըստ արժանավույն
նրանց հատուցեց։

Արդ, նրանք այսպիսի մեծ շարիք գործեցին, թերևս այն
բանի համար, որ օսմանցիներից Հալիձորին եկած պատու-
հասն իրենք ևս չկրեն Մխիթարի՝ այնտեղ հանգրվանելու
պատճառով։ Իսկ բոլոր զորականները ցրվելով գնացին,
նրանցից ոմանք՝ գուգարարոց իշխանի մոտ, մյուսներն այ-
լուր։

ՎԵՐՋԱՐԱՆ

Եւ ի յաւարտ քանիս, ասեմք թէ շա՛ր է արդարեւ եւ դժընգակ՝ անմիաբանութիւնն ընկերաց ի մէջ հասարակութեան, եւ նախադասելն զբարին եւ զօգուտն իւրոյ անձին՝ բարւոյ հասարակութեան իւրոյ: Են յորում հասարակութեան եւ գտանիցի շարս այս, նոյնժամայն եղծէ եւ ապականէ եւ ընդունայնացուցանէ զնոյն | հասարակութիւնն, թէ՛ տուն իցէ, թէ՛ քաղաք, թէ՛ ազգ իցէ, եւ թէ՛ անպարտելի մեծ թագաւորութիւն: Զի՞նչ մեծագոյն քան զկայսերութիւն Մակեդոնացւոց եւ Հռոմայեցւոց, եւ ընդէ՞ր ի սպառ կործանեալ բարձան ի միջոյ. վասն զի պակասեցաւ ի նոցանէ միաբանութիւնն եւ սէրն հասարակութեան, որով զօրացեալ իսկ էին:

Ընդէ՞ր եղեւ եւ կործանումն ազգին մերոյ, երկրին մերոյ եւ թագաւորութեան. վասն զի բարձաւ միաբանութիւնն յիշխանաց եւ ի նախարարաց մերոց: Զի որպէս միաբանութիւնն հոգի է եւ կեանք՝ ամենայն հասարակութեան, նոյնպէս եւ հակառակն սորին, այսինքն անմիաբանութիւնն՝ եղծիչ է եւ սատակիչ ամենայն հասարակութեան: Արդ՝ ողորմեցաւ արդարեւ Աստուած ամենայն տանն Սիսակայ որդւոյն Գեղամայ, յարուցանել նոցա զԴաւիթ եւ զայլ ամենայն որդիս զօրութեանց, որք քաջացան եւ ի բաց վանեցին զամենայն ապականիչ երկրի իւրեանց: Ո՞վ թէ ո՞րպէս զօրացան, ընդդէմ ելին մեծամեծ թագաւորաց եւ ապրեցան եւ անպարտելի մնացին ի նոցանէ՝ գթութեամբ վերին խնամոցն, մինչդեռ էին միաբանք ի միասին: Բայց իբրեւ եհաս առ նոսա ապականիչ ախտս այս անմիաբանութեան, իսկոյն եղծան լուծան քաժանեցան եւ եղեն իբր զչեղեալս: Զի մեռաւ Դաւիթ՝ ի քաջութենէ որոյ սարսէին ամենայն բռնակալք յուսացեալքն

ՎԵՐՋԱՔԱՆ

Եվ խոսքիս ավարտին ասենք, որ արդարև չար է ու դժբընդակ՝ հասարակության մեջ ընկերների անմիաբանությունը և սեփական անձին օգտակարն ու բարին հանրության բարուց վեր դասելը: Ո՛ր հասարակության մեջ ևս լինի այս շարիքը՝ իսկույն եղծում ու ապականում է և անիմաստ է դարձնում տվյալ հասարակությունը՝ լինի ընտանիք թե քաղաք, ազգ լինի թե անպարտելի մեծ թագավորություն: Ինչն էր ավելի մեծ քան Մակեդոնացոց և Հռոմայեցոց կայսրությունները, և ինչո՞ւ իսպառ կործանվելով վերացան. որովհետև նրանց մեջ նվազեցին հասարակաց միաբանությունն ու սերը, որոնցով հենց զորացած էին:

Ինչո՞ւ եղավ նաև մեր ազգի, մեր երկրի և թագավորության կործանումը. որովհետև մեր իշխանների ու նախարարների միջից վերացավ միաբանությունը: Քանի որ ինչպես միաբանությունը ամբողջ հասարակության հոգին ու կյանքն է, նույնպես և սրա հակառակը՝ այսինքն անմիաբանությունը, ամբողջ հասարակության քայքայիչ և կործանող է: Արդ՝ Աստված իսկապես ողորմեց Գեղամի որդի Սիսակի ամբողջ տանը՝ տալով նրանց Դավթին ու մյուս բոլոր զորականներին, որոնք հերոսացան և վտարեցին իրենց երկրի բոլոր ապականիչներին: Օ՛, ի՞նչպես զորացան, ընդդիմացան մեծամեծ թագավորներին և փրկեցին ու չպարտվեցին նրանցից՝ աստվածային խնամոց զթությանմբ, քանի դեռ միաբան էին: Բայց երբ նրանց հասավ անմիաբանության կործանարար այս ախտը՝ իսկույն քայքայվեցին, լուծվեցին, մասնատվեցին և դարձան շեղածի նման: Որովհետև մահացավ Դավիթը, որի քաջությունից դողում էին իրենց ուժին ապավինած բոլոր բռնակալները: Եվ հաջորդեց Միսիթարը, որ առ-

ի զօրութիւնս իւրեանց: Եւ յաջորդեաց Մխիթարն, որ իբր կորին առիւծու գոշեաց ի լերանց Սիւնեաց, եւ ի նմանէ սարսեցան ամենայն գազանք ի մորիս իւրեանց, եւ էջ եւ յափըշտակեաց զյափշտակութիւն ի միջոյ գազանաց, եհար խորտակեաց զեղջիւրս հպարտաց, հատոյց զհատուցումն եօթնապատիկ ի գլուխս թշնամեաց, եւ յամօթ արար զմեծամեծս հեթանոսաց, եւ յաւար էառ զփառս նոցա: Այլ գտան անօրէնք ի մէջ ժողովրդեանն, որք ախտացեալ իսկ էին այսու ժանտախտիւս անմիաբանութեան, ուստի իշխեցին սպանանել զառաջնորդն իւրեանց, եւ մերժել ի հասարակութենէ իւրեանց զողորմութիւնն Աստուծոյ:

յութի կարյունի նման գոշեց Սյունյաց լեռներից, և բոլոր գա-
ղաններն իրենց որջերում սարսեցին նրանից, և իջավ ու գա-
ղանների միջից հափշտակեց (նրանց) զավթած ավարը, խը-
փեց խորտակեց բարձրամիտների գոռոզությունը, յոթնապա-
տիկ հատուցմամբ թշնամիների գլուխներ կտրեց ու ամոթա-
հար թողեց հեթանոսների մեծամեծներին, և ավար առավ
նրանց փառքը: Բայց ժողովրդի մեջ գտնվեցին անօրեններ
(չարագործներ), որ նաև վարակված էին անմիաբանության
այս զաղրելի ախտով, ուստի հանդգնեցին սպանել իրենց
առաջնորդին և հեռացնել իրենց հասարակությունից Աստծու
ողորմածությունը:

Այսոքիկ էին զօրավարք եւ զօրապետքն Դաւիթ Պէկին, մինչ էրն ի Շնհէր. Մխիթարն, մեծ Կորկին, վրացի Յօհաննէսն, Բանդուր Զաքարիա իշխանն, Փոքր Կորկին, Աւդանտել իշխանն, Պայինդուր իշխանն Վրացի (արդ սոքա Վրացի ասին, ըստ որում էին յերկրէն Վրաց, այլ ոչ եթէ էին ի Վրաց ազգէն, վասն զի Դաւիթ եւ ամենայն զօրավարք եւ զօրքն իւր էին ի յազգէ Հայոց), դարձեալ Մատուրն, Ղարակէօզն, Թադէոսն, Եղիազարն, Յարութիւնն եւ այլն, այսքան զօրօք...

Որք ի Շնհեր բանկէին քաջ զօրավարին Դավթի՝ էին այսոքիկ. Պուան զօրապետն, Պակի զօրապետն, Մինասն, Ստեփաննոսն, եւ ընդ նոսա 550 զօր:

Որք ի Տաթեւ՝ էին այսոքիկ. Ղիշին, Այտին, Եսային, Տիրացուն, Սիմէօնն, Արկարն, եւ ընդ նոսա 400 զօր:

Որք ի Զաւնդուր գաւառին՝ էին այսոքիկ. Թորոսն, Վարդանն, Մարսաթան, Նուպարն, Թովմասն, Թուրինջն, Յօհաննէսն, եւ ընդ նոսա 2000 զօր:

Եւ ի Կալեր էր Պապ զօրագլուխն, եւ ընդ նմա 700 զօր: Իսկ Ստեփաննոս Վարդանէսեան, որ ի տանէն Շահումեան, էր սպարապետն եւ տեղեկալն Պապայ, եւ էր սիրելի յաշս Դաւթի, վասն իւրոյ քաջութեան եւ ազնուականութեանն. ուստի ետ նմա յետոյ նաեւ զիշխանութիւն եւ զկալուածս երից Մելիքաց:

Եւ ի Մեղրի էին այսոքիկ զօրավարք. այսինքն՝ Կոստանդին, Յօհաննէսն, Սարին, Առաքելն, եւ ընդ նոսա 400 զօր: Սոքա զդէմ կալան ութուտասան հազար զօրացն ի յամուր աւանն Մեղրեայ, եւ ի գիշերի միում սակաւութի վերայ յարձակեցան ութուտասան հազարացն, եւ ետուն նոցա զմեծամեծ հարուածս:

Յետ այսորիկ որդիքն Մաղաշուղին եւ Տիւէնչի մականուանելոյն էին, չորեք հարիւր արամբք:

Զօրավարն Սիսանայ՝ հինգ հարիւրով:

Մէլիք Ղուշուն՝ երկու հարիւրով:

Աւշար Երէցն, որ եւ կոշի տէր Գասպար, երկերիւր յիսնաւ: Ատոմ զօրավարն Պաղաբերդուն՝ հարիւր յիսնաւ:

Ղազար զօրավարն Կուլբերդին՝ հարիւր տասամբ:

Սարգիս զօրավարն Շիվանու ձորոյն՝ երկերիւր յիսնաւ:

Մելիք Փարսաղան ի Հալի ձոր՝ երկրին՝ երկերիւր յիսնաւ:

ԴԱՎԹԻ ԶՈՐԱՎԱՐՆԵՐԻ ՈՒ ԶՈՐՔԵՐԻ ԱՆՈՒՆՆԵՐԸ

Սրանք էին Դավիթ-Բեկի զորավարներն ու զորապետերը, երբ Շենհեր ամրոցում էր. Մխիթարը, մեծ Դորգին, րացի Հովհաննեսը, Բանդուր Զաքարիա իշխանը, Պայինտուր րացի իշխանը (սրանք վրացի են կոչվում, որովհետև վրաց լրկրից էին, ոչ թե նրանց ազգից. քանի որ Դավիթն ու իր տղոր զորավարները հայոց ազգից էին, լուսավորչական), արծյալ Սատուրը, Ղարակոզը, Թադևոսը, Եղիազարը, Հատվյունը և այլք, այսքան զորքով:

Դավթի՝ Շենհերում բնակվող քաջ զորավարները սրանք ին. Պուան զորապետը, Պակի զորապետը, Մինասը, Ստեփատսը, և նրանց հետ 550 զորք:

Ովքեր Տաթևում էին՝ Ղիջին, Այտինը, Եսային, Տիրացուն, Սիմեոնը, Աբգարը, նրանց հետ՝ 400 զորք:

Եվ մեկիք Փարսաղանը Հալիձոր երկրում էր 250 մարդով:

Զավնդուր գավառում էին այս զորավարները. Թորոսը, Նուբարը, Վարդանը, Մարսաթանը, Թովմասը, Թուրինջը, Հովհաննեսը և նրանց հետ 2000 զորք:

Կալերում էր Պապ զորագլուխը և նրա հետ 700 զորք:

Իսկ Ստեփանոս Վարդանեսյանը, որ Շահումյան տնից էր, Պապի տեղակալն ու սպարապետը և սիրելի էր Դավթի աչքում՝ իր քաջության ու ազնվականության պատճառով, ուստի և Դավիթը նրան տվեց իշխանությունն ու երեք մեկիքների կալվածները:

Եվ Մեղրիում էին այս զորավարները. այսինքն, Կոստանդինը, Հովհաննեսը, Սարին, Առաքելը և նրանց հետ 400 զորք: Սրանք դիմագրավեցին տասնութ հազարանոց զորքին Մեղրի բերդավանում և մի գիշեր քշվորով հարձակվեցին տասնութ հազարի վրա ու նրանց զորեղ հարվածներ հասցրին:

Սրանց հետ՝ Մաղաջուղի և Տիլենչի մականվանյալի որդիները 400 հոգով էին:

Սիսական զորավարը 500 հոգով էր:

Մելիք-Ղուշուն՝ 200-ով:

Ավշար էրեցը, որ կոչվում է նաև տեր Գասպար, 250 մարդով:

Բաղաբերդի Ադամ զորավարը 150 մարդով էր:

Կուլբերդի Ղազար զորավարը 110 մարդով էր:

Շիվանիձորի Սարգիս զորավարը՝ 250 մարդով:

Մելիք Փարսաղանը Հալիձոր երկրի՝ 250-ով:

Եւ տէր Աւետիսն ի նոյն Հալիձոր՝ շորեք հարիւր վաթսուն եւ ութն արամբ:

Այս տէր Աւետիս արար զբազում մեծամեծ քաջութիւնս, որպէս եւ ի պատմութեանս իսկ տեսանի, զի էր կարի քաջ եւ արիասիրտ եւ զօրաւոր յոյժ՝ բանիւք եւ գործովք. եւ վասն այսորիկ նա յորմէ հետէ հեռացեալ ի հայրենի երկրէն պանդրխտեղաւ ի Գաղատիայ, բազումք յորդորէին զնա ի հայրենի նորին գաւառէ՝ անդրէն դառնալ առ նոսա եւ պաշտպանել զերկիրն զայն. բայց նա հրաժարէր յաղագս պատուոյ իւրոյ քահանայական կարգին:

Եվ տե՛ր Ավետիսը նույն Հալիձորում՝ 468 մարդով:
Եւ տե՛ր Ավետիսը բազում մեծ սխրանքներ գործեց, ինչպես
Խաւմուժյան մեջ ևս երևում է. շատ քաջ էր ու արիասիրտ, և
սոսքով հույժ զորավոր, և գործով, և սրա համար, երբ նա
Խոանալով հայրենի երկրից պանդխտեց Գաղատիայում, շա-
տերը նրա հայրենի գավառից հորդորում էին վերադառնալ ի-
րենց մոտ և պաշտպան կանգնել երկրին: Բայց նա հրաժար-
ւում էր՝ քահանայական կարգի պատվին:

ՅԱԻԵԼՈՒԱԾ

ՊԱՏՄՈՒԹԻՒՆ ՂԱՓԱՆՑԻՈՑ

Մ Ա Ս Ն Ա Ռ Ա Ջ Ի Ն
(Պատում Ստեփան Շահումեանի)

Թէ ՈՐՊԷՍ Ի ՎՏԱՐԻԼ ԹԱԳԱԻՈՐՈՒԹԵԱՆՆ ՊԱՐՍԻՑ
ՀԱՅՔՆ ԽԱՓԱՆՈՒ Ի ԿՈՒԻ ԵԼԻՆ

Զկնի խմբելոյն Աղուանից ի վերայ Պարսից շահ Հուսէի-
նին եւ սատակելոյ զնա, եւ զաթոռ թագաւորութեանն յափը-
տակելոյ, որ եղեւ 1170 թուականին Հայոց [=1721], ի ժա-
մանակի յորժամ Լակզի թաթարքն ի յերկիրն Պարսից ի կող-
մանս Հայոց եւ Աղուանից արշաւեցին եւ զգիւղորէսն Գանջու
եւ Շամախու ասպատակեալ յաւար առին, որք եւ զԱղուլեցին
ի Մասուբէկեան տոհմէ զիշխանն Շամախու սպանին, եւ հա-
մենայն զօրաւոր դիմակեացսն սատակեցին, եւ զժողովուր-
դըս երկրին եւ զկանայս եւ զմանկունս գերի վարեցին: Զո-
րոց մի ըստ միոջէ այժմ յայսմիկ վայրի շունիմք պատմել:
Եւ կամ թէ զիա՛րդ զայսչափ շարիս տեսեալ Հայոց Դուզախ
գաւառի, ընդդէմ ելին նոցա ի բաց վանել, գունդ կազմեցին,
զզէն զգեցան, պատրաստեցան ի պատերազմ, ճակատեցան
առ Թարթար գետովն՝ ընդդէմ ամենայն յարձակելոցն յաս-
պատակութիւն երկրին իւրեանց. այսինքն՝ թէ՛ Լէկզի թա-
թարին եւ թէ՛ Պարսից: Զայսոսիկ զամենեսեան յայսմ վայրի
ոչ ունիմք գրել. այլ միայն զխմբելոյն Հայոց յեօթնաբերդ
գաւառին Խափանու եղելոց ձեռն արկանեմք պատմել:

Յամին 1171 հայկազեանս թուականի [=1722], յորժամ
յուան բնակիչք եօթնաբերդեան գաւառին Խափանու զասպա-
տակն եւ զաւերումն Գանջու եւ Շամախու, Հայք եւ Պարսիկ
առ հասարակ խռովեցան եւ զահի հարեալ սասանեալ | տագ-
նապէին, եւ իբրեւ ամիսս երկուս եւ երիս առ միմեանս երթ-

եկս առնել ի միմեանց կասկածէին: Քանզի զանձինս իւ-
եանց առ հասարակ ի խնամոց ընդհանրական ընտանի
նամակալութեան բոլորովիմբ լքեալ: Եւ լուծեալս տեսա-
էին, եւ վասն այսորիկ քաղաք ի քաղաքէ, ազգ յազգէ՝ եւ
շխան յիշխանէ զկասկածանս թշնամութեան կրեալ տագ-
ապէին, որպէս եւ գրեալ է՝ թէ «Յաւուրսն յայնոսիկ ոչ
ոյր թագաւոր Իսրայելի, եւ ոյր իւրաքանչիւր զհաճոյս ա-
աց իւրոց առնէր»: Սոյնպիսի աղէտս շարեաց եւ սոքա կրէին:

Ի սոյն աւուրս դառնութեան սասանութեան, Ստեփանոս
սնուամբ ոմն ի կողմանցն Կալերու վանքեցի, ի Հայոց ազգէ,
նորհուրդ ի մտի դնէր անցանել ի Սիւնեաց գաւառն եւ գնալ
հասանիլ յաշխարհն Վրաց ի Մցխիթ քաղաք, առ Շահնաւուզ
իշխանն Վրաց, եւ խնդրել ի նմանէ զայր մի տալ խափանու
ի զօրագլուխ, եւ հրաման տալ նմա զօրաժողով լինելոյ, եւ
զերկիրն ի թշնամեաց պահպանելոյ. զի զայս ոչ ոք ի սոս-
կականացն իւրովի առնել համարձակէր. եւ եթէ առնիցէր ոք,
իբրեւ ապստամբեալ ի տէրութենէ՝ ի բաց մերժիւր ի ժողո-
վրդեանէն: Այլ իշխանն Վրաց մեծ էր, եւ զայսպիսի զօրագլու-
խ յորով մարթասցի զհայցուածն իւր առաջի իշխանին արժա-
նաւոր ցուցանել, խորհեցաւ սուտ գիրս յանուն յիսուն արանց
տանուտերանց խափանու յօրինել եւ ըստ նմանութեան իւրա-
քանչիւր կնքոց նոցա զկնիքսն քանդակել, եւ զայն գիրն նո-
քօք կնքեալ հաստատել: Եւ զօրութիւն բանից հայցուածոց
հրովարտակին՝ այսպիսի ինչ էր. Տո՛ւր մեզ զայր մի՝ լինիլ
զօրագլուխ, որպէս զի քոյին հրամանաւ լիցի մեզ այս օրի-
նաւոր, եւ մեր զզօրսն հոգամբ պատրաստել, եւ նոքօք ըզ-
գաւառն մեր ի թշնամեաց աներկեւան առնել: Եւ գնաց Ստե-
փանոս եւ եհաս ի Մցխիթ քաղաք, յանդիման եղեւ իշխանին
Վրաց, եւ գոյժ տուեալ նմա յաղագս նախայիշատակեալ քա-
ղաքացն՝ պատմեաց նմա զամենայն վտանգս եւ զխռովու-
թիւնս, եւ զահն եւ զերկիւղ ժողովրդեանն խափանու, եւ մա-
տոյց նմա զհրովարտակն զոր արարեալ էր յանուն տանու-
տերանցն: Հաճոյ թուեցաւ իշխանին հայցուածն իւր, զոր յա-
նուն նոցա հայցէր:

Եւ ետ զԴաւութ Պէկն, որ ի յազգէն Հայոց, երկու հազար
արամբ, եւ զիշխանութիւն ետ նմա զզօրս գումարել եւ պահել
զերկիրն խափանու:

Եւ ել նա յերեսաց իշխանին Վրաց եւ գնաց ժողովեաց իւր զօրս երկու հազար սպառազինաց եւ զքսան հարիւրապետս (որոց անուանքն են այսորիկ, Ավթանդել, Կեօրկի, Կեօրկի փոքր կոչեցեալ, Մատուր, Ղարակեօզ, Թաթոս, Եղիազար, Յարութիւն, եւ այլն, եւ Ստեփանոս ընդ նոսա), եւ եկն եմուտ նոքօք ի գաւառն Սիսնեաց: Ազդ եղեւ գաւառապետին նախիջեւանու՝ եթէ Դաւութ Պէկն երթայ ի Խափան, զօրաժողով ինիւ անդ: Եւ նա երկոտասան հազարաւ ի վերայ Դաւութ Պէկին: Իսկ նա իբրեւ լուաւ զայս, հրաման ետ զօրս ժողովել ի տանէն Սիսանայ, եւ ժողովեալ խմբեցին զչորս հազարս արանց, եւ զառաջին երկու հազարսն յաւելեալ ի նոսա՝ եղեն վեց հազար վառեալք ի պատերազմ, եւ նոքօք հանդերձ ճակատեցաւ ի վերայ նախիջեւանու գետոյն՝ ընդդէմ Խանին: Արդ՝ իբրեւ բախեցան ընդ միմեանս, զօրքն Խանին ի փախուստ դարձան, եւ սոքա զկնի նոցա պնդեալ փախստեայս տանէին ի 18 ժամէ աւուրն մինչեւ ց21 ժամն վանեցին: Եւ ի 22 ժամուն փախստեայքն ամենեքեան ի միասին հաւաքեցան ի կրունկս ընդդէմ Հայոցն դարձան: Իսկ Հայքն փախստեայք եղեն ի նոցանէ մինչեւ ի գետափն. 2200 մարդ գետակուր եղեն. իսկ Դաւիթ Պէկն, Ավթանտէլն, եւ երկոքեան Կօրկիքն ամրացան ի վէմ մի յափն գետոյն, եւ անտի մինչեւ ց2 ժամ գիշերոյն հասին ի Սիսան, եւ ամենայն զերծեալքն ի փախստէից ժողովեցան ի վերայ Դաւութ Պէկին: Եւ անտի եկին յերկիրն Տաթեւ, եւ զզօրսն ժողովեալ առ ինքն՝ նստաւ ի Վանս:

Եւ իբրեւ լուան բնակիչքն Չաւնդրու զգալն Դաւիթ Պէկին՝ դիմեցին առ նա, եւ զառաջինն դիմեաց Թորոսն, որ բնակէր ի Խորձոր, զալ եւ առնուլ ի նմանէ զիշխանութիւն զօրապետութեան. եւ գնացեալ ի Չաւնդուր՝ ժողովեաց զարսն տեղւոյն առ ինքն. մնաց անդ:

Յետ այսորիկ աւուրքն աւուրք գարնանային, եւ եկն հօտ մի ոշխարաց Սուլտանին, յորում էին 2000 ոշխար եւ 12 հովիւ, արածիլ ի յարտորայս նոցա. եւ զայս իբրեւ լուաւ Թորոս հարիւրապետն՝ վաղվաղակի առաքեաց զարս, եւ կոտորեցին զհովիւսն եւ առին զամենայն հօտն: Արդ՝ զայս իբրեւ

¹ Այս եւ յաջորդ հինգ տողերը աւելի ուշ գրուած, տարբեր գրով, յետոյ առանձին թուղթով փակցուած են բնագրին մէջ: Այդ պատճառով թերեւս գրուած է Դաւիթ եւ ոչ թէ Տաւութ, կամ Դորոս՝ փոխան Թորոսի:

լուա Պարկուշատու Փաթալի Սուլտանն եւ իւր եղբայրն Ա-
ղասի Սուլտանն, թէ Հայքն Չափունդուրեան ապստամբեալ են
ի Թուրքաց եւ կոտորեալք են զնոսա, գրեաց վաղվաղակի ի
Լեազ Մանաճիր օղլի Սափի Ղուլոյն այսպէս, թե այսինչ օր
երկոտասան հազարու ելանեմ ես ի վերայ Հայոց, դու եւս
առ ընդ քեզ զամենայն զօրս Տաճկաց որք են ի Կենաուզն, եւ
դու այդի եւ ես աստի ելցուք ի վերայ Հայոց եւ ջնջեսցուք
զնոսա ի միջոյ։ Այլ Սափի Ղուլին ոչ էառ յանձն. եւ ել Փաթա-
լի Խանն երկոտասան հազարաւ ի վերայ Չափունդուրին. իսկ
նոքա առաքեցին յառաջագոյն ի Կամնադրոյ ի յիշկերտոյ 150
սպառազէն, կալնուլ զկիրճս ճանապարհին, զի էր անտառա-
խիտ յոյժ, եւ դարան մտին նոցա անդ։ Արդ՝ զօրքն Թուրքաց
իբրեւ հասին անդր, զօրքն Հայոց արձակեցին ի վերայ նո-
ցա զհրացանս՝ մինչեւ ի դարձուցանել զնոսա ի կրունկս. եւ
իբրեւ դարձան նոքա, սոքա պնդեցան զկնի եւ կոտորեցին ի
նոցանէ շորս հազար այր, եւ մնացեալքն փախեան ի Պարկու-
շատ։ Բայց հետեւեալ աւուրն, եւ Լեվազ Սափի Ղուլին 300
սպառազէն արամբ, եւ եկն նենգութեամբ ի յԱփկու վանքն,
եւ գրեաց Իքաց իշխանացն՝ զի եւ նոքա եկեսցեն, որպէս զի-
զՄանլեւ եւ զամենայն գիւղորայս Հայոց, որք են անդ, աւե-
րեսցեն. եւ ոչ կամեցաւ Միրզասայիլն։ Այլ զայս ամենայն
իմացեալ արքն Մանլեւու, առաքեցին արս ի Չափունդուրն եւ
ասեն՝ թէ ել Սափի Ղուլին եւ զայս ինչ եւ զայս ինչ խորհե-
ցաւ առնել։

Յայնժամ եւ անտի \ Թորոս Պէկն՝ հինգ հարիւր արամբ՝
ի գիշերի, եւ ի յառաւօտուն պահու յերեքտասաներորդ ժամու
եհաս ի յԱփկիս. եւ զայն տեսեալ Սափի Ղուլոյն՝ փախեաւ ի
նմանէ, եւ նա պնդեցաւ զկնի նոցա եւ եհար ի նոցանէ 80
այր. եւ ի ժամանակին յայնմիկ սոքա հարին կոտորեցին զե-
րիս զիւղս Թուրքաց եւ առին զամենայն ինչս նոցա եւ դարձան
ի Մանլեւ։ Արդ՝ իբրեւ լուր եղեւ բանս այս ի Քիս, ժողովե-
ցան ամենայն արք տեղոյն այնորիկ ի միասին եւ եկին ար-
տաքս. եւ էջ առ նոսա Թորոսն ի զխոյ Մանլեւին, եւ հարեալ
ի դիմի՝ կոտորեաց ի նոցանէ զբազումս, եւ այլքն փախեան ի
Քիս. եւ նոքա զամենայն զկին եւ զորդիս իւրեանց հաւա-
քեալ էին ի վերայ բարձրագոյն ինչ գագաթան մերձ ի շէնն.
հրամայեաց Թորոս զօրացն ոչ պնդիլ զկնի նոցա, այլ երթալ
հարկանել զքաղաքս նոցա, եւ առնուլ յաւարի զամենայն

ստացուածս նոցա, եւ զտունս նոցա այրել. եւ իբրեւ կատարեցին՝ դարձան անդրէն ի Մանլեւ, եւ երեք օր հանգեան անդ: Եւ կոչեալ առ ինքն զՊապ Կալեբեցի՝ զորդին Սրապիոնի, կացոյց զնա կառավար ի վերայ երկրին Կենայուզոյ, եւ ինքն դարձաւ ի Զաւունդուրն: Իսկ Պապայ գնացեալ անդ՝ զօրաժողով եղեւ, եւ եկն ի Կալերս: Բայց վերոյ ասացեալ Սափի Ղուլին ի Լեւազու ձորն, որքան Թուրքի գիւղորայք գոյին, առեալ փախեաւ ի յՈւրդուվար, եւ մնաց միայն շորս գիւղ Թուրքաց. եւ զերիս դիւղսն՝ այսինքն Դամալի, Շրդի եւ Պիրենայ, ի յԱրձաւաքարէն, հրամանաւ Պապայ զօրապետին: Հաւաքեցին ի Կալերն, եւ զնոսա ի մեծէն մինչեւ ի փոքր կոտորեցին, եւ զբոլոր ինչս նոցա առին եւ մնաց մի միայն թաղ՝ յորում էր 60 տուն. նոքա աղաղակ բարձին առ սոսա՝ թէ մեք հնազանդիմք ձեզ. եւ խնայեցին ի նոսա:

Յետ այսորիկ իբրեւ երկու ամիս ի վերայ անցին, եւ Սափի Ղուլին 500 արամբ ի յՈւրդուվարէն, եւ գիշերայն եկն ի Սայիպուն եւ եհար զերկուս դիւղս: Հայոց, դարսն կոտորեաց եւ զկին եւ զորդիս նոցա վարեաց ի դերութիւն, եւ զինչս նոցա: Զայս իբրեւ լուաւ Դաւութ Պէկն, կոչեաց զմի ոմն ի հարիւրապետացն՝ որոյ անունն էր Մխիթար, եւ առաքեաց զնա եւ զզօրս նորա ի վերայ նոյն մնացեալ 60 տանն Թուրքաց. եւ նոքա եկեալ զամենեւեան զնոսա ի տունս իւրեանս իբրեւ զոչխար մորթեցին, եւ առին զինչս նոցա. եւ անտի գնացին ի յանապատն Հալի ձորոյ, եւ տեսին զի այն պարսպեալ էր եւ ամուրս կանգնեալ. հրամայեաց եւ Պապայ հազարապետին զնալ ի ձորն Լեւազու, զի որքան Թուրք իցեն մնացեալ անդր՝ կոտորեսցեն, եւ Պապ հազարապետն, 1500 այր ընդ նմա, եւ եկին ի Լեւազու ձորն եւ ոչ զօք գտին անդր ի Թուրքաց, զի սակաւ ոմանք մնացեալ էին, եւ նոքա եւս փախուցելս անկան ի յՈւրդուվարն: Իսկ Պապ քննեաց եւ եգիտ անդ զբազում ինչս եւ զստացուածս, եւ առաքեաց զայնս ի Զուվաշու եկեղեցին, եւ կացոյց անդ պահապանս, եւ ինքն խաղաց շնաց ի Վայրիվարու գիւղորայսն Հայոց եւ թէ՛ ի սոցանէ եւ թէ՛ ի Լեւազու զբազում ինչս եհան. եւ ի նոսա եգիտ գերիս¹ տունս Թուրքացեալս, եւ կոտորեաց զնոսա, եւ էառ զինչս նոցա եւ առաքեաց զնոսա ի Զուվար, եւ այլ ոչ եւս մնաց Թուրք

¹ Ձեռ. դ3:

ի Խափան: Բայց միայն ի կողմանս Փռխուրութա սարին ժողովեցան Թուրքն ի Զեւու բերդն, որոց գլուխն էր Ասլամազ Պէկն: Զայս իբրեւ լուաւ Տաւութ Պէկն, գրեաց ի Հալուձորոյ առ Թորոս հազարապետն եւ առ Պապ հազարապետն, զի եւ նոքա ելցեն անտի զօրօք իւրեանց ի վերայ հէնիցն Թուրքաց, եւ ինքն եւս եհաս ի վերայ նոցա յայնմ կողմանէ. մարտ եղին ընդ նոսա, հարին սատակեցին զնոսա մինչեւ ց23 ժամ աւուրն, եւ ոչ մի ոք զերծաւ ի նոցանէ: Եւ անտի իբրեւ եկին ի Ղարաշիմէն, Թորոս Պէկն եւ ընդդէմ Տաւութ Պէկին, եւ ասէ. Զքեզ ոչ խնդրեմ, այլ զերկիրն իմ ես պահպանեմ: Եւ անտի դարձաւ ի Զափունդուրն, Դաւութն գնաց ի բերդ իւր, եւ Պապ՝ ի Կենայուզն:

Արդ յետ այսց բանիցս, Թորոս ժողովեաց յիւր երկրէն վեց հազար զօրս՝ առ ի գնալ ի վերայ Ուրդուվարայ: Յայնժամ Մելիք Ֆռանկուլն ի Ծոցիվանակու գրեաց առ Թորոս նենգութեամբ այսպէս, թէ Փաթալու Սուլտանն լուեալ է թէ դու ելանելոց ես ի վերայ Ուրդուվարին, ինքն եւս զօրս կազմեալ է եւ պատրաստեալ, զի յորժամ դու ելանիցես այդի, նա մտեալ յերկիրն քոյ՝ աւերեսցէ: Ուստի յոյժ բարւոք առնես, եթէ յառաջ եկեսցես ի վերայ Պարկուշաթայ, զի եւ ի մեր Պարկուշաթայ Հայոցն քեզ բազում օգնութիւնս | առնեմք: Իսկ նա հաւատաց, եւ ել միամտութեամբ եւ գնաց մինչեւ Եղայ հորթ, որ է ի սահմանս Պարկուշաթայ, ինքն եւ վեց հազար զօրք ընդ նմա: Եւ եկն Ֆռանկուլն եւ երկու հազար զօրք ընդ մնա, եւ եկաց ի մի կողմն զօրացն Թորոսին: Եւ եւ Փաթալու Սուլթանն, ինքն եւ եղբայրն իւր Աղասի Սուլթանն եւ տասնեւութն հազար զօրք ընդ նմա, եւ եկաց դէմ յանդիման զօրացն Թորոսին, սոքա մարտ եղին ընդ նոսա եւ հարին խորտակեցին զճակատն Թուրքաց. եւ իբրեւ տանէին զնոսա փախստականս առաջի իւրեանց, Փռանկուլն զարս արձակեաց զկնի Սուլտանին եւ ասէ, Զի՞նչ գործէք, զիա՞րդ փախչիք, դարձարուք ի կրօնկս, զի ես ընդ ձեզ եմ. դուք ի յառաջոյ եւ մեք զկնի սոցա խորտակեսցուք զսոսա: Եւ արարին այնպէս. եւ կոտորեցին զզօրսն Թորոսի, եւ զԹորոս սպանին, եւ ի վեց հազարացն՝ միայն հազար շորս հարիւր մարդ զերծաւ, եւ այլքն մեռան, եւ փախստականքն եկին ի Զափունդուրն:

Իսկ Փաթալու Սուլտանն կամեցաւ գալ մտանել ի Զա-

վունդուր երկիրն, եւ աւերել զայն: Բայց Նուպար զօրապետն նստաւ յերկիրն Թորոսի, եւ առաքեաց առ Պապ զօրապետն զարս եւ ասէ. Դու ինքնին գիտես զի ահա կորեալ զօրքն մեր, եւ արդ յարուցեալ զայ ի վերայ մեր Փաթալու Սուլտան, մեզ յօգնութիւն հասիք: Եւ նա առաքեաց առ նոսա երկու հազար զօրս ի Չավունդուրն՝ յօգնութիւն Նուպարին: Իսկ Փաթալու Սուլտանն իբրեւ լուաւ թէ յօգնականս ետուն Նուպարին ի Կենաուզայ, դարձաւ յետս: Արդ ի զօրացն Պապայ որք եկին ի Չավունդուրն՝ երկու զօրապետք ապստամբեցան ի Պապայ, եւ եկեալ ի Լիշքին զօրաժողով եղեն եւ կամեցան ունիլ զՊապ. եւ նա փախեալ անտի, եւ ասեն՝ մեք կառավարեմք զերկիրն. զայս իբրեւ լուաւ Տաւութ Պէկն՝ առաքեաց առ նոսա զԿօրկի զօրապետն 200ով եւ հաշտեցոյց զնոսա, եւ վերստին կացոյց զՊապ ի վերայ նոցա, եւ զվերոյ յիշեալ Լեւադու առեալ աւարսն բաժանեցին ի մէջ իւրեանց:

Արդ՝ յետ այսորիկ իբրեւ մի կամ երկու ամիս ի վերայ անցին, եկն լուր առ Պապ ի յՈւրդուվարայ, թէ Թուրքն վերստին զօրաժողով եղեւ առ ի գալ աւերել զԽափան: Յայնժամ խորհուրդ արարին ծերքն Կենաուզայ՝ զի մարդիքն գիւղօրէից բոլոր հաւաքիցեն ի երկու գիւղս¹, ի Կեսն վանք կոչեցեալ շինէն մինչեւ ի Կալեր, եւ ի կողմանցն Կալերու մինչեւ ի Մանլեւ եւ մինչեւ ցԱփքիս: Եւ իբրեւ ժողովեցին զամենեսեան զնոսա անդ, ի հետեւեալ աւուրն տեսին զի Սափի Ղուլին եւ որդին Ղազու Ուրդուվարեցւոյ եւ որդին Շահիսլամին եւ ութ հազար զօրք² ընդ նոսա անցեալս առ նոսա ի յԱլանկեզայ սարոյն եւ եկեալս ի վէմն Պուղայ: Արդ՝ իբրեւ լուաւ Պապ զանցանելն նոցա, եւ ընդ առաջ նոցա երկու հազարաւ, եւ ետես ընդ այն՝ զի զօրքն թշնամեաց բազումք են յոյժ, դարձաւ յետս. իսկ ժողովուրդք գիւղօրէիցն որք հաւաքեալք էին ի վերոյ ասացեալ տեղոջ, ամենեքեան անցին ի սարոյն խաչպուլու ի հողն Չավունդուրին, եւ այլազգիքն յառաջ խաղացեալ եկին մինչեւ ի Դաշատուն եւ զբոլոր գիւղօրայսն քանդեցին:

Իսկ Տաւութ Պէկն իբրեւ լուաւ այնպիսաբարն զսլն այլազգեաց, եւ երկու հազար եւ ութ՝ հարիւր արամք, եւ էջ ի

¹ Չեռ. ի 2 գիւղս:

² Չեռ. ք հազար զօրք:

աշտ անդր. եւ զայս լուեալ այլազգեացն փախեան ի յՈւր-
ուվար: Այլ Տաւութ Պէկն իբրեւ լուաւ՝ թէ Պապ սակաւ ո-
ւամբ է կացեալ, բարկացաւ յոյժ ի վերայ նորա եւ ասէ. Մի-
կէ շիցէ՞ բաւական զի փախեաւ ի պատերազմէ, եւ արդ ոչ
ես կամի գալ առ իս: Եւ ել անտի Տաւութ Պէկն եւ եկն ի Կա-
երս, եւ կալեալ անդ զՊապ՝ տարաւ ընդ ինքեան, եւ անցեալ
ընդ Խաչաօրու սարոյն՝ եկն յԻշկետ, եւ անդ գլխատեաց զնա,
եւ զտուն նորա աւար էառ եւ երեք օր նստաւ յԻշկետ, եւ
իտ երից աւուրց զնաց ի Գեմանցու դաշտն:

Եւ այլազգիքն իբրեւ լուան թէ Տաւութ Պէկն անցաւ ի Զա-
վունդուրն, եւ Սափի Ղուլին եւ որդին Ղազու եւ որդին Շահ-
իսլամին երկոտասան հազարաւ, եւ անցին յԱլանկեզայ սա-
րոյն ի Կենէուզն եւ զբոլոր գիւղորայսն այրեցին. եւ լուր է-
հաս Տաւութ Պէկին վասն այսր ամենայնի ի Զաւունդուրն, զի
յաւուրսն յայնոսիկ բնակէր նա ի Ծափն, եւ ել շորս հազա-
րաւ ի վերայ այլազգեացն, եւ եգիտ զնոսա ի Լիշքին որ է
յայնկոյս Ղօզղօզ գետոյն: Իսկ Թուրքն բնակեալ էր ի Լէկին.
իբրեւ եւ տեսին զսոսա՝ ելին արտաքս եւ եկին ի Գողթ, ոչ է գե-
տափն...¹ եւ ոչ ետուն անցանել զգետն. եւ սոքա աստի եւ
նոքա անտի մարտ եղեալ կռուէին յառաւօտէ մինչեւ ի 24
ժամ աւուրն, մինչեւ ի գալն նոցա ի Զիպանդ ի գլուխն դաշ-
տուն: Եւ ի գիշերի Տաւութ Պէկն էանց ի Հալի ձորն: Եւ ի յա-
ռաւօտուն պահու, նոքա | իբրեւ տեսին թէ Տաւութ Պէկն ոչ է
անդ, եւ ոչ ուստեք էր նոցա այնուհետեւ երկիւղ, անցին ի
Գուրամ, եւ եկին աւար հարկանելով զկողմանս Գուրամու՝
մինչեւ ի Մեղրայ: Արդ՝ մինչչեւ եկեալ էր նոցա ի Մեղրայ,
մեղրացիքն վասն զի լուեալ էին զգալ նորա ութուտասն²
հազարաւ, ժողովեցան արք քաղաքին յերիս թաղս: Իսկ զօր
այլազգեացն դիմեաց զառաջինն մտանել ի փոքրիկ թաղն,
եւ սոքա ի վեր առին զկամուրճն, կալան զանցս գետոյն
զինուք եւ թուփանկովք, եւ նոքա լքան անցանել զգետն: Եւ
յայնմ վայրի որք մնացին ի փոքրիկ թաղն՝ լուրս առաքեցին
արանցն Գուրհամոյ...³: Այլազգիքն դիմեցին ի մեր փոքր

¹ Զեռագրին մէջ՝ մէկ բառի տեղ պարապ թողուած է:

² Զեռ. ԺԸ:

³ Զեռագրին մէջ՝ երկու բառի տեղ պարապ թողուած է:

Թաղն. ուստի մինչեւ ցերկու օր եթէ յօգնութիւն մեզ ոչ հասանիցիք՝ գերիմք ի նոցանէ: Ես Ստեփաննոս Վարթանէս Շահումբանէս ի գիշերայն ելեալ գնացի ի Զավընդուր առ դօրապետն Պայինտուր, եւ յայտ արարի նմա զամենայն նեղութիւնս եւ զանձկութիւնս Մեղրացւոց, եւ նա առժամայն հրաման տայր վաղվաղակի գալ ժողովիլ առ նա ամենայն զօրականացն. եւ եկին խմբեցան 2000 քաջ սպառազէն ի Զավընդուր եւ ի Գուրհամայ, եւ ել նոքօք եւ գնաց բանակեցաւ այն գիշեր ի Մազրան աւանն, եւ Ստեփանն ընդ նմա. եւ մերձ յառաւօտուն պահու՝ ելին կազմեցան եւ անցին գնացին ի կողմանցն Լեփկու, եւ հասին ի Մեղրի: Իսկ զօրքն Թուրքաց ի բանակէ անտի իբրեւ զբազմութիւն զօրացն Հայոց տեսանէին՝ ոչ հաւատային թէ յօգնութիւն իցեն նոցա հասեալ յայլ ուստեքէ: Այլ ասէին թէ Մեղրացիքն | կանաւնց իւրեանց զգեցուցեալք են զգետ առնացի եւ զարդ պատերազմի. եւ տուեալ զբազում սուտ դրօշակս ի ձեռս նոցա, առ ի երկեցուցանել զմեզ:

Արդ մինչ չեւ էին հասեալ օգնականքն Հայոց ի Մեղրի, քաջ եւ արի սպառազէնքն Մեղրացւոց գործ քաջութեան ի նմին գիշերի գործեցին, զի անցեալ յայնկոյս գետոյն յեղակարծումն ժամու՝ ի մէջ բանակի թշնամեացն, յարձակեցան եւ զբազումս ի նոցանէ ի սուր սուտերի սատակեցին, մինչեւ եւ զորդէ: Շահ Իսլամին երկու հազարաւ ի փախուստ արկին ի յՈւրդուար քաղաք. այլ զի սակաւք էին՝ ոչ կարացին ի սպառ ջնջել եւ անհետս առնել զնոսա անտի. դարձան անդրդէն ի Մեղրի:

Իսկ օգնականքն Հայոց իբրեւ գային ի մեծ Թաղն Մեղրու հասանէին, Մեղրացիքն վաղվաղակի նոցա զկերակուր պատրաստէին: Յայնժամ արգելու զնոսա Պայինտուրն, որ էր իշխան եւ զօրագլուխ ամենայն զօրուն եկելոյ ընդ նմա, եւ ասէ. քաւ լիցի մեզ ուտել, մինչ չեւ իցեմք վանեալք ողորմութեամբն Աստուծոյ զթշնամիսն մեր: Զի խորհուրդ եւ ջան էր նորա գործ պատերազմի փութով վճարել. վասն զի միով աւուրք յառաջ քան զայն, այլազգիքն գրեալք էին յայնկոյս գետոյն Երասխայ զօրականացն Թուրքաց՝ գալ օգնութիւն հասանել նոցա. եւ նոքա ի պատրաստի էին բազում գնդաւ գալ հասանիլ ի թիկունս նոցա: Ուստի վաղվաղակի հանդէս առնէր ամենայն զօրուն եկելոյ ղնդ նմա եւ որք ի յամրի անդ

ն, եւ կարգէր կազմէր, եւ զնոսա յերիս գունդս բաժանէր, առ յիրաքանչիւր գունդ 860 սպառազէն վառեալ: Ապա ի նշտասաներորդ ժամու աւուրն՝ մի գունդն խրախոյս բարեալ մղիլ սկսաւ ի մէջ զօրացն Թուրքաց, յաջ եւ ահեակ կոորելով. եւ այլ երկու գուդքն յաջմէ եւ ահեկէ զօրաց թշնաեաց՝ ձայն տուեալ զաղաղակ բարձին, ի վերայ յարձակեան, եւ ի 16 ժամէ աւուրն մինչեւ ց23 ժամն ի մէջ առին բազմութիւն զօրացն անօրինաց, եւ հարին կոտորեցին ի ոցանէ աւելի քան զմետասան հազար այր. ի սոցանէն անան յերեւելի անձանց լէվազեցի Մուրում Քալանթարն եւ այլք բազումք, եւ մնացեալքն մազապուրծ անկան ի յՈրդոյն քաղաք: Եւ ձերբակալ արարին զՈւրդուարեցի Հաճի Շահին, որ էր այր երեւելի ի մէջ ամենեցուն նոցա, եւ առին լամենայն զկահ զկարասի բանակի նոցա, զզէն զսուր եւ լամենայն գործիս պատերազմին, եւ զամենայն դառ եւ դար նոցա: Եւ եղեւ ուրախութիւն մեծ ամենայն բնակչացն Եսփանու:

Իսկ զՀաճի Շափին՝ զօր ըմբռնեցին, կամէր Պայինտուրն լօրսագլուխն ածել զնա առ Դաւիթ, բայց իշխանք Մեղրացեայ աղաչեցին զնա թողուլ զՀաճին անդ առ նոսա. եւ նա շնորհեաց նոցա: Եւ եղին զնա ի պահեստի ի տան տեառն Ներսիսի: Եւ զօրականքն ամենեքեան գնացին իւրաքանչիւրքն ի տունս իւրեանց, եւ շինականքն Գուրհամայ դարձան գնացին եւ բնակեցան իւրաքանչիւր ի տունս իւրանց, որք վասն ահի հէնիցն անցեալք էին յերկիրն Զաւնդուր, որպէս ի վերոյ ասացաք:

Յետ այսորիկ իբրեւ մի ամ ի վերայ անցանէր, եղբայրն Երվանու Խանին բազում զօրօք կուտէր առ ի գնալ յօգնութիւն եղբօրն իւրոյ, որ պաշարեցեալ էր ի յԵրեւան քաղաքի ի զօրացն Օսմանցոց. արդ՝ սա իբրեւ բազում զօրօք ի յՈւրդովար քաղաք գայր հասանէր, ամենայն մահմետականքն քաղաքին յառաջ մատուցեալ բողոք բարձին զհայոցն Մեղրեայ, եւ ասեն. Դատ արա ընդ մեզ եւ ընդ նոսա, զի նոքա կոտորեցին կորուսին զամենայն այր քաղաքիս: Եւ նա առաքեաց զԺառայան իւր ի Մեղրի՝ կոչել առ ինքն զոմանս ի գլխաւոր իշխանացն, առ ի գիտել զպատճառն այնպիսոյ աղմուկի. Իսկ իշխանքն Մեղրեայ իբրեւ զայն լսէին, տագնապմըկին. Իսկ իշխանքն Մեղրեայ իբրեւ զայն լսէին, տագնապմըկին վարանէին ի միաս իւրեանց: Ի միասին գային ժողով-

էին խորհուրդ խորհէին եւ ասէին. զի՞նչ արասցուք, զի թէ երթայցեմք՝ մեծ վտանգ է մեզ, եւ թէ ոչ երթայցեմք՝ վիշտ վտանգի է մեզ եւ ժողովրդեանս. վերջապէս վասն հասարակի օգտի հաճեցան ոմանք. ի ժերոցն զվտանգ մահու յանձն առնուլ, եւ երթալ առ Խանն: Եւ իբր մտին սոքա ընդ ծառայքսն Խանին ի յՈւրդովար, քաղաքացիք առ հասարակ դիմեցին ի վերայ նոցա՝ սպանանել զնոսա. բայց ծառայքն Խանին ոչ հտոռն թոյլ, մինչև ածին կացուցին զնոսա առաջի Խանին, եւ քաղաքացիքն զհետ նոցա երթային մինչեւ ի դուռն Խանին. եւ իբրեւ յանդիման եղեն նմա, սկսան քաղաքացիքն աղաղակել վերստին եւ ասեն. Դատ արա ընդ մեզ եւ ընդ Մեղրացիսն, զի կորուսին սպառեցին զմեզ: Եւ ի հարցանելն Խանին զՄեղրացիսն, պատասխանի առնէին նմա՝ թէ մեք զոչ ոք ի դոցանէ ի զուր տարապարտուց սպանաք, եւ ոչ ոմեք մեղաք, այլ դոքա բազում զօրս կուտեցին եւ զբազում գիւղորէս մեր կոտորեցին կործանեցին եւ ի գերի վարեցին. ապա ի զուր տարապարտուց եկի[ն] պաշարեցին զմեզ եւ կամեցան բնաջինջ առնել զմեզ, եւ մեք առ ի պաշտպանել զմեզ՝ ընդդէմ դարձաք դոցա եւ ի բաց վանեցաք. եւ արդ՝ հարց ցդոսա թէ զի՞նչ մեղաք, զո՞ սպանաք, ո՞ւմ ընդդէմ դարձաք արքունեաց, զի դոքա եկին պաշարեցին զմեզ եւ կամեցան ջնջել զմեզ: Յայնժամ ասէ Խանն զՈւրդովարեցիսն. Ո՞վ հրամայեաց ձեզ ելանել ի վերայ նոցա առ ի կողոպտել եւ կորուսանել զնոսա. Եւ նոքա ամփիբերան եղեն եւ ոչ կարացին տալ առ այն պատասխանի: Ապա ասէ ցնոսա Խանն. Ո՞վ եղեւ ձեզ առիթ եւ առաջնորդ ելանելոյ ի վերայ նոցա: Եւ նոքա ասեն Սափի Ղուլին Լվազեցի՝ որդին Մանիշարի, եւ որդին Ղազու Ուրդովարեցի, եւ որդին Շահ Իսլամին: Եւ կալեալ Խանին զՍափի Ղուլին, խրատեաց զնա խստագոյն գանիւք, եւ էառ ի նոցանէ զտուգան, եւ զՄեղրացիսն արձակեաց խաղաղութեամբ ի տեղիս իւրեանց, եւ ինքն շուեաց գնաց անտի:

Ապա այնուհետեւ սկսան Ուրդովարեցիքն առնել զհաշտութիւն ընդ Մեղրեցիսն եւ խնդրեցին արձակել նոցա զՀաճի Շափին, եւ նոքա եւս խնդրեցին ի նոցանէ արձակել զգերիսն, զորս ի գիւղորէին ըմբռնեցին, եւ յանձն առին արձակել զնոսա: Յայնժամ գրեցին Մեղրացիքն առ զօրագլուխսն Ագուլեցւոց, որպէս զի ընկալցին ի յՈւրդովարեցւոցն զեօթանասուն

նձինս Հայոց գերեցեալս ի նոցանէ, եւ ազդ արասցեն ին-
յանց թէ ընկալան զնոսա, որպէս զի եւ ինքեանք արձակես-
նն զՀաճի Շափին, եւ արարին այնպէս. եւ սոքա արձակեցին
Շափին, եւ եղեւ այնուհետեւ խաղաղութիւն ի մէջ նոցա:

ՄԱՍՆ ԵՐԿՐՈՐԴ

(Պատում Տէր Աւետիք Բանանայի)

Ա.— Արդ՝ եկեալ Դաւիթ Պէկն ի խափան 412 արամբ բա-
ակեցաւ ի տեղին որ կոչի Իջդէփէ, եւ անդ մարտեաւ զառա-
ինն ընդ Ղարաշօուրու, կոչեցեալ Թուրքաց, եւ յաղթեաց նոցա:
Եւ ապա եկեալ բնակեցաւ ի յամուրն որ կոչի Շնհեր, եւ կո-
եաց առ ինքն զառաջնորդն Տաթեու՝ զԿիրակոս վարդապե-
տըն, եւ զԳաբրիէլ վարդապետն եւ ժողովեաց ի վերայ իւր
լարսն տեղւոյն, եւ ասէ՝ թէ եկեալ եմ աստ առ ի բառնալ
լԹուրքն ի միջոյ. եւ զնացեալ Եհար զգիւզորէսն Թուրքաց, եւ
սերեալ զինչս եւ զստացուած նոցա՝ եկեր:

Բ.— Եւ զայն տեսեալ Երեսուններկու Ճիւանշիրն կոչեցեալ
ցեղն Թուրքաց, եկին միաբան ի միասին ի Շնհեր՝ ի վերայ
Դաւիթ Պէկին: Իսկ նորա եւս ժողովեալ առ ինքն զարսն Շըն-
հերու, եւ ընդ առաջ նոցա ի յիջդէփէ, եւ անտի ետես զղօրս
թշնամեացն իբրեւ զվեշտասան հազարս, եւ ընդ ինքեան ա-
ռեալ զարս սպառազէնս 400, յուսացեալ յԱւետուած՝ գոչեցին
առ նա, եւ հարեալ ի դիմի նոցա յաւուրս երիս՝ խորտակեցին
զնոսա, եւ առին զամենայն ինչ նոցա, զզէն եւ զերիվարս նո-
ցա: Յետ այսորիկ առաքեաց նա զՄխիթար զօրապետն իւր ի
շէնսն որ կոչիւր Քուրդլար. եւ եկեալ նորա Եհար կոտորեաց
զամենայն բնակիչս նորա զայլազգիս, եւ էառ զամենայն ինչս
նոցա եւ դարձաւ:

Գ.— Ընդ այնու ժամանակաւ էր ոմն Մելիք Տաթեու ու-
րացող, որ յառաջն կոչիւր Դաւիթ, յետոյ ուրացեալ զՔրիս-
տոս հանդերձ տամբն իւրով կոչեցաւ Պաղեր, եւ որդիք նորա
ամենեքեան եղեն Շահ | Ղուլի: Սա ժողովեալ զարսն Տաթե-

ու առ ինքն. եւ կանգնեալ անդ ամուրս, խորհէր տալ պատերազմ ընդ Դաւիթ Պէկին: Իսկ նորա լուեալ զայն ամենայն, եւ վաղվաղակի ի վերայ նորա ի պատերազմ, եւ պաշարեալ զամուրս նորա՝ յետ երկուց ամուրց հառ զայն, եւ կալեալ զնա հաժ ի Շնհեր, եւ զամենայն ստացուածս նորա: Եւ հրամայեաց նմա զաւուրս երկոտասան, ի մէջ եկեղեցւոյն, յանդիման ամենեցուն, ասել այսպէս բարձր ձայնիւ թէ՝ Լոյսն Լուսաւորչի հաւատոյն, վա՛յ ուրացողին. եւ ապա եհատ զգլուխ նորա: Եւ ինքն եկեալ նստաւ ի Տաթել:

Դ.— Արդ՝ զայս ամենայն իմացեալ ամենեքեան որք քնակեալք էին ի Չաւնդուրն, զառաջինն եկն առ նա Թորոս զօրապետն, եւ ընդ նմա հնգետասան այր: Եւ ետ նմա զիշխանութիւն զօրապետութեան եւ առաքեաց զնա, եւ ընդ նմա ըզՊայնտուր սպարապետն ի Չաւնդուր: Յետ այնորիկ դիմեցին առ նա զօրօք իւրեանց որդիքն Մաղայ Մելիքին Զուղայու, որ եւ կոչի հին Զուղայ՝ ի Գողթան գաւառի, եւ որդիքն Տիլէնչի մականուանելոյն, եւ սոքա ամենեքեան զային խառնէին եւ յաւելանային ընդ զօրսն Դաւիթ Պէկին, իբր երկուս հազարս արանց զօրաւորաց: Գրեաց Դաւիթ պէկն նաեւ առ Մելիք Փարսադան եւ առ փեսայ նորա տէր Աւետիսն՝ գալ ի յօգնութիւն ինքեան: Վասն զի զայն ամենայն լուեալ եւ տեսեալ Պարսիցն, որք շուրջ էին զնոքօք կուսակալք նաեւ կուսակալն Խափանու, Խանն Պարկուշատու՝ որ կոչի Բաթալի Խան, եւ Խանն Ղարադուզ երկրին. սոքա ամենեքեան եկեալ ի միասին, ելին ի վերայ Չաւնդուր գաւառին՝ ութ եւ տասն հազարաւ, յաւուր քառասնորդաց պահոց՝ ի տօնի սրբոյ Լուսաւորչին:

Ե.— Իսկ Հայոցն յուսալով յողորմութիւնն Աստուծոյ ի գիշերի յարութեանն Քրիստոսի դիմեալ ի վերայ բանակի նոցա՝ հարին կոտորեցին զնոսա, եւ առին զբանակն, եւ զայլսն փախըստաւանս արարին: Յետ այնորիկ եկին մելիք Փարսադան, եւ տէր Աւետն ի յողջոյն Դաւիթ Պէկին: Իսկ նորա բարկացեալ ի վերայ նոցա, եւ ասէր՝ ընդէ՞ր ոչ ելիք յօգնութիւն մեզ, եւ հրամայեաց տանիլ զնոսա ի Շնհեր, եւ անդ արկանել զնոսա ի բանտ, եւ էին նոքա զաւուրս հօգետասան ի բանտի անդ:

Զ.— Եւ դէպ եղեւ յաւուրսն յայնոսիկ, Յոհաննէս (պետն Խուզարացոց)¹ գալ ի կողմանս յայնոսիկ՝ յիսուն եւ վեր հար հայագունդ զօրօք, պաշարել զանմատչելի բերդն Որոտայ, եւ ի շկարել առնուլ զայն ե թուրքաց, գայ ի Շնհեր եւ լտանէ անդ զտէր Աւետն եւ զաներ նորա ի կալանս. ազատէ զնոսա եւ առաքէ Դաւիթ Պէկին ի Հալիձոր: Եւ ինքն եկեալ ի Տաթեւ՝ առնու զգանձն Դաւիթ Պէկին եւ դառնայ ի տեղի իւր: Իսկ Դաւիթ Պէկին ընկալեալ զՄելիք Փարսադան՝ կացոյց զնա յիւրում կարգի զօրապետ ի վերայ երկու հարիւր վաթսուն եւ վեց զօրաց: Եւ զտէր Աւետն ի վերայ շորեքհաւիւր քառասնից: Եւ զնոսա եւ զամենայն զօրս իւր կուտեալ՝ ել զնաց նա ի Ղարաշիմէն եւ բանակեցաւ անդ, եւ անտի հրեշտակս արձակեաց ի Զանդուր, ի Մեղրի եւ ի Կենաուզ, գալ | Ժողովիլ առ նա, եւ եկին հասին զօրապետքն յամենայն կողմանց:

Է.— Բայց Թորոս սպարապետն ընդդէմ եկաց նմա ի կոխս. եւ միջնորդ մտեալ ի մէջ երկուցն՝ հաշտեցուցին զնոսա: Եւ ժողովեալ զնոսա անտի՝ ել զնաց նա ի վերայ Աւլամազ Ղուլին, եւ մատուցեալ պաշարեաց զամուրս նորա, եւ դժուարացաւ առնուլ զնա, զի էր բարձրաբերձ եւ անառիկ յոյժ: Եւ յետ երկուց աւուրց բախելոյն զայն, դիմեալ ի վերայ Մխիթար սպարապետն եւ տէր Աւետիսն, մօտեցան ի պարիսպ անդ: Իսկ նոքա քարածիգ եղեալ ի վերուստ անտի մերժեցին զՄխիթարն. բայց տէր Աւետիսն խաբանօք ելեալ ի բերդն՝ կալաւ զոստիկանն. եւ յայսմիկ նուագի ի շորս կողմանց զեղանիլ սկսան զօրքն Հայոց, եւ հարին կոտորեցին զզօրս ամրոցին, եւ ի նմին աւուր մեռան ի Թուրքաց շորս հազար. իսկ ի Հայոց՝ սակաւ ոմանք: Եւ անտի զնաց ի Սիսան դաւառ, եւ անդ կալեալ կոտորեաց զիշխանս Թուրքաց: Եւ եկեալ պաշարեաց զմեծագոյն եւ զանառիկ բերդն Որոտնու, եւ էառ զայն յետ շորից աւուրց, ի տօնի Մաղկազարդին:

¹ Ձեռագրին մէջ երկու բառի տեղ պարսպ թողուած է, Յոհաննէս անունէն ևտք. մատիտով յետոյ մէկը լրացուցած է, գրելով. պետն Խուզարացոց. գիրը Զ. եղիա վրդ. Փէշիկեանինն է: Հմմտ. Գուլամիրեանցի հրատարակութեան մէջ (Դաւիթ Բէգ, Վաղարշապատ 1871, էջ 10, թիւ 28):

Ը.— Եւ եղեւ յետ այնորիկ առաքել զբազմութիւն զօրաց իւրոց ի վերայ Պարլուշատու, եւ ինքն մնաց սակաւութի Սիսան գաւառի: Եւ ել ի վերայ նորա հասնն Նախիջեւանու շորեքտասան հազարաւ ի պատերազմ, եւ անկան ի նմին պատերազմի ի Հայոցն իննհարիւր այր: Եւ անտի եկն Դաւիթ Պէկըն ի Հալիժոր, եւ ժողովեալ զարսն տեղւոյն՝ գնաց ի Շիշկետ, եւ անդ ի շարախօսելն զՊապայ զօրապետին՝ եհատ զգլուխ նորա: Եւ անտի գնաց ի Չաւնդուր, անդ եւս զօրաժողով լեալ, եւ առեալ ընդ իւր զզօրսն՝ գնաց ի վերայ Թուրքին, եւ հարին կոտորեցին Շահայպակլու գիւղորէսն, եւ զինչս նոցա առեալ՝ եկին ի դաշտն Կումանու:

Թ.— Եւ այր եկն առ նա, եւ ասէ. Ահա Թուրքն հափանու, Ուրդուարու, Թավրիզու եւ Ղարատաղու քսան եւ ութն հազարաւ դիմեալ գան կամ ի Մեղրի եւ կամ ի Կենաուզն: Իսկ նորա լուեալ զայն՝ վաղվաղակի ժողովեաց զամենայն զօրս իւր եւ եկեալ բանակեցաւ ի Կալեր. եւ ընդ այգն ընդ առաւտըն եհաս ի լճկին, եւ սկսաւ պատերազմն. եւ իբր էանց օրն՝ թողեալ անդ զԹուրքն՝ եկն ի Փուխուրութայ սարն, եւ անտի ի Հալիժոր: Յայնժամ սկսաւ Թուրքն հարկանել զգիւղորայսն, կոտորել եւ ի գերի վարել, մինչեւ ի գալ նորա, եւ պաշարել զՄեղրի. եւ յետ հինգ աւուր պաշարմանն՝ առին զփոքրիկ թաղն: Յայնժամ հրեշտակս արձակեցին ի Կալեր, զօրապետացն, գալ օգնութիւն հասանել ինքեանց: Եւ ել գնաց գիշերայն Ստեփաննոս Շահում Ջատայն ի Չաւնդուր, եւ ժողովեալ անտի զամենայն զօրս տեղեացն՝ յառաւօտուն պահու հասին արանցն Մեղրու, եւ հարին կոտորեցին զամենայն զբանակն Թուրքաց, եւ թափեցին ի նոցանէ զամենայն գերեալսն, եւ կալան զգլխաւորն նոցա. եւ առին զբոլոր բանակ եւ աւար բազում յոյժ: Ջայս մեծ բարութիւնս արար Ստեփաննոս վարդանէս Շահումբանէս, որոյ զփոխարէնն հատուցէ նմա Աստուած: Ուստի եւ Դաւիթ Պէկն ըստ արժանեացն փառաւորեաց զնա, տալով նմա զերկիր | եւ զիշխանութիւն երից Մելիքաց, որպէս զի նա միայն իշխեսցէ եւ դատեսցէ զնոսա:

Արդ՝ իբրեւ զայս ամենայն յաջողեաց նոցա Աստուած, կոչեալ Դաւթի զզօրագլուխսն իւր՝ առաքեաց զնոսա ի Ղազան-

կուլու սարն, ի վերայ թուրքմանաց. եւ գնացեալ անդ գիշե--
րայն՝ անկան ի վերայ ամենայն բնակչաց երկրին, եւ կոտոր-
եալք զնոսա՝ առին զամենայն ինչ նոցա, վեց հազար երեք-
հարիւր ոչխար, եւ շորս հազար հարիւր երեսուն զայլ անա-
սունս նոցա: Եւ մինչդեռ զհետ մտանէին փախստէիցն՝ ու-
տահեցաւ միայնակ Մխիթար հազարապետն առաջի թշնա-
մեացն, առ որ քարածիգ լեալ՝ կալան. իսկ նա աղաղակել
սկսաւ՝ թէ Թուրքն տանին զիս: Եւ իսկոյն աճապարեալ տէր
Աւետին՝ թափեաց ի ձեռաց նոցա: Եւ առեալ զամենայն դառ
եւ զաւար՝ դարձան ի Հալիձոր առ Դաւիթ, որոյ տեսեալ զայն
ամենայն՝ ուրախ եղեւ յոյժ: Եւ յետ տասն աւուր՝ դարձեալ
առաքեաց զգորսն ի լերինս Կասպելու, ի վերայ Թուրքմա-
նին, որք գնացեալ հարին եւ զնոսա անդ, եւ առին զինչս նո-
ցա եւ զանասուն 900, եւ դարձան ի Հալիձոր: Եւ յետ վեց ա-
ւուր՝ առաքեաց զնոսա ի վերայ բնակչաց գաւառին Պարկու-
շատու: Բայց զի Մխիթար հազարապետն խռովեալ էր ընդ
տեառն իւրոյ, իբրեւ գնացեալ զօրքն հարին զբնակիչս երկ-
րին, եւ ել Բաթալի Խանն ընդդէմ նոցա, Մխիթարն փախեաւ:
Իսկ Խանն կրճատեալ կոտորեաց ի սոցանէ 200 այր, եւ կա-
լեալ զպարոն՝ Ստեփանն ածին կապեալս ի Պարկուշատ քա-
ղաք: Եւ զայն լուեալ Դաւիթ՝ սրտմտեցաւ յոյժ ի վերայ Մխի-
թարայ, եւ հրամայեաց հատանել զգլուխն, այլ միջնորդեալ
ոմանց՝ դարձուցին զվճիռ մահուանն: Իսկ պարոն Ստեփանն
իբրեւ ածեալ ևդեւ ի Պարկուշատ՝ գտաւ անդ ոմն բարեսէր
Թուրք, որ զթացեալ ի նա՝ փախոյց. եւ լուեալ զայն Դաւիթ՝
ուրախ եղեւ եւ հրամայեաց երկու՝ օր հանդիսութիւնս առհել:
Նաեւ որդւոյ Մելիք Փարսաղանին Պալի զօրապետին գլուխն
հատեալ էին, բայց ոչ զբոլորն, այլ մինչեւ ցկէս ուլանն, եւ
նա այնպէս զգլուխն ի վերայ իւր կալնլով՝ եկեալ Եհաս ի
տուն իւր զկնի շորից ասուրց: Եւ ոչ մեռաւ, այլ կենդանի է
մինչեւ ցայսօր:

Յամի Տեառն 1724 եւ ի թուոյն Հայոց ՌՃՀԳ, Ահմէտ Սուլ-
տանն Օսմանցոց, որ բռնակալեալ ունէր ի պարսկական ծո-
ցոյ Օվկիանու մինչեւ ցՆգիպտոս եւ ցԼուրիկէ եւ մինչ ցբոլոր
ծովն Պոնտոսի, եւ զմեծ մասն Հայոց եւ զայլ բազում աշ-
խարհս եւ զթագաւորութիւնս, իբրեւ լսէր զվտարումն Պարսից

արքային ի յաթոռոյն, խորհեցաւ յինքն պրաւել զտէրութիւնն զայն: Ուստի հրաման ետ իշխանի զօրուն՝ զօրաժողով լինել յամենայն աշխարհաց, եւ գալ հասանիլ ի վերայ Պարսից, եւ ունիլ զքաղաքս նոցա: Եւ նա ըստ հրամանի արքային ել ի վերայ Պարսից անթիւ անհամար զօրօք, ի կողմանս մեծին Հայոց, որ ի վիճակին Պարսից: Եւ ուր ուրեք հասանէին՝ սատակէին զամենայն դիմակացս իւրեանց, եւ զառնային բազում աւարաւ ամենայն զօրքն ամ ըստ ամէ, մինչեւ ի լնու զամենայն քաղաքս եւ զգիւղս իւրեանց ի ըզմութենէ աւարաց եւ գերեաց՝ ի Հայոց եւ ի Պարսից: Բայց ո՞ր կարէ պատմել զաղէտս մարց եւ տղայոց ի ձեռաց անօրէն գերչաց նոցա, եւ զնոցին հարց եւ եղբարց անողորմ կոտորած: Արդ սոքա իբրեւ այսպէս զօրացան ի կողմանս յայնոսիկ, եւ առեալ զմայրաքաղաքն Երեւան՝ ի սուր սուսերի մաշեցին զամենայն բնակիչսն:

Ժ.— Ապա յամի Տեառն 172(6) եւ ի թուոյն Հայոց ՌՃՀ(Ե)¹ դիմեցին գալ հասանիլ յաշխարհն Սիւնեաց՝ որ այժմ կոչի Խափան. յայնժամ ամենայն բնակիչք աշխարհի զատան անշատան ի Դաւիթ Պէկէն, եւ եղեն անձնատուրք Օսմանցւոց, եւ մնաց միայն Դաւիթ տասնեւօթն սպառազինօք ի Հալիձորոյ անապատն, եւ ընդ նմա երեք վարդապետք, երեքտասան քահանայք², զհետ գնացին նորա նաեւ տէր Աւետն եւ Մելիք Փարսաղան:

ԺԱ.— Եւ ժամանակ ինչ կացեալ անդ, եւ յերեքտասաներորդ աւուր քառասնորդաց պահոց եկին հասին ի վերայ նորա Պէքիր փաշայն եւ արապ Ալի Փաշայն, ընդ ինքեանց առեալ նաեւ զԲաթալի Խանն եւ զամենայն զԹուրքս եւ զՀայս Խափանու եւ Պարկուշատու, զՀայսն Չաւնդուրու եւ Մեղրու, զԹուրքսն Ղարաչօղու, Փիսեանու, եւ այլն, իբր վացուն հազարս սպառազինաց, եւ բանակեցան հանդէպ Հալիձորոյ:

¹ Ձեռագրին մէջ, այս երկու թուականները կիսատ մնացած են, այսպէս. 172 եւ ՌՃՀ. բայց յետոյ մէկը մատիտով լրացուցած է, դարձնելով 1726 եւ ՌՃՀԵ. անշուշտ հետեւելով Գուլամիրեանցի հրատարակութեան (տե՛ս Անդ, էջ 43):

² Ձեռ. գ վարդապետ, ժգ Բաճաճայֆ:

Իսկ որք ընդ Դաւթի էին հարիւր վաթսուն սպառազէն՝ եկին ի գետափն Հալուձորոյ, եւ յիսուն մի ի նոցանէ ճակատեցան ընդդէմ բանակի նոցա. բայց յետ երկուց աւուրց՝ թուփանքաւորքն Հայոց անցին որք՝ ընդ Օսմանցոցն էին, խրամատեալ զսոսա դիմեալ մտին ի շէնն: Յայնժամ Դաւիթ եւ որք ընդ իւրքն էին՝ դիմեալք ամրացան ի յամուրն անապատին, եւ անտի մարտ եղեալ կռուէին աւուրս հինգ, եւ անկանէին ի կողմանցն հակառակաց յաւուրն եջեր հարիւր կամ շորս հարիւր մարդ: Ի սոցանէ հազիւ մի ոք: Եւ ի յաւուրն վեցերորդի, որք ի ներքս էին՝ կարգեցան կազմեցան պատրաստեցան եւ առեալ ընդ ինքեանս զԱջ սրբոյն Մխնասայ՝ ելին արտաքս. իսկ որք ի ներքս մնացին եպիսկոպոսք, քահանայք եւ կուսանք ամենեքեան մտեալ յեկեղեցին՝ առ Աստուած գոչէին, եւ հընչեցուցանէին զզանդական. եւ ի յութերորդ ժամու աւուրն՝ սոքա յանկարծակի գազանաբար յարձակեցան ի վերայ ամենայն բանակի նոցա, յաջ եւ ահեակ կոտորելով զղրղեցին զբոլոր բանակն Թուրքաց, եւ սկսան փախուստ առնուլ ի սոցանէ, եւ զայն տեսեալ՝ ելին արտաքս նաեւ տէր Աւետիսն եւ Մխիթար զօրապետն, եւ զհետ մտեալ նոցա՝ հասանէին հարկանէին եւ ցրուէին զնոսա, մինչեւ ոչ մնալ երկու ի միասին. եւ յաւուր յայնմիկ տապաստ արկին ի նոցանէ երեք տասան հազար սպառազէն, եւ առին զբանակն նոցա, եւ հարիւր քառասուն եւ ութն դրոշակ, եւ մեռան ի սոցանէ յոյժ սակաւ ոմանք:

Ահա այսպիսի մեծամեծք են գործքն Աստուծոյ, ասրեցուցանել ի ձեռն սակաւուց՝ ի բազմութենէ բիւրաւոր հեծելոց՝, զի յաղթութիւն պատերազմի ի ձեռս Աստուծոյ է, եւ ում կամի՝ նմա շնորհէ. արդ՝ եթէ անհաւատից եւ բարբարոսաց շնորհէ սակաւուք յաղթել բազմաց, ապա ո՞րչափ եւս բարեպաշտ քրիստոնէից, որք հաւատով դիմեն առ նա:

Արդ՝ իբրեւ ետես Դաւիթ թէ Աստուած օգնական է իւր, խնդրէր այնուհետեւ տալ պատերազմ ընդ Օսմանցոց, եւ առաքեաց առ Խանն Տուզալի Քեզում զՄխիթար հազարապետն եւ զտէր Աւետիսն՝ վաթսուն եւ վեց արամբ, եւ ասէ. Ե՛կ միաբանեալ տացուք պատերազմ ընդ Օսմանցոց: Եւ եկեալ գտին զԽանն ի շէնն Քուրդաշեան, եւ պատմեցին նմա զբանն, բայց նա երկեաւ առնել զայն. իսկ եղբայր նորա Խանն Լեքազում ջանայր հաւանեցուցանել, եւ մէնչդեռ ընդ այս վի-

Ճէին, զօրքն Օսմանցոց եկեալ լցին զդաշտն Կրչեվանու: Եւ ասեն Մխիթարն եւ տէր Աւետն ցնանն. Դիմեցուք ի վերայ նոցա: Բայց նա երկեալ, եւ ոչ կամեցաւ գալ. յայնժամ սոքա վաթսուն եւ վեց արամբն սակաւ ինչ պատահեալ նոցա՝ անցին գնացին, եւ զօրքն Օսմանցոց մտին ի Մեղրի, քսան եւ երկու հազար վառեալք: Եւ իբրեւ ընդ երեկս եղեւ՝ Մխիթարն եւ տէր Աւետն չորս արամբ եկին ի յայգեստանս Մեղրու եւ ժողովեցին զամենայն փախստեալսն Մեղրացոց անդէն. Խանրն եւս առաքեաց յիսուն վառեալ, եւ զիւրեանց զօրսն եւս եղին ի դարանի ի գլուխն Մեղրայ, եւ ինքեանք սակաւուք ի գիշերի մտին ի Մեղրի. եւ զօրացն պատուէր տուեալ էր նոցա, զի ընդ լուսանալն՝ դիմեսցեն ի քաղաք անդր, եւ իբրեւ առաւօտ եղեւ, իւրանց զօրքն ոչ հասին, բայց Օսմանցոցն իմացեալ զայն ամենայն, հեծան պատրաստեցան, եւ սկսան մեկնիլ ի քաղաքէն. եւ Մխիթարն. տէր Աւետն, եւ որք ընդ նոսա-րսկըսան ի ներքս հարկանել զվիրաւորս ի յՕսմանցոց, եւ հարին սատակեցին զհարկահանն: Եւ յայսմ վայրի որ ի ներքո, որ արտաքս ի դարանին, հասանէին հարկանէին զՏաճիկսն եւ վանէին: Բայց զի զօրքն Հայոց, որոց սպասէին, ոչ ժամանեցին, ասեն ցնանն. Ե՛կ ընդ մեզ, գնացեալ առցուք ի յՈւզունպատ զանցս նոցա: Ի յայն բան հասին զօրքն Օսմանցոց, եւ Խանն փախեալ, եւ սոքա կալան զանցս Օսմանցոց, եւ նոքա նեղեալ ի յԵրասխն դիմեցին՝ անցանել, եւ սոցա ի վերայ հասեալ՝ զբազումս ի գետն հեղձին¹ եւ զբազումս առ ետեղ սատակեցին: Եւ անտի դարձեալ գան ի Մեղրի, եւ գտանեն անդ զանհամար կառափս Թուրքաց, եւ զանթիւ ինչս նոցա՝ ձիս, ջորիս, իբր չորս հարիւր տաղանդոյ ինչս: Զքեռն հարկահանին բացին եւ գտին անդ երեսուն եւ երկու հազար թուղթս հարկաց, եւ զԴաշդաց նորվէլն սպանին վասն ուրանալոյն ըզ-Քրիստոս:

Ապա յետ այսորիկ իբրեւ ժամանակ ինչ էանց, եկն եւ Եհաս ասպատակիչ Փաշայն, եւ բանակեցաւ ի Բեղ գեղն, մի շաբաթ, եւ զոչ ինչ կարաց առնել: Եւ սոքա ի գիշերի միում հասին ի վերայ նոցա, հարին կոտորեցին եւ զՓաշայն փախըստական արարին:

Յետ այսորիկ ութն հարիւր օսմանցի եկին ի Պարկուշատ,

¹ Զեռ. զբազում ի գետն հեղձցին:

առ ի գնալ ի Տաթեւ: Զայն լուեալ սոցա՝ գիշերայն գնացեալ բանակեցան ի լեառն, որ կոչի Օքուզեարաթ, եւ կալան զճանապարհս նոցա, եւ ի յառաւօտուն պահու, իբրեւ հասին անդ, պատահեալ նոցա՝ առին զամենայն ինչս նոցա եւ սոյանին ի նոցանէ իբր երեսուն եւ վեց սպառազէն, եւ զեօթն այր եւս գերեալ բերին ի Հալիձոր: Ապա միւս այլ եւս զօր եկն Օսմանցոց, եւ բանակեցաւ ի գեօղ մի Թուրքաց, մերձ և Մանլեւ, զնոսա եւս ի գիշերի ի վերայ հասեալ կոտորեցին, եւ միայն զերկուս ի նոցանէ կենդանի բերին ի Հալիձոր:

ԺԲ.— Արդ՝ իբրեւ ետես Դաւիթ Պէկն յամենայն ուրեք ըզթշնամիսն իւր առաջի իւր վանեալս, առաքեաց Շահ Թամազին երկուս բեռինս գլխովք սպանեցելոց: Իսկ նա եւս առաքեաց սմա մի նժոյգ ձի, մի խաչալամ եւ իւրաքանչիւր զօրապետացն մի մի վերարկու, եւ զիշխանութիւն հատանելոյ զղրամ: Գրեաց նաեւ զհրովարտակ եւ ասէ. Որքան Խանք գոն ի կողմանսդ յայդոսիկ, գլխաւորն լիցի Դաւիթ Պէկն, եւ գնացեալ ի բաց հանցէ զՕսմանցին յերկրէն իւրմէ: Յայնժամ եկեալ կալաւ զՄեղրի, եւ առեալ զզօրսն Մեղրու եւ Զաւնդրու՝ գնացեալ բանակեցաւ ի շէնն Կէշիվանու, եւ առաքեաց զզօրապետսն ի վերայ Ուրդովարու: Եւ սոքա գնացեալ հասին ի վերայ քաղաքին, ի ժամ գիշերոյ, եւ հարին ի նոցանէ իբր երեք հարիւր այր. եւ մնացեալքն փախեան եւ գնացին, բանակ առեալ բանակեցան արտաքոյ քաղաքին. եւ սոցա առեալ զաւարն եւ արկին սեղանս՝ զի կերիցեն եւ արբցեն: Յայնժամ վերահասեալ Դաւթի բարկացաւ ի վերայ նոցա եւ ասէ. Օսմանցին բանակ առեալ բանակի անդէն, եւ դուք նրստեալ ուտէք եւ ըմպէք: Եւ նոցա թողեալ զուտեղն՝ դիմեցին ի վերայ Օսմանցոցն: Իսկ նոքա զառաջինն իբրեւ տեսին, գիտացին թէ զօրն Պարսից է եւ յարձակեցան ի վերայ սոցա. եւ իբրեւ զփորձ առին եւ գիտացին թէ այն է զօրն | Դաւիթ Պէկին, փախեան եւ եկին սոքա ի Դաշտուն, եւ արք տեղւոյն այնորիկ փախուցեալ անկան Ագուլէս քաղաք Հայոց: Իսկ տէր Աւետիսն եւ Մխիթար սպարապետն հարեալ եւ փախուցեալ զՕսմանցին, առին ի նոցանէ զբազում ջոկս ձիոց եւ ջորեաց: Եւ անտի եկին Մխիթարն եւ տէր Աւետիսն ի յԱգուլէս, իսկ արքն որք պահէին զմեծ դուռն քաղաքին, իբրեւ տեսին զնոսա՝ փախեան. եւ սոցա գնացեալ ի վաճառատեղն քաղա-

քին՝ գտին զհարկահանն Օսմանցոց փախուցեալ, եւ գնացեալ անտի բանակեցան ի վանս սրբոյն Թովմայի առաքելոյ, եւ անտի տեսին արտաքս ամբոյս շփոթի. եւ ձի կալեալ երկու ոմանք ի նոցանէ եկին արտաքս, եւ գիտացին զի ոմն ի Թուրքաց յափշտակեալ զոմն գերի վարէր, եւ պնդեցան զհետ նորա, եւ նորա թողեալ զգերեալն՝ փախեալ: Արդ՝ սակաւ ինչ կացեալ անդ, տեսին զի Դաւիթ Պէկն եւս եմուտ յԱգուլէս, եւ եկին առ նա. եւ նա իւրաքանչիւրոցն զգեցոյց զմի մի պատմութեան. եւ վերստին դարձան բանակեցան ի սուրբն Թովմաս. իսկ արք քաղաքին եկեալ համբուրեցին ամենեքեան զձեռն Դաւիթ Պէկին՝ ըստ սովորութեան նոցա: Եւ իբրեւ եկն մելիք Մոսին՝ որ տիրէր ի վերայ քաղաքին, եւ յանդիման եղեւ նմա, ասէ Դաւիթ ցարս իւր. Հատէք զգլուխ դորա ի գիշերիս յայսմիկ, զի այր նենգաւոր է դա: Բայց մելիք Փարսադան արգել զայն, եւ ասէ՝ Ոչ է այնպիսի ոք սա: Եւ մնացեալ սոցա ի քաղաքի անդ զաւուրս տասն, եւ յայսմիկ միջոցի Օսմանցին երիցս դիմեաց ի վերայ Դաւթի, եւ երիցս խորտակեցաւ և յանյաղթելի քաջ զօրաց սորա: Ապա յետ այսորիկ արքայն Պարսից Շահ Թամաս առաքեաց յօգնութիւն Դաւթի զերիս հանս, եւ վերստին դիմեաց Օսմանցին եւ խորտակեցաւ ի սոցանէ: Սակայն իշխանքն Ագուլէսի ծածկապէս դաշնադիր էին ընդ Օսմանցոց, եւ սոքա ոչ գիտէին. եւ յետ երկուց աւուրց՝ եկին հասին բազմութիւն զօրացն Օսմանցոց ի դաշտն Մարադու, եւ բաժանեցան յերիս առաջս: Իսկ որք ընդ Դաւթի էին՝ նոքա եւս բաժանեցան յերիս առաջս, հանքն Պարսից ի մի կողմն, տէր Աւետիսն եւ որք ընդ նմա էին՝ ի միւս կողմն, այսինքն՝ ի կողմն Երասխու, եւ մնացեալ զօրքն Հայոց ի մէջ երկուցն: Արդ իբրեւ խմբեցան ի պատերազմ, հանքն Պարսից փախեան յերեսաց Օսմանցոց, բայց զօրքն Հայոց պինդ կացին հարին եւ վանեցին զՕսմանցին, եւ իբրեւ փախստականս արարին զնոսա, եւ ապա պնդեցան զկնի հանիցն (մինչդեռ փախստեայ երթային նոքա ի Թավրէզ), հասին նոցա եւ դարձուցին զամենայն զօրս նոցա, եւ բերին ի յԱգուլէս. բայց երկու հանքն փախեան: Իսկ սոցա հասեալ կալան զերկուս տիկնայս նոցա, հանդերձ քսան եւ երկու աղախնեօք եւ ծառայիւք նոցա, եւ առաքեցին զնոսա ի Հալիձոր: Արդ՝ յետ այսորիկ իբրեւ երկու աւուրք ի վերայ անցին, արքն Ագուլէսի եւ Մելիք Մոսին զդաւաճանութիւնս իւրեանց

յայտ արարեալ՝ գրոհ տուին ի մէջ քաղաքին եւ արձակել սկսան ի վերայ զօրացն Դաւթի թօփս: Իսկ նոցա | խնայեալ՝ ի նոսա (վասն զի ամենայն քաղաքացիքն էին հայ, եւ ոչ ոք այլադպի գոյր անդ), խուսափեցին ելին արտաքս քան զքաղաքն, եւ մինչդեռ ի ներքս սոքա պաշարեցեալ էին, ասէ Մելիք Փարսադան ցզօրսն. Մի՛ ինչ արձակէք հրացանս, զի ահա քաղաքապետն ելանէ արտաքս: Եւ իբրեւ ել քաղաքապետն, այսինքն՝ Մելիք Մոսին արտաքս, սոքա հարեալ սպանին զնա թոփով: Եւ անտի շուեցին գնացին ի գիւղ մի Թուրքաց, ուր էին հազար երեք հարիւր ոչխար սպանդանոցի Ագուլեցոց. զամենեսին զնոսին ածին ի Մեղրի: Եւ յետ երկուց աւուրց՝ զօրականքն Դաւթի վերստին եկին յԱգուլէս, եւ հարին որ ինչ էր արտաքոյ քաղաքին, եւ գնացին ի Մեղրի, եւ անտի անցին գնացին ի Հալիձոր եւ բռնակեցան անդ:

Արդ՝ իբրեւ եկին ի Հալիձոր, առաքեաց Դաւիթ Պէկն զտէր Աւետիսն առ զօրականսն, որք էին ի Չաւնդուր. իսկ նոքա մերժեցին զԴաւիթ եւ ոչ լուան նմա: Եւ նորա եկեալ ծանոյց Դաւթի զապստամբիլն նոցա ի նմանէ, եւ թէ ո՛րպէս կացուցեալք են ի վերայ ինքեանց զկառավարս Օսմանցոց: Յայնժամ հրամայեաց Դաւիթ չորեքտասան զորագլխացն իւրոց երթալ կալնուլ եւ կապեալս ածել զնոսա առ ինքն: Եւ ելին կազմեցան պատրաստեցան, ձի հեծան եւ գնացեալ հարին եւ կալան զզօրականս եւ զՕսմանցի ոստիկան կառավարն նոցա, եւ ածին ի Հալիձոր առ Դաւիթ. եւ նոքա մատուցեալ առաջի նորա՝ երդմնի եղեն նմա թե այսմհետէ քեզ հնազանդիմք յաւիտեան: Եւ նորա հաւատացեալ նոցա՝ զերկու զօրականս առ ինքն եթող, եւ զայլսն ետ ի ձեռս տէր Աւետին, զի ի ներքոյ իշխանութեան նորա լինիցին: Եւ նորա առեալ տարաւ զնոսա ի Չաւնդուրն եւ արձակեաց զնոսա ի տունս իւրեանց:

Եւ յետ այսորիկ իբրեւ չորք աւուրք ի վերայ անցին, ելին Բաթալի Խանն, եւ զօրքն Օսմանցոց, եւ հարին զերիս գիւղս Հայոց ի գիշերի, եւ կալեալ զերիս զօրապետս՝ ածին ի Պարկուշատ. եւ յետ երկուց աւուրց, իբրեւ լուաւ տէր Աւետիսն՝ ժողովեաց զզօրսն իւր, եւ գնացեալ ի գիշերի եհար զնոսա, եւ կալաւ զերկու թուրք զօրականսն, եւ զամենայն ինչս նոցա էած ի Չաւնդուր:

ԺԳ.— Եւ ի ժամանակի յայսմիկ մեռաւ Դաւիթ Պէկն խա-

դադութեամբ ի տան իւրում, յամի Տեառն 17(28) եւ ի Թուին
Հայոց ՌՃ(Հէ)¹, ի յամսեանն

ԺԴ.— Արդ՝ իբրեւ վախճանեցաւ Դաւիթ Պէկն, զօրականքն
ամենեքեան միաբանեալք կացուցին ի վերայ ինքեանց իշխան
զՄխիթար զօրագլուխն: Բայց զկնի միոյ տարւոյ, վասն զի
զօրականք միմիանցն ոչ հպատակեցան, ուստի Օսմանցին ե-
կեալ էառ զբերդն Դաւթի, եւ գերի վարեցին զամենայն բնա-
կիչսն նորա. իսկ Մխիթարն փախուցեալ ի նոցանէ՝ զնաց
վերստին զօրս գումարեալ ի Հայոց եւ Թուրքաց, վերստին
խորտակեաց զՕսմանցին, եւ դարձոյց յետս դքադաքսն եւ
զամուրս ի նոցանէ: Էառ եւ զՈւրդուար քաղաքն եւ կոտորեաց
զամենայն որ ինչ էր ի նմա, եւ էառ զաւար բազում յոյժ, եւ
զհարիւր վաթսուն բեռինս ուղտուց: Եւ ինքն դարձ արարեալ
անտի, եկեալ ժամանակ ինչ բնակեցաւ ի յամուրն Խնձոր-
էկս. եւ անդ իւրոց զօրացն հարեալ Թափով սպանին². եւ
վաղվաղակի Հայոցն հատեալ զգլուխ նորա՝ տարին առ Փա-
շայն Թավրիզու. եւ նա ըստ արժանեացն հատոյց նոցա, հա-
տանելով զգլուխ անզգամացն, եւ ասէ. Զիա՞րդ իշխեցիր ըղ-
այդպիսի քաջ այր սպանանել ի զուր տարապարտուց: Եւ տէր
Աւետիսն յայնմիկ ժամանակի փախուցեալ գայ ի Գաղա-
տիա(յ), եւ անտի դիմէ առ Սրբազան Հայրապետն Հոռմայ
եւ առնու զներումն³:

Այսոքիկ էին զօրավարք եւ զօրապետքն Դաւիթ Պէկին,
մինչ էրն ի Շնհեր. Մխիթարն, մեծ Կորկին, վրացի Յօհան-

¹ Ձեռագրին մէջ այս երկու թուականները կիսատ մնացած են, այսպէս
17... ՌՃ... Բայց յետոյ մէկը մատիտով լրացուցած է, դարձնելով 1728
եւ ՌՃՀէ, անշուշտ հետեւելով Գուլամիրեանցի հրատարակութեան (տե՛ս
Անդ, էջ 68):

² Ձեռագրին մէջ այստեղ դրուած է ԺԴ. բաժանումը, զոր մինք զետեղի-
ցինք 12 տող աւելի վեր, ըստ իմաստին, աւելի տրամաբանական բաժա-
նում մը ստեղծելու նպատակով:

³ Ձեռագրին մէջ կան սրբագրութիւններ այս վերջին նախադասութեան
մէջ, զոր կրկին կը դնենք հոս, ընդգծելով եւ փակագծի մէջ տոնելով այն
բառերը՝ որոնք մեղանով եղծուած են, վրան գիծ քաշելով. «Եւ տէր Աւե-
տիսն յայնմիկ ժամանակի փախուցեալ (ժամանակ ինչ բնակեցաւ) դայ ի
Գաղատիա, եւ անտի (եկեալ ի Վենետիկ) դիմէ առ Սրբազան Հայրապետն
Հոռմայ եւ առնու զներումն»:

նէսն, Բանդուր Զաքարիա իշխանն, փոքր Կորկին, Աւդանտել իշխանն Պայինտուր իշխանն Վրացի (այդ սոքա Վրացի ասին, ըստ որում էին յերկրէն Վրաց, այլ ոչ եթէ էին ի Վրաց ազգէն, վասն զի Դաւիթ եւ ամենայն զօրավարք եւ զօրքն իւր էին ի յազգէ Հայոց)։ դարձեալ Մատուրն, Ղարակեօզն, Թաթէոսն, Եղիազարն, Յարութիւնն եւ այլն. այսքան զօրօք...։

Որք ի Շահեր բնակէին քաջ զօրավարքն Դաւիթ, էին այսոքիկ. Պուան զօրապետն, Պակի զօրապետն, Մինասն, Ստեփաննոսն, եւ ընդ նոսա 550 զօր։

Որք ի Տաթեւ՝ էին այսոքիկ. Ղիշին, Այտին, Եսային, Տիրացուն, Սիմէոնն, Ապկարն, եւ ընդ նոսա 400 զօր։

Որք ի Զաւնդուր գաւառին՝ էին այսոքիկ, Թորոսն, Վարդանն, Մարսաթան, Նուպարն, Թովմասն, Թուրինջն, Յօհաննէսն, եւ ընդ նոսա 2000 զօր։

Եւ ի Կալեր էր Պապ զօրագլուխն, եւ ընդ նմա 700 զօր։ Իսկ Ստեփաննոս Վարդանէսեան, որ ի տանէն Շահումեան, էր սպարապետ եւ տեղակալն Պապայ, եւ էր սիրելի յաշս Դաւիթ, վասն իւրոյ քաջութեան եւ ազնուականութեանն. ուստի ետ նմա յետոյ նաեւ զիշխանութիւն եւ զկալուածս երից Մելիքաց։

Եւ ի Մեղրի էին այսոքիկ զօրավարք. այսինքն՝ Կոստանդին, Յօհաննէսն, Սարին, Առաքելն, եւ ընդ նոսա 400 զօր։ Սոքա զդէմ կալան ութուտասան հազար զօրացն ի յամուր արանն Մեղրեայ, եւ ի գիշերի միում սակաւութիւն ի վերայ յարձակեցան ութուտասան հազարացն, եւ ետուն նոցա զմեծամեծ հարուածս։

Յետ այսորիկ որդիքն Մաղաջուղին եւ Տիլէնշի մականուանելոյն էին, շորեք հարիւր արամբք։

Զօրավարն Սիսանայ՝ հինգ հարիւրով։

Մէլիք Ղուշուն՝ երկու հարիւրով։

Աւշար երէցն, որ եւ կոշի տէր Գասպար, երկերիւր յիսնաւ։

Ատոմ զօրավարն Պտղաբերդուն՝ հարիւր յիսնաւ։

Ղազար զօրավարն Կուլաբերդին՝ հարիւր տասամբ։

Սարգիս զօրավարն Շիվանու ձորոյն՝ երկերիւր յիսնաւ։

Մելիք Փարսաղան ի Հալի ձոր երկրին՝ երկերիւր յիսնաւ։

Եւ տէր Աւետիսն ի նոյն Հալի ձոր՝ շորեք հարիւր վաթսուն եւ ութն արամբք։

Տէր Աւետիս արար զբազում մեծամեծ քաջութիւնս, որպէս եւ ի պատմութեանս իսկ տեսանի. զի էր կարի քաջ եւ արիասիրտ եւ զօրաւոր յոյժ՝ բանիւք եւ գործովք. եւ վասն այսորիկ նա յորմէ հետէ հեռացեալ ի հայրենի երկրէն պանդրխտեցաւ ի Գաղատիայ, բազումք յորդորէին զնա ի հայրենի նորին գաւառէ՝ անդրէն դառնալ առ նոսա եւ պաշտպանել զերկիրն զայն. բայց նա հրաժարէր յաղագս պատուոյ իւրոյ քահանայական կարգին, որպէս եւ ոմն յարգելի երիցանց անտի գրեաց առ նա զայս ոտանաւոր առ նոյն յորդոր:

Ի նուազիւ Հայոց ազգի,
 Ի դառն եւ նեղ ժամանակի,
 Յաղթող զօրեղ երեւցար,
 Քաջ զինաւոր տէր Աւետիս:
 Սարսին ի քէն ազգն Տաճկաց,
 Զի յաղթեցեր նոցին զօրաց,
 Զարքայական զէնն Քրիստոս,
 Տէր Աւետիս, քեզ պարգեւեաց,
 Արիական զօրօք քոյին,
 Յաղթեցեր չար Գրիգորին,
 Զի ուրացաւ ըզՔրիստոս,
 Դու կտրեցեր գլուխ նորին:
 Հասեր արագ բերդն Մեղրին,
 Սատակեցեր ըզհարաճին.
 Երեսն հազար թուղթ հարաճին
 Այրեցեր ի մէջ կրակին:
 Ազնիւ զօրօք քաջ եւ ընտիր,
 Ազուլեաց դաշտն ճէպէիր.
 Անարգողաց սրբոյ հաշին,
 Տէր Աւետիս վրէժխնդիր,
 Կրկին խնդրեմք արիանալ,
 Պալի Պէկին զինուորանալ.

Հայոց ազգին թեւ եւ թիկունք,
Տէր Աւետիս, բարեաւ երթաս:
Էրէցս ապիկար անարժան,
Խնդրեմք սրբոցն համանգամայն.
Խաչեալ Աստուած, Տէր իմ Յիսուս,
Տէր Աւետիս քեզ պահապան¹:

¹ Սոյն քերթուածը հրատարակած է Հ. Նզիա Վրդ. Փէշիկեան (տե՛ս Բազմավէպ (72) 1938, թ. 6—9, էջ 187):

ԲՈՎԱՆԴԱԿՈՒԹՅՈՒՆ

Առաջարան	5
Գլուխ առաջին	16, 17
Գլուխ երկրորդ	28, 29
Գլուխ երրորդ	52, 53
Ցանկում	86

Հրատարակության է ներկայացրել
համալսարանի հայագիտական հետազոտությունների լաբորատորիա

Հրատարակչության խմբագիր՝ Լ. Լ. Աղայան
Գեղարվեստական խմբագիր՝ Ն. Ա. Թովմասյան
Տեխնիկական խմբագիր՝ Ա. Մ. Գյուլգյուլյան
Վերստուգող սրբագրիչներ՝ Մ. Գ. Յավրյան, Ս. Վ. Ղազարյան

Հանձնված է շարվածքի 12.04.1991 թ.: Ստորագրված է տպագրության 27.04.1992 թ.: Զափսը՝ $84 \times 108^{1/32}$: Թուղթ՝ № 2 տպագր.: Տառատեսակը՝ «Արվորական»: Տպագրության եղանակը՝ «Բարձր»: Հրատարակչական 5,1 մամուլ: Տպագրական 3,5 մամուլ=5,88 պայմանական մամուլի: Տպաքանակ՝ 10000: Պատվեր՝ 426: Գինը՝ պայմանագրային:
Երևանի համալսարանի հրատարակչություն, Կրկան, Մոսկվայի փ. № 1:
Издательство Ереванского университета. Ереван, ул. Мравяна, № 1.

Երևանի համալսարանի տպարան, Երևան, Արուսյան փ. № 52:
Типография Ереванского университета, Ереван, ул. Абовяна, № 52.

